

THIRTEENTH SITTING ON MONDAY, THE 27TH MARCH, 2006
(Time 10:30 A.M. to 1:00 P.M. and 2:00 P.M. to 4:00 P.M.)

LIST OF BUSINESS

MEMBER PRESENT

1. PU LALCHAMLIANA, Speaker, at the Chair, Pu Zoramthanga, Chief Minister, Deputy Speaker, 11 Ministers and 25 Members were present.

QUESTIONS

2. QUESTIONS entered in separate list to be asked and oral answers given.
3. PU TAWNLUIA to lay on the Table of the House the 14th Annual Report of the Mizoram Public Service Commission (2004 - 2005)

PRESENTATION OF REPORT

4. PU LALTHLEGLIANA to present to the House the Second Report of Committee on Estimates relating to Agriculture Department.

ELECTIONS TO FINANCIAL COMMITTEES

** DISCUSSION AND VOTING ON DEMANDS FOR GRANTS

5. PU TAWNLUIA, Minister to submit to the vote of the House various Demands under his charge.
6. PU AICHHINGA, Minister to submit to the vote of the House various Demands under his charge.

SPEAKER

: Chuvangin thinur hlauh vang chauh ni lovin, i chhia leh tha hriatna avang pawhin rereltu thu thuin I awm tur reng a ni.

Zawhna kan la nghal ang a, Starred Question No. 186 na zawt turin Pu R.Khawpuikthanga sawm ila.

PU R.KHAWPUITHANGA

: Pu Speaker, ka zawhna Starred Question No. 186 na Home Department changtu Minister zahawm tak chhan atan -

- (a) YMA leh sorkar ruihhlo donaah thawhhona tha a awm zel thei ang em ?
(b) Crime rate a hniam phah em ? tih ka zawt e.

S P E A K E R

Chhang turin Home Department en-
kawltu Minister zahawm tak Pu Tawn-
luia sawm ila.

**PU TAWNLUIA
MINISTER**

Pu Speaker, member zahawm tak South
- II bialtu Pu R. Khawpuithanga zawlna
chhanna chu - (a) Thawhhon a tha tak
neih zel a ni. (b) Crime rate a hniam
phah hle a ni.

PU R. LALZIRLIANA

Pu Speaker, zawh belhna. Tunlai prohibi-
tion drug te, zu te Excise Department
hnuaiia thawhah chuan YMA te hi nasa
taka hman an ni a, dan hnuaiiah tih theih
an nei si lova, sawiselna a nasa hle a ni tih kan hria a. Chuvangin, kan hmang
dawn anih chuan Excise Department-ah te zu chungchang leh thil dang prohibition
chungchangah reng reng hian an len ve theihna tawh dan an tih ve tur hi siam
law law ila, dan lova thil ti nia kan zuk puh zel ai hian a tha lawm ni, an len ve
theihna tur dan hi siam a tha lawm ni tih ka zawt belh duh ani.

PU ZODINTLUANGA

Pu Speaker, zawh belhna. YMA te NGO
te hi kan sorkar hian kan hmang tangkai
hle a. Zirtawpni a bill kan sawihonaah
pawh kan Minister zahawm tak Sangau
bialtu te leh ruling lama kan member zahawm tak takte khan NGO te, YMA te
tel lovin engmah kan ti thei tawh lo a ni tih chiang takin an rawn sawi a. Kan
sorkar hi amah hian thil tih tumna tak tak anei tawh lo tih a chiang a. YMA te,
NGO te kan pur fo mai a. Entirnan. Aizawl khawpui chhungah pawh MTV te
man tu chu PAMRA te an ni a. Chanchinbu ah te kan lo hmu a. Tin, khawthlang
lama hel hovin min kidnap na te hma an la nasa em em mai a. Chutiang chuan
YMA leh NGO hrang hrangte tel lovin kan sorkar hi a kal thei lova.

Tin, ka zawhna tur tak chu Pu Speaker,
Suangpuilawn kidnapped case kha kan sorkarin a harsa a ni a ti a, tun thlengin
engmah chanchin kan hre lova, hemi case hi kan NGO te kutah hian a dah theih
lawm ni, a dah chuan an man hma ngawt ang.

PU H. ROHLUNA

Pu Speaker, zawh belhna. YMA leh sorkar
ruihhlo dona kawnga an thawhho chung-
changah hian YMA te an tangkai hle tih

chu tlang hriat a ni a, sawi pawh a ngai lova. A dan leh dun lam chu Saitual bialtu khan a sawi tawh a. Sorkarin Central YMA leh YMA Branch hrang hrangte ruihhlo dona kawngah tanpuina pek anei em? A sum leh pai innge man power in nge eng angin nge, a hautak dan chu kan hre vek a. Veng tinah nitina duty insiamin YMA ten hma an la ani a. Chutah chuan, sum leh pai a investigation tihna atan te, chhui zuina atante engkimah POL ah nise sum angai nasa em em a, tin, duty te tan thil tul eng eng emaw han tihna atan te. Chuvang chuan, sorkar hian chutiang zawng chuan tanpuina hi a pe thin em tih ka zawh belh duh a. Tin, pe ngai lo ni ta sela, tun kum tharah hian budget ah hetiang a tanpuina turte provision dah anei em tih ka zawh belh e.

PU SAILOTHANGA SAILO

: Pu Speaker, ka zawh belh duh chu kan NGO te tan hian budget ah hian provision dah dan hran a awm em, tih kan zawh belh duh a. A chhan chu kan NGO a bikin YMA te hi tunlai kan ramah kan hmahruaitu leh hmungdawltu an nihna laiah leh vawuin ni thlengin chhun zan zawm in an duty a la ni si a. riltam a hnathawh leh duty harsa an tih thu te kei ngei pawhin ka hre thin a, ansum leh pai harsatna avangin an hmalak tur tam tak pawh an lak theih loh phah thute in hre ve thin in ka ring a. Kan sorkar hian heng kan NGO te tan hian budget ah a bul tan nan chuan eng pawh ani anga, dah sak dan a awm thei lawm ni. Tin, MHIP te pawh an tangkai nasa mai a, kan MUP te pawh heng ho tan hian kan sorkarin tih dan thate ngaihtuah sak thei se tih kha kan zawt a kan ngen pui hawk ani e.

PU K. VANLALAUVA

: Pu Speaker, zawh belhna chanchinbu leh Radio ahte kan ngaihthlak thin ang khan Aizawl lam atanga Bike te, Scooter te ru ho hi a tam ber chu ka bial ah khian an lut chho thin ani a. A bik takin Khuangleng leh Sesih khi an pal deuh ngei ngei a, Sesih ah khian YMA te leh khawtlang hruijutun 4/5 an man tawh ani a, hmanni ami kha chu Lungdarah an lo man hlauh a, an ni pawh an interview na ah Sesih ah kan thiante Bus a lo kalte nen kan in hmu dawn an ti a. Chuvangin. Pu Speaker, ka'n zawh belh duh chu Khuangleng leh Sesih ah khian VDP chak zawk leh Powerful deuh hlek siam a, engtin emaw thuam dante a awm thei lawm mawni le, an tangkai khawpin ka ring.

**PU TAWNUI
MINISTER**

: Pu Speaker, MLTP Act chhunga crime rate a tlahniam kan tih kha hetiang hian District tin atangin kan han chhutin a tlak hriam phah viarvin kan hria a, a lawmawm kan ti a. Tin, NGO te leh sorkarin ruihhlo dona chungchanga an in puih tawna hi record tlakin a tha in lawmawm kan ti a. Kan tlawmngai pawl lian ber YMA ten tha an thawh nasa em em a. Kum 2004 ah khan "Ruihhlo do Kum" an puang a, chu chu sorkarin dan chhungah dan hnuaiah theih tawpin kan kenkawh lai mek ani a. YMA in anmahni thahnem ngaihna liau liau in kan tur luih vang nilovin, an tlawmngaih vang leh an thahnem ngaihna Mizo tlawmngaihna avang zawkin ruihhlo do kum hi an puang a. Tichuan sorkarin hetiang kawng a dan a neihte zawm zel chungin YMA te pawh hian kha dan hnuaiah khan heng ruihhlo dona hi an thawk a.

Tin in tanpui tawna leh sum leh paia mipuihna kawng ah pawh sorkar in theihtawp a chhuah a. Mahse, anni tlawmgai pawlte pawhin mahni intodelh zawnga thawh an chak em em rualin an in daih bik lohna karah chuanin engtin tin emaw a tlem emaw a tam emaw chuan kan Excise te leh Police lamte nen in hriatthiam tawna in kan thawhho dante hi an buatsaih chho zel thin ani tih kha kan sawi duh ani a. Chuvangin, kan NGO te ruihlo dona kawnga an thahnem ngaihna hi anmahni awm hawp liau liau a ni a. Mizo tlawmgaihna atanga rawn ti an ni tak meuh meuhl a. Sorkar policy dinglai kha puibawmni anni pawhin an thahnem ngaihna in an rawn thawk chho thin ani tih kha kan sawi duh ani a.

Tin, anmahni tanpuina atan hian budget ah provision a awm ve em tih hi Home Department Demand kha en ila Village Defence Organisation tih kha a awm a, khang atang khan engtin emaw in tanpui dan kha chu a awm a, a hranpa liau liau chuan kan la ti theilo deuh ani tih kha kan chhanna nisela. Khawbung bialtu zahawm tak Pu Auva'n a bial Khuangleng leh Sesih ah VDP chak zawk in awm se tih pawh kha tuna kan sawi tak khan huam turah ngai ila. Ruihlo danna ah hian sorkar tawiam in sorkar hmalakna ti chak turin kan NGO ten tha nasa tak an thawh hi ropui kan ti a. Lawmawm kan ti ani.

S P E A K E R : Starred quuestion no. 187 na zawt turin Pu R. Lalzirliana i lo sawm ang.

PU R. LALZIRLIANA : Pu Speaker, Stared Question No. 187 na Food & Civil Supplies leh Consumer Affairs Minister chhan atan.

- (a) BPL leh IAY Buhfai hi Ration pangngai aia chhe zawk deuh pek tur a ni em ni?
- (b) Chini hi Ration rate inanga sem tur (khawpui leh thingtlang) a ni em?
- (c) K.Oil hi Zokhua leh khawpuiah Retailer te semna rate a inang em? A inan loh chuan a chhan sawi nise.

S P E A K E R : Chhang turin Food Civil Supplies & Consumer Affairs Department changtu Minister zahawm tak Pu K.Sangthuama i lo sawm ang.

PU K.SANGTHUAMA
MINISTER

: Pu Speaker, Saitual bial MLA zahawm
tak Pu R.Lalzirliana zawhna chhanna -
(a) Tuna a rawn chhiar chhuah leh heta

A inziah dan hi a in ang lo deuh tlat
mai a, khawngaihin hei hi BPL Ration Central in C/Rice pek tura tih a ni a. IAY
Ration hi pek a ni lo a, hei hi azawhnaah khan AAY a rawn ni a, hetah hian IAY
a rawn ti tlat mai a, khalaia kha enge a inkalh deuh tlat mai a, azawhna bul taka
kha hriat a ngaiin ka ring a. Heta chhannaah hi chuan BPL Ration hi Central in
C/Rice pek tura tih a ni a. IAY Ration hi pek ani lo tih kha achhanna a ni a.
Tichuan, C/Rice hi Common Rice tihna ani a. Hei hi BPL te hnena pek thin a ni
a. IAY/AAY erawh kha chu pek loh ani a rawn ti a, mahse, AAY tih tur a nih ka
ring a. AAY hi chu a tlawm lehzuah a ni a. Chuvangin, Grade A leh C/Rice a
inan loh avangin BPL kan pek ahi chu C/Rice ani a. Hei hi a awm loh pawhin
Grade A kan pe ve tho thin a ni.

(b) Aw ni e. Chini rate hi Mizoram
pumah a inang vek ani. Rs. 13.50 a Mizoram pum a pek vek a ni e.

(c) In ang lo. A inan lohna chhan chu
a phurh man hi tlem tlem, Designated Centre atanga an hlat dan azirin belh zel
ani tih chu kan chhanna a ni e.

PU R. LALZIRLIANA

: Pu Speaker, zawh belhna. Pakhatna hi
chu helaia a lo lan danah pawh hian
IAY tih a ni a, mahse, IAY a awm lova,
typing mistake anih ka ring deuh a.

Office lamin kan ti nge keimah pawhin ka rawn tisual ve thei deuh a. Ka rilru a a
landanah kha chuan AAY kha a nisa mai a. Tichuan, chini hi ania ka zawh belh
duh chu BPL Buhfai te hi chu hmannah kan sawi tawh a, ka bial ka fanin a chhe
lutuk a ka dil a, ka hawn a, kan Minister hmuh atan hian ka ti a Mahse, ka nau
ten Vawk chaw tura ka hawn emaw an ti a, ka dah that an lo la leh a. Chuvang
chuan, ka rawn keng thei ta lova. Pu Speaker a chhic kliawp mai a ei chi ani lova.
Mahse, chutiang chu ei lo thei lo dinhmunin kan thingtlang niipui BPL family te
kan siam a, kan Minister zahawm tak hi abawh lam chu bawh na deuh mai a ni kan
tih tawh kha hei hi chu tha deuh min pek sak sela kan duh khawp a ni, a ti thei ang tih
ka ring a.

Tin, chini hi hmannah ka zinin
Vanbawngah chini bag khat retailer in ahralh a, engatinge ahralh an ti a, akal man
tur hi hralh tur ani a, an ti a. Chuvang chuan a kal man tur te hi sorkarin kan pe
thin ni khan ka hria a, tunah hian kan pe ta lo nge khalai kha en zui theih ani ang
em tih ka zawt belh duh a ni e, ka lawm e.

PU LALDUHOMA

: Pu Speaker, khawpui chhunga VIP retailer
kan neih hi chini leh buhfai leh K.oil
hi retailer pakhat atang hian customer te
remchan zawkna turin pek chhuah dan a

ngaihtuah theih em tih a ni a. A dang lehah chuan Tinghmun khua a retailer in sorkar rate aia sangin a khaw mipuite hnenah buhfai a hralh chhuak thin a, chu chu sorkar kan hriattir a, a dik ngei a ni tih finfiah a ni tawh a. Eng action nge lak ni ta? A man tur aia sang a pawisa a lo dawnte kha an pek kir tir leh em? Tin, amah kha an ban tawh em? Tih kan hre duh a ni.

PU SAILOTHANGA SAILO : Pu Speaker, khawnvartui chungchang han zawh ve ka duh a. Ka bial in an hmu tha lo viauva, bial dang enge ka hre lova.

Khawnvartui hi tank lorry a phurh thin a ni flangpui a. Litre 12,000 phur thin ang a ngaih a ni a. Tichuan, compartment pathumah hian litre 4000 awm anga ngaih a ni a. Litre 12,000 an phurh ah hian Litre 1980 hralh ruk thin a ngaih a ni a. Chumi awmzia chu, compartment khatah litre 640 an hralh ziah tihna ani a. Tichuan, compartment belkhawm vek chuan 1980 an hralh thin tih hi kan Supply Minister zahawm tak hian a hri em tih leh an hralhna rate hi litre khatah Rs. 9 niin hriat ani a.

Tichuan, Pu Speaker, kan zawh belh leh duh chu motor kal man chungchangah transport subsidy hi Supply Department hian crore 2.56 hi record lohin a la awm a, subsidy lak theih reng crore 1.13 hi Supply Department hian an claim lo em ni tih kha ka zawh belh duh a. Pakhat leh chu Wheat phurh man 1 crore 0.6 FCI atanga re-imburement theih awm reng hi he sorkar hianin re-imburse tur hian a ngaihven zui lo a mi? tih kha kan zawt belh leh duh a.

A tawp ber atan chuanin BPL card neite tan Ration pangngai hi akhul ve theih loh em ni? tih kha kan zawt belh duh a. Bial khaw thenkhatah BPL card neiten Ration pangngai lak an phal ve lohna khua ka bialah khuan a awm a. Hei hi a tur reng ni a a khaw chhung hotuten an tihsual path nge ni? Tih lai kha kan zawh belh duh a ni e.

PU H. LALSANGZUALA : Pu Speaker, kan zawh ve duh chu, khilai ka bial Phullen, Khawlian, Phuaibuang, Tlangnuam, Daido, Luangpawm, chumi ho khua chu tunah hian Tam hmabakin an awm niin a lang a. Tunah khian Saitual to Phullen inkarah kawng laih mek a ni a. P.W.D. in tahchuan tunhmain Motor hianin Ration buhfai te phurh leh leh kal reng ani a. mahselangin, tuna hma an lakah khian hmunkhat laiah Motor hian a kal thei si lova, chu chu Motor te a Ration te dah turin arate asiamthat ani si lova, kan Supply Minister zahawm takin min hriatsak leh min chhan theih chuan, chu chu ka rawn question duh a. Tunah khian Fur chhunga hei Fur kan ni mai dawn a. Tuivai te a lo lian ang a, tuna thal chhunga Buhfai Fur tla dah lo chuanin riltama thih mai kha kan bial ten an hmabak a ni a. Chuvang chuan, tunah khian khilai Motor lian kal thei lo block a khi P.W.D. te nen engtingge inbiakremna te an nei em?

Hetah Suangpuilawn ah Rungdil road ah kal turin a rate an siamthat si loh chuan tilngaihna a awm si lova. Motor te ah a rate a te a phurh man ate kha an siam bawk si loh chuan tumah kal duh an awm si lova, chu chu engtinngé Supply Department hian Suangpuilawn Constituency a khaw 6, khaw 7 ration akhi engtia tih nge a tum ? tih kha Question pakhatnaah kan zawt duh a.

Pakhat leha kan zawh leh duh chu, hei Thingtlang mitten head-load bill an lo nei a, Aizawl khawpui chhungah chuan a zia zia a awm a, thingtlang mitena head-load bill an lo nei ve hi pawisa awmlai hian engmah hi an chang hlei thei lo hi a ni a, tah hian kan department te hian rural area a kan retailer te harsatna hi a hriatpui em ? tih kha kan zawt ve duh a ni e.

PU RASIK MOHAN CHAKMA : Pu Speaker, zawhbelhna. Supply Department in BPL family khaw tina an bituk thin hi khuaah BPL family awm zat ang chiah nge Department in BPL family kan Buhfai nei zirin bituk a ni thin ? tih hi ka zawt duh e.

S P E A K E R : Kan thurei tulh tulh a Supplementary a pung tulh tulh mai a, aw... Pu H.Vanlalthaliana.

PU H.VANLALTHALIANA : Pu Speaker, zawhbelhna. Kan Minister Zahawm takin achhannaah khan K.Oil Rate a inanglo a tia thingtlang leh khaw-Puiah. A rate min hriih thei em ? K.Oil rate hi min hriih thei em ? Tin, Khawnvartui hei Gas a eirawngbawl kan tam tak avangin mi tam tak chuan kan buaipui lo niin ka hria. Thingtlangah te leh K.Oil a eirawngbawl tan an buai hle maiin ka hria. Kan hmuhflem zel takna chhan hi engnge ni ? tih chumi zawhna pahni chu a ni e.

PU H. ROHLUNA : Pu Speaker, zawhbelhna. 'N' Diltlang khimi Hnahlan bulah khian Retailer atan Tender an chhuah a, chu chu February Thla tir lamah khan a ni a. Tunah hian a Tender chhangtu pakhat chauh aawm a. Chutah chuan a tender chhangtu nilo kha pek an tum avangin vawiinni thleng hianin hei thlakhat chuang daih tawh a ni mai a, hei thla hnih deuhthaw Retailer nei lovin an awm a. Chu chu Minister zahawm takin min lo enfiah sak thei ang em ? tih kan zawh belh a.

Tin, nikum budget session zawh hlum khan khithah Kawlbem ah Buhfai Godown an neih that loh avangin Minister zahawm tak nen khan kan han kal a, kan han enfiah a. Tichuan, Godown pawh kha tha takin ti ilar mipui duhthusam phei chu a ni lova, contractor paruk lai an nih avangin a harsa te pawh ani ang a, an sa zo tawh a. Chu chu min tihsaka a lawmawm pawh ka ti a. Tichuan a buhfai chhia khilai kan han kallai a awm kha tunm thleng hian ala awm a. A In a an thiat a, achak hlui khan Godown thar kha engemaw chen chu sak a lo ni a. Tichuan, abuhfai chhia 300 gtl. Chuang deuh thaw awm tunah phei chuan kha ai khan atlem tawh ang a. Chu chu House ah pawh hian ka sawi tawh a, November, 2004 khan kelin a ei a, a thi a tih kha ka sawi tawh ani. Tichuan, a In kha an thiat a tunah buhfai chhia kha paih ani bawk si lova, ti hian ahungna tha taka siamte ni chuang si lo khan tunhnaiah khan Kel pahnih lain an ei a, an thi leh tawh a. Khawflangin han paih dawnin sorkar property ah an ngai bawk si a, chuvang chuan, an khawih ngam bawk si lova, chu chu tihral (write off) a harsa viau em m? Buhfai chhia eitlak tawh bawk si lo ranchaw pawh hman tlak bawk si lo hi, hei kum khat chuang a ni tawh a, kha kha Department lam hian min tihral sak in min paih sak theih dan hi an nei em em lawm ni? tih kha kan zawh belh bawk a ni.

S P E A K E R : Duhtawh rih ilar, chhang turin Minister Pu K.Sangthuama ilo sawm leh ang.

PU K. SANGTHUAMA MINISTER : Pu Speaker, Saitual bial MLA zahawm tak Pu Zira rawn sawi a rawn zawhbelh na Vanbawng-ah Chini Bag khat an hralh a kalman atanah an ti tih kha hei kan lo la hre lova, kan lo enchiang phawt ang a, hetiang hi thiltih chi ani lova. Tin, thiltih ngai tur pawh ani lova. A kalman chu sorkarin a pe vek a, chuvangin, hetiang anga an lo ti anih chuan arang thei ang berin hei hi chu action kan lo la ang e, tih kha kan chhanna nisela.

Tin, Ratu bialtu zahawm tak Pu Lalduhoma rawn sawi "VIP Retailer hi Retailer pakhata tih nise" tih kha nia hei buhfai leh K.Oil te Chini leh Buhfai chu hmunkhatah kan ti a. K.Oil hi ahranpaw kan han ti leh a. K.Oil nen hmunkhata tih theih chu nise a tha khawp mai a la tu tan harsatna a awm lovang a, engpawhnisela kan lo enchiang ang a, a tih theih dawn em? tih kha ngaihtuahna kan lo siam ang a, amaherawhchu, engemaw chenah harsatna awm ve theihna lai a awm ve thin a. A chhan chu hemi Retailer hi han insemzai deuhte an ngai a. Chuvang chuan, engpawhnise kan lo enphawt ang a a tih theih chuan tih atan atha khawp ang.

Tin, a zawhna pahnihna Tinglumun khuaa Retailer-in Buhfai a hralh, sorkar rate aia sang a tih chungchang hi inquiry lak vek a ni tawh a. Hei hi tunah chuan a tawpna tur kha kan thleng tep a, engpawhnisela, min lo ngaichang leh rih phawt selangin kan MLA zahawm tak khan hei hi enganga action lak tur nge tih kha tunah hian report te nen engkim a kal tawh a, kan la inhrilh Chiang leh dawnnia tih kha kan chhanna nisela a tha awm e.

Tin, Kawnpui bialtu zahawm tak Pu Sailothanga zawhna 'kan bialin Khawnvartui hi a hmu tha lo riau a' tih kha a dik thawkhatin ka ring a. Khawnvartui hi heti laiah khan zawhna aawm tho a, Khawnvartui hi Central sorkar hian kumtinin Mizoram mai nilovin India ram pumpui hi a rawn titem deuh tial tial a. Tichuan a rawn tlem tak tial tial siah chuan Mizoram pawh hian bialtina kan han semna anga kha a tlem lo thei lova, tah hian harsatna kan nei thin a. Chuvangin, he harsatna hi kan hre reng a. Central sorkar pawh kan nawr reng e.

PU SAILOTHANGA SAILO : Nia, Khawnvartui kha a rawn tlem hret hret si chutih lain short lifting hi a nasa em em hawk si lai kha ani a kan buaina ber ni? Khalai kha Pu Speaker, kan Minister zahawm tak hianin a short-lifting nasa lutuk hi tihreh dan kawng a hrethei lawm ni tih kha zawhbelhna ni teh se.

PU K.SANGTHUAMA MINISTER : Aw Pu Speaker, a dik khawp mai. Hei Khawnvartui an han phur a, nia, lo hralh ru tawk te hetiang angte hi an awm thin a nih chuan rawn report theih thin nise a tha khawp ang a. Chanchinbuah te thil diklo kan han sawi thin a. A dika, chanchinbuah sawi pawh hi, amaherawhchu, a tha berah chuan ati diklo tua hi kan hriat chuan report chat chat ta ila, tichuan, action kha a lak theih thin ang a, an Motor number te leh khatiang ang a kha report hi fumfe taka a kal loh chuan inquiry te kan han lak tir thin taknaa, khatih laiah khan harsatna a awm thin a. Tunchinah chuan khawngaih takin a hmute a hralhru leh a ti diklo hria kha chu mahni bial theuhah pawh khan rawn report a Department ah rawn report zat zat turit kan ngen nghal che u ni selang. Tichuan, theihtawp kan lo chhuah ang a, tina kan harsatna hi a kiam theihnan kan zavaia tangruah turin ka ngen nghal che u niselangin atha awm e.

Tin, hemi Transport subsidy chungchang hi ni e, hei hi theihtawpa beih mek a ni a. Claim kan claim-a nikum hmasa kum tir pawh khan keimah ngei Shillong-ah ka zuk kal a, cheng vaibelchhe 8 kan Transport subsidy a hi min pek loh avangin keimah ngei FCI hotute dawrin ka zuk kal a, chutah chuan cheque-in kan zu la a, chutiang chuan harsatna eng eng emaw leh an hnathawhnaah kuanin a awm ve thin a. Chuvangin, heng pawh hi kan lo enzui anga Wheat phurh mante pawh hi engemawtia lo claim loh palh a awm anih pawhin kan hmuh tur dik tak ani a. Theihtawp kan lo chhuah ang a, kan lo tizel turah ngai ila, a tha awm e.

Tin, BPL Card chungchang hi BPL hi chuan card an nei ve vek mai a, hei hi card nei lo hi athianglo zawk a. Card hi siam vek tur a ni. Card la neilo te an awm anih chuan District tina kan thuncitute khang hnenah khan DCSO hnenah khan card siam tura tih zel tur a ni a.

PU LALRINLIANA SAILO : Pu Speaker, BPL card hi Rural Development leh Supply Department inanglo lutuka hi hei LAD nen hemi 3 a hi tihrem dan a awm lawm mawni le? Inanglo lutuk ringawt mai sorkar pakhat hnuaiah si khan a dik lo lo maw?

S P E A K E R : Nia tiraw lenlai ruallo pawh a sawi rem theih an ti tawh a tunlai chuan.

PU K. SANGTHUAMA MINISTER : Pu Speaker, hei hi kan nei thluah mai hi a dik chiah lova, engtinge kan tih dawn ka hre chiah lova, engpawhnisela India rama awm kan ni a, India khua leh tui an niha foreigner annih loh phawt chuan ration card hi mitinin anei tur a ni hrim hrim mai a. A nei duhlo erawh chu thudang nisela, a nei duh chuan an nei vek tur ani ration card hi. Khawimaw laiah thenkhat an lo hnawl thin a, diklo ka ti a hei pawh hi a hrih a. India khua leh tui anih phawt chuan ration card hi englekhawle Mizoramah chuan Mizoram chang pawh ni lovin India ramah chuan India khua leh tui anih phawt chuan an nei tur a ni tih hi keima mimal ang leh a sorkar ang pawhin kan ngaihdan a ni a. Chuvangin, Ration card neilo zawng zawng hi chu siamsak vek tur ani. Hman deuh khan Kolasib-ah mi 200 dawnlai mai Ration Card an lo siamsak lo tih ka hria a. Hei hi arang thei ang berin ko leh ula, ni 3 chhungin siamsak vek rawh u ka ti a. Chuvangin, miin ration an lak duh ve si a, card neilo kha a thiang lo a ni tih kan House pawh hi kan hriattir duh a ni.

Tin, Pu Lalsangzuala kan MIA zahawm takrawn zawhna khilai Saitual leh Phullen kawng hi laihmek a ni a, nia... Hetah hianin harsatna awm ve thei ani a. Hmanni pawn tawngkain kan pahnhin kan sawi tawh a, hei hi achhekchboh dan kan lo ngaihtuah zelang a, fur pui harsalo tura siam tum ta ila a thain ka ring a. Amaherawhchu, Motor lian a kal theih loh a rate san tur hi chuan sorkar finance te pawhrawn zel a ngai dawn a, chuvangin, vawinniah chuan a rate kan tisang thei mai ang tih erawh chu ka tiam thei lova. Engpawh niselangin, an harsat theih loh dan ber tur erawh chu ngaihtuah Department in kan lo tum dawn nia.

Tin, head-load chungchang, head-load bill te hi nia.. bill hi a hrim hrimin Central sorkar atanga kan pawisa hmuh leh kan budget akan pawisa hmuh hi kumkhatah hian carrying bill leh retailer bill ah hian vaibelchhe ruk vek hi kan hmuhdan tlangpui a ni a. Chutihlain, tunhma atanga lo inluhkhah chhoh tawhah vaibelchhe 70(sawmsarih) chuenglai pawhin carrying bill leh Retailer bill hi kan ba thin a. Tichuan, hetah hian harsatna chi hrang hrang kan tawka, chuvangin, duh anga pek tlak emaw duhthala pek zung zung hi chu a har ve a ni tih kan House pawh hian min hriatpui turin vawin hian kan ngen duh a. A theih anga pek tam chu kan tuma, Finance pawhin min duhsak viau rualin pawisa in a dailo a ni ber a, chuvangin, kuminah hian petla vek thei ta ilang chuan a bul tan ila

chuan a zia chu aawm deuhin ka ring a. Chu chu kan tithei rih si lova, engpawbnise, tun tumah khan vaibelchhe 8 lai Finance in min rawn pe a, chutichung pawh chuan vaibelchhe 6vel chu kan la ba tho a. Chuvangin, hemi harsatna hi kan House pawhin min hriatpui vawinniah hian kan duh a ni.

Tin, Pu Chakma kan MLA zahawm tak rawn sawi hemi BPL hi chu helaia kan bituk hran emaw helaia a hrana ro hran lo rel chi a ni lova. Central sorkarin pek tur zat hi a rawn bituk vek a, chhungkaw khat tan Kg. 35 a ni tih kha kan chhanna ni bawk sela.

Tin, Pu H.Vanlalthaliana, kan MLA zahawm tak zawhbellhna 'K.Oil rate' tih kha hei K.Oil rate hi designated center-ah hian kan zavaia hriat pawh thain ika hria a. Hei hi rate lo anga lo tihpalh a awm pawhin hengte hi hretlang ta ila, a that kan ring a. Thingdawng-ah hian Rs. 9.67 a ni a, Ratu ah hian Rs. 10.26 ani a, Darlawn-ah Rs. 10.17 Aizawl ah Rs.9.97, Khawzawlah Rs. 10.27, Saihaah Rs. 10.83, Lungleiah Rs. 10.50, Serchhip ah Rs. 10.18, Kolasibah Rs. 9.64, Zawlnuamah Rs. 9.91, Champhaiah Rs. 10.38, Aibawkah Rs. 10.02, Lawngtlaiah Rs. 10.70, Lungsenah Rs. 10.65, 'W' Phailengah Rs. 10.12, Thingsulthlilkahah Rs. 9.96, Vairengteah Rs. 9.59 a ni a. Heng hi designated point khaw 17 kan siamah heng hi a rate a ni a. Chuvangin, heng atang hian adik leh diklo kha in lo chhinchhiah hman em tih chu ka hre hauh lova. Heta tang hian ngaihtuahna te pawh kan neth theih nan lo chhinchhiah ila a that kan ring a.

Hei, a zawhna 2 na Khawnvartui hi kan khawpkham lova engatinge a lo tlemna chhan tih chhanna chu Central sorkar hian nichina ka sawi ang khan India ram pumpuia Mizoram mai ni lovin kumkhatah hian kilo litre engemaw zat hian a rawn titem thin a. Keini pawh hi a rawn titem thin avang hian a semdanah pawh hian kan tidanglam kan tidanglam a, chuvangin hei hi Central sorkarah pawh kan han ngen thin a. Kan ram a thaler si a, hetiang khawnvartui hmanga chaw chhumte, tin, zana khawnvartui hmanga eng ngaihna tam tak kan awm a, ram riak mite kan awm a. Hei hi kan titem sak lo thei lawm ni te kan ti a. mahse, India ram pumpuia Oil lama kan intodelh rih loh avang hian hei hi chu kan tilo thei lo a ni tih te, chhanna kan hmu thin a. Chuvangin, hei pawh hi theihtawp kan lo chhuah dawn nia, tih kha kan chhanna ni leh ta sengin.

S P E A K E R

Khawngaihin, Pu R.M.Chakma zawhna BPL Ration pek dan kha Family khatah chuti zat tih ni lovin, a khuaah khan insemrual mai nge? a zat ang te te a pek an ni thin tih kha niin ka hria.

PU R.M.CHAKMA

Kurotin hian BPL family awmzat tur hi khawtinah hian tidanglam a awm thin a. Entirnan, kuminah khaw khatah khan BPL family 10 awm ta sela, nakumah 9

ti chauh an ti leh thin a, kha kha BPL family an awm tawh pawh ni silo a. Engvanginange tih tam emaw, tih tlem emaw awm thin? An bituk dan kha enge? Buhfai lei dan zir nge? BPL family awm vanga khati zat awm vangin. Nichinah pawh Pu Lalrinliana Sailo zawh pawh kha entirnan R.D. Department ah khan BPL family tam tak an awm a, Supply Department ah chuan tlem lutuk leh si a, kha kha enge Buhfai lei dan zir nge? Engzatnge an bituk?

PU K.SANGTHUAMA
MINISTER

Pu Speaker, hei hi ni e tihdanglam a ni fova, hei hi chu Central thu thu ani mai a. Helaiiah a hranpa in chuti zat, khati zat kha tih theih a ni ve lova. Central-in hetiang

hian tidanglam rawh u' a raw n tih chuan tihdanglam zel angai thin a. Chuvangin hei hi chu helaiiah keini Department-in a kan duh duha kan lo chawh let ve theih a ni lova. Central-in quidelines a nei vek a, chutianga tih zel chu a ni e, tih kha kan chhanna chu nise. Chuti rual rualin BPL ah hian kan han thahnem khawp a. Chhungkaw 68,250 BPL ah hian abeneficiary in 42,150 family an awm a. Tin, A.A.Y. ah hian 26100 kan awma. Avain 68,250. Mizoram hi chhungkaw nuaikhat leh singnga vel kan ni a. 45% vel hi BPL leh AAY kan ni a. Chuvangin hei pawh hi kan inenchian deuhlek chu a ngai a. Entirnan pakhat, ka bialah sawn, Zarkawt saw BPL te, AAY te nei ve lo an ni a. NIL thak an ni a. An entawn tlak ang reng khawp a. Chuvangin, hetiang lamah kan intlansiak pawh hi a ngai chho zel dawn niin ka hria a. Veng changkang tak takah pawh hian BPL te, AAY te kan ngah riau mai hi erawh chu keimahn kan inenchian pawh a ngai viauin ka hria.

PU LALRINLIANA SAILO

Pu Speaker, BPL chungchangah khan Central guideline ang a ni mai e, tih kha kan Minister zahawm tak khan a chhang a. VCP ka nih lain, BPL kha a

lo chhuak tan tih kha a ni a. A dik takin ti ang u kan ti a. Mi 41 kan thlang a ni. Chutih lai chuan aia te zawk khan mi 100 chuang te an thlang a U.D. te pawh an thlang anih chu, chutihlai chuan veng tihdan a inang lo deuh mai niin ka hria a. Chuvangin a guideline anga kha an sawn lova. Khalai kha chu Minister zahawm tak khan a chhang sual niin ka hria a. Chuvangin BPL hi dik takin department 3 hian ti tawh sela, a chhan chu damdawiin te pawh an claim thei tawh ani a. A buaithlak tlat mai a. Hei hi MLA ang pawha kan buaina a ni. Tihpui te leh han kalpui te an ngai a. Chuvang chuan department hrang hrang hian Co-ordination tha tak han siam sela, chutiang chuan ti teh sela a, kha kha chu kan ngen ve deuh tlat teh ang.

PU K.SANGTHUAMA
MINISTER

Pu Speaker, ni e, kan sawi Central guideline kan tih chu Central-in min pek zah tur a a tih kha Central thu ani a. Amaherawhchu, helaiiah chuan, a khua an

tam dan te, a khaw len dan a zir te, ka department-in hemi khua hi In 500 an ni a, chumi khua In 100 an ni a. Hetiang atang khan a dawn ta m dan tur leh tur lo a chu ruahmanna erawhehu kan siam a ni. Chutih anih loh chuan engtinngge khua ain len hleih si a. Khatihlaih khan BPL dawng tura kha, a khua a zir khan kan tih loh chuan atih theih bawk lo ani. Aw a dik ang chu, chhungkaw rethei zawkte a kha an tam kha chuan, chungte pawh chu kan en vek a, kan department-in a en vek a. Thingtlangah pawh akhaw rethei deuh leh rethei deuh lo te en an ni a. Tunah ka sawi ang chi ah khan arethei lo deuh chu va offer ve pawh ni selangin, Zarkawt ka bial amite phei chuan pakhatmah submit an nei lo a ni. Tih tur an hre lo ani. Chuvang chuan kha kha a kalphung dik tak a chu ani a.

Tin, Pu H.Rohluna zawhna N.Dittlang Retailer kha chu hmanni khan tifel turin kan ti a. Hemi kawngah hian ni e thlakhat te hi chu a inehiah duh khawp mai a. Khatan an han dil a, kan tihdan chu DCSO ah khan dilna an thehluh a khata tang khan an thehluh hun chhungte alo rei ve a, tichuan chinfel lawk hi, Champhai a mi te, Lunglei ami te, leh District lian lian kha rin ain a har ve a. Lunglei lam phei chu sawtilaiah lo ti tawp tawp mai rawh u, helai atanga decision siam hi ahar ve a ni, a mi leh a diltu pawh kan hre si lova, khalaiah khan lo ti vek mai rawh u. Kan ti nghe nghe a. Sawmi a piahlam thlengte pawhin chu chu kan kalphung a ni a. Bill tang hi chu an pe tawh ang chu maw, hmanni khan lo tifel rawh u, kan ti a. An tiin ka ring.

Tin, Kawlbem chungchang kan MLA zahawm tak Pu H.Rohluna nen kan han kal a. A dik khawp mai. Hei hi a rei tawh a, hman ami tawh a ni a. A bak hnulamah hetiang buhfai chhia hralh theih tur leh, hei hi chu a chhia a, hralh tur a ni tia a board-in a a ngaihtuah a, tih vek angai thin a. Hei hi ni e kan thiam loh deuh pawh a ni a, min ngaihdam pawh kan ngai khawp mai. Engeni kan department lam leh aboard ho hian ti turin kan han ti a, vawiinni thlenga la tih ral lohna chhana kha, hei dak kal te chu an verified vek a tih vek angai a, chuvangin helai hian harsatna lian tak a awm thin a. Helai chauh nilo, hmun dangah te pawh an awm fo thin a. Chuvangin hei pawh hi a dik khawp mai a. A rang thei ang bera tihral tur pawhin department ah kan ti a. Chuvangin, eng pawhnise kan lo enchiang leh ang e an ti a, Buhfai chhe tawh na na na kum 4, kum 5 hmalam daih kum 10 dawn lai kan lo chhek khawh chho tawh leh khatiang chhia kha chu Committee in a ngaihtuah a, a ti vat vat hi chu angai thin a ni. Engpawh nisela kan lo enchiang anga hei hi a rang thei ang bera dispose dan te kan lo ngaihtuah ang e tih kha ka chhanna nise a tha awm mang e.

S P E A K E R

: Tuna zawhna kha kan han check chiang a, original-ah pawh L.A.Y. tih a lo ni a. Slip of the pen a lo awm a ni awm e. Starred Question

188 na zawt turin Pu Sailothanga Sailo ilo sawm ang. Hei Zirtawpni a kan chai nek tawh kha a ni a. Amaherawhchu, a lo chhuak a.

PU SAILOTHANGA SAILO

: Pu Speaker, a zawh loh theih mai em le? Pu Speaker kan lo sawi nek tawh a, a kal pek mai theih em le? Ka zawt lo mai ang e.

SPEAKER

Aw ni e nangma thu thu. Aw kan pawm e. Starred Question no. 189 na zawl turin Pu Andrew Latherliana ilo sawm ang.

PU ANDREW LATHERLIANA :

Pu Speaker, ka lawm e. Kan Minister zahawm tak Department of Personal and Administrative Reforms changtu chhan atan, "Tun kum 2006 January thla ah Mizoram Public Service Commission-in Sub-Ordinate Agriculture Service I post atan mi 5 a lak te kha eng criteria hmanga thlan nge an nih?" tih ka zawt e.

SPEAKER

Chhang turin DP & AR changtu Minister zahawm tak Pu Tawnluia ilo sawm ang.

**PU TAWNLUIA
MINISTER**

Pu Speaker, Pu Andrew Latherliana, Khawzawl bialtu zawhna chhanna chu : "Mizoram Public Service Commission-in Sub-ordinate Agriculture Service I lak nan a criteria an hman chu, 'On the basis of personality, intelligence, general knowledge, knowledge of the subject, suitability, ability, qualification, experience'" tih a ni.

PU ANDREW LATHERLIANA :

Pu Speaker, he hna lak pek dan chung-changthuah hianin a bik takin Agriculture rawn Graduate chhuak te hnen atangin complain a awm nual a ni. Entirnan :- A hmasaberah post 5 lak tur an tihah khan post 3, a vai hianin direct recruitment a thlan tur a ni a. Amaherawhchu, 5 atanga 3 kha inservice thawk lai mite atanga thlan anni a. Kha mi kha complain pakhat a ni phawt mai a. Engtizia nge direct recruitment ni tur si, khatianga inservice mi lak an nih? tih kha zawhna lo ni ta sela. A dang lehah chuan he hna lak danah hianin, a bik takin specialists line deuh mai a ni a. Technical post a ni a. Amaherawhchu, interview chauhah tih a ni a. An thianna leh kha subject an hriatna lampang reng reng test na kha awm tawh lovin written pawh awm lo khan interview-ah 15 minutes lekah tihfel a ni mai a. Mi tha leh tha lo pawh kha hriat hman ani dawn em ni?

Tin, an zawhnaah an zawhte pawh kha kan Minister rawn chhan ang deuh hlek khan a general knowledge ang vel kha ani a. Kha mi subject hriatna lampang reng reng zawh kha awm lovin, a hm mein technical adviser ang te chu dah mahsela, light tak a tih a ni a. An thlan tura hi lo thlan lawk nia rinna hi a lian em em mai a ni, Pu Speaker.

Tin, chubakah chuanin, an mi thlan ah te hianin anmahni qualification te pawh hi a inthlah dan an lak loh te aia tuna an lak tak a te kha an education qualification-a pawh kha an hniam zawk a an ngaihte kha tunah hian tam tak an awm a, mi tha an chhawk lai khanin. Helajah hian Politics interference thuk tak a awm a ni a rin a ni. A hma lawka list alo awm, thlan tura tih te pawh kha tum tum interview-ah hian hote a drop pawh an awm ni khanin heng Agriculture Scientist ho hna hmu lo hote intiam rualte pawh hian an sawi ri a ni. Chuvang chuanin, an duhdan chuan politics tello hian heng hi a lak theih lawm ni? Tih kha an zawhna a ni a. Tin, an thlan a te ho an qualification leh an hmuh zat a leh midang an thlan lohte aia sang an awm leh awm loh hriat theihna turin a list khawngah takin kan Minister pawh hian min pe thei lawm ni? Tih ka duh a. Kan Public Service Commission hi politics in kan tickthe der a ni lo maw? Political interference avang hiah a criteria hi kan sawi thin naa, amaherawhchu, Politics hian kan rawlh a ni mai lo maw? Tih hi zawhna hian deuh mai anih avangin hei hi chhan a har anih pawhin khawngah takin politics atang a MPSC hi lak hnan theih ani lo maw? tih kha ka han zawt leh duh bawka ni e.

**PU TAWN LULA
MINISTER**

: Pu Speaker, member zahawm tak zawh bellna, a hnuingber kha - MPSC ah hian politics a inrawlh lova, lak luh a ni bawka lova, kan phal bawka lova. Tumahin

lakluh rawn tum suh se tih hi kan ngenna a ni a. Chuvangin, politics a lut tih pawh hi a sawitu hian rawn lak luh atum zawk em ni? Tih kha ani zawk a ni. hetah hian politics a tel lo a ni. Sub-ordinate Agriculture Service I hna hi panga ruak a, chu chu MPSC in advertisement No. 12/2005-06 dt. 22.9.2005 ah a chhuah a. Chuan athehluh hun tawp ni cau ni 16.11.2005 a ni a. Candidate 46 an awm a. Tichuan, candidate te hi 23.11.2006 atanga 25.1.2006, (23 - 25 tihna anih chu) MPSC Chairman Office Chamber ah personal interview neih a ni. Written test exam neih a ni lo. Tichuan mi 46 zingah 45 an appear a. Chuan 45 atang chuan mi panga appointment pek an ni a. Hei, an pekte hi MSC Agri. te BSC Agri., tih te anni a. Tin, panel 3 an dah bawka ni a. Chuvang chuan heng hi a lists kan nei a, chhiar chhuah chuan a hun arei a, ka pe thei a. Pu Speaker. Nakinah kan Xerox anga heng thu hi kan pe mai ang.

Tin, a criteria chu kan sawi tawhte kha an ni a. MPSC hian laihawi takin tumah duhsak bik nei lovin, a quality enchungin 'on merit' in interview ah hian selection an siam thin a, tin, promotion ah a ni emaw, direct recruit-ah a ni emaw MPSC ah hian Politics leh sorkar lam a inrawlhna awm lovin, 'on merit' liau liauin lak thin an ni a, kan lawm khawp a ni.

PU SAIKAPTHIANGA

: Pu Speaker, he hna panga lak atan hianin engeni Qualification Recruitment, Qualification a mamawh tih kha kan zawt duh a? Tin, enge a hlawhpui he hnaah hian?

Tichuan, he hna a hi Gazetted Post a ni em? tih 3 kan zawh belh duh a. Gazetted post lak dawn te hian written tests hi awm thei hram sela? A tha lawm ni? Tih kan zawt duh leh bawka. Kan Minister zahawm tak chhanna kha a lawmawm

Khawp a, politics a inrawlh lo tih kha politics a inrawlh loh pawhin heng board-ah hian induhsakna hi a awm thei tho em? tih kan zawt tel e.

PU ANDREW LALHERLIANA : Pu Speaker, ka zawhna kha min chhang kim lova, direct recruitment-ah lak tur vek tih a ni awm a, tah khan 3 kha in-service lai tak tih kha min chhang lo a ni. Tin, a dang leh chu, MPSC hian a hmaa an lo interview tawhna te anih ka ring a, recommend tawh sa an neih 2 te pawh la lovin, midang an la a ni tih kha a awm bawk a ni, engvangnge?

Tin, a dang lehah chuan Politics a inrawlh loh kan tih rual rual hian, khang in lakte an pass na leh midang ho nena an qualification kha khawngaihtakin a lists ni ringawt lovin, a copy of original marksheet awm thei sela, tin, engatinge technical lak dawn a written exam awm lo kha ani, a makna chu. Minute 15 in engtingge an efficiency an hriat theih ang? Chu chu efficiency a hmuh theih loh reng reng a ni. Khawngaihtakin hetah chuan written exam awm ngei ngei tur a ni. Post pawimawh si a kha.

PU R. LALZIRLIANA : Pu Speaker, MPSC ah politics a inrawlh lo, lakluh ani lo tih kan ngaithla a, amah-erawhchu. Pu Speaker, MPSC kan han dinna chungchang hrim hrimah hian, kan Chief Minister Sephung laih pui pakhat kan la a, pakhat khatih laia kan Minister zahawm tak pakhat puzawn kan la a. Tin, chumi hnuah Chief Minister adviser nupui kan la leh a. Heta tang hrim hrim hian politics inrawlh tura beisei a ni zawk lawm ni? Kan senior Officer te pawhin, he Chairman hna hi chu Sr. Officer I.A.S. post tur a ni tia an beisei ngawih ngawih laia thiamna bik pawh nei chuanglo, hetiang anga kan lak hian atum a chu a hriat reng zawk a ni lawm ni?

S P E A K E R : Zawhna neituin an zawh belhnaah khanin, written test ngei ngei tur a ni lawm ni tih a kha ka hriat dan a sual loh chuan department tam tak recruitment rules-ah hian written test neih tur tih hi alo awm mang lova. Khalai a te pawh kha chiang deuha han sawi theih chu ni sela alawmawm in ka ring a. Tin, zawhbelhna kha a tam deuhva, khi minute thum a la awm a, a pelh deuh pawn a chhang tlang mai dawn aniang. Anih, Minister chhang turin ilo sawm ang aw.

PU TAWNLUJA MINISTER : Pu Speaker, MPSC member te leh Chairman ruatna hi Mizoram sorkarin Chief Minister-in a approved diam a, uluk taka a thlante an ni a, mi rintlak athlan chhuah te an ni e. Tin, adviser nupui hi athleng hauh lova, a pension hnuah adviser atan lak ani a. Kha kha chu thudik lo a ni. Adviser nupui athleng lova.

Official an nih ve ve lai a tanga a thlan an nih tih a kha kan sawi duh a. Tin, Chief Minister hianin a hriat chian em em rintlak a tih te heta member a a dah te hi an rintlak em em a ni tih a kha Zoram mipui ten an hriat kan duh a. Tin, an decision siam hi a laihawl hle thin a ni. Hei MPSC hian MCS examination vawi hnih a conduct tawh a. Tin, MPS pawh vawi khat a conduct tawh a, kan core service tak takte an ni a. On merit liau liau athlan thin an ni a. Chutichuan, examinees te pawhin an ni chu an awm alawm an tithe thlan thin an ni a. Vawiinniah hian MPS leh MCS thar te pawh hi an pu Officer lo awm tawh sa te hian chhawr nuam an ti a. Chuvangin mifel tak takte helaiah hian merit a thlan thin an ni tih kha ka sawi duh a.

Tin, an scale leh Gazetted an nih leh nih loh te leh qualification prescribe a kha ka hre lova. Keimahni DP & AR hi a kal tlang thin nain heta engkim buatsaihtu hi chu Department anni a. Mahse, nakinah hei hi ziak thlap pawhin Pu Speaker, kan member te zawhna kha kan chhan theih ka ring.

Tin, tuna lakte hi MSC Agri. 2 nos. anni a, B.Sc. Agri. 3 nos anni a, an qualified tha anih ka ring Pu Speaker. Hemi subordinate Agriculture Service I lak tur a 5 thlan te hi an qualified tha hlein ka ring. Tin, written test awm loh chungchangah chuan hmannah pawh doctor CMO tur direct-in lak anni a, Interview a awm a, written exam erawh chu a awm lo a. Chuvangin, Recruitment Rules ah heng hi chu a awm ve chawk a. MPSC hian dan lo ang chuan an tih hauh chu ka ring lo. Pu Speaker, Dan ang thlapin an ti a, an tihdan phung pawh ka han chhiar chhuah kha ani a. Heta an lak hi a fair thawkhat ang tih ka ring a. Chuvangin, khang ang kha ka chhan dan ni mai sela.

Tin, service lam hi Pu Speaker, direct ah pawh a thiang tho. Police-ah pawh advertisement an ti a. ASI, S.I. leh Constable ah te Graduate te an lo awm bawk a, khang khang an exam a, an la tin chuan lak anni tho Pu Speaker, dan angin in-service direct a lak tih kha atheih e.

S P E A K E R : A tlangpuin an kum kha an ngaihna-thiam upa deuh thin lehngal.

Awle, question hour a tawp a, List of Business-ah kan kal ang a. Kan kal hmam, vawin rorelnaah hian Pu Aichhinga Minister zahawm tak, Pu Sainghaka, Member zahawm tak, Pu K.Lianzuala member te damlohna avangin kan zingah an tel thei lova. Tin, Pu Lalhmingthanga, Member tul dang avangin a local tel thei lo bawk a ni.

Tunah chuan Laying of Papers Pu Tawnluia Minister, "The 14th Report of the Mizoram Public Service Commission 2004-2005 lay turin ilo sawm ang.

PU TAWNLUIA MINISTER : Pu Speaker, I phalna leh House remtihna-in "The 14th Annual Report of the Mizoram Public Service Commission 2004 - 2005 House table ah ka han lay e.

SPEAKER : A copy kha sem nise. Pu Lalthlengliana, Member zahawm tak Chairman, Estimate Committee chu "The 2nd Report of Committee on Estimate relating to Agriculture Department" House-ah present turin ilo sawm ang.

PU LALTHLENGLIANA : Pu Speaker, I phalna leh I remtihmain he House zahawm takah hian Estimate Committee 2nd Report MIP chungchang hi karawn present e.

SPEAKER : A copy te kha sem ni sela. Tunah chuan kan Financial Committee pathum te member tur inthlanna hun kan hman ang a. Vawin hi inthlan ni tur aruat ani a, mahse, nomination paper kan dawn te kan han enfel a. Tunhmaa kan thdan ang hawk khan inthlan ngai lovin kan insiam rem fel leh ta a, a lawmawm hle a. Tichuan, heng ahnuai mite hi chuh lovin an tling ani tih ka han puang ang e.

Public Accounts Committee ah member thlan tlin thar te:-
1. Pu Lalduhoma, 2. Pu H.Liansailova, 3. Pu Sailothanga Sailo, 4. Pu D.Thangliana, 5. Pu Lalrinliana Sailo, 6. Pu K.Lalrinliana, 7. Pu H.Vanlalthaliana, te chuh lovin an tling a ni.

Committee on Estimate ah :- 1. Pu Lalhmingthanga, 2. Pu Liansuama, 3. Pu R.Lalzirliana, 4. Pu Lalthlengliana, 5. Pu R.M.Chakma, 6. Pu H.Rohluna, 7. Pu H.Lalsangzuala te chuh lovin an tling a ni.

Committee on Public Undertakings member atan :- 1. Pu Saikapthianga, 2. Pu S.Hiato, 3. Pu K.Vanlalauva, 4. Pu F. Lal Thanzuala, 5. Pu P.P.Thawla, 6. Pu Andrew Lalherliana, 7. Pu Zodintluanga te chuh lovin an tling a ni.

Chairman turte hi heng member thlan thar te atang hian ruat an la ni ang.

Tin, tuna kan Financial Committee dinglai te hi kumin June 17 a an term tawp tur an ni a. Financial Committee inthlan hi Session laia tih chi anih avangin tunah hian kan ti mai ani a. Hetiang hian inremfel mah ila, Financial Committee dinglai term tawp hun 18th June 2006 atangin Committee thar te hian hna an thawk dawn a ni.

Awle, tunah chuan vawin atan a kan Business hnuhnung ber Discussion & Voting on Demand for Grant hun kan hmang ang a. Kan List of Business a a lan dan ang khan, Minister pahnih Demand kan la ang a, Pu Tawnluia leh Pu Aichhinga te Demand a ni a, mahse, Pu Aichhinga hi damlohna avangin phailamah enkawl a ni a. A demand te sawifiah a, wind up a pass te dilsak turin Dr. R.Lalthangliana Minister a authorized a. Chu chu kan pawm sak a, tichuan kan tih thin danin kan Minister pahnihte demand hi lakawp leh mai ila.

Tunah Pu Tawnluia, Minister Demand No. 13, 16 and 25 te House-ah pulut turin i sawm ang.

**PU TAWNLUIA
MINISTER**

: Pu Speaker, on the recommendation of the Governor of Mizoram and with your permission sir, I moves the Demand No. 13, 16, 25 for Rs. 197 crore, 56 lakhs and 15 thousand only for meeting expenses during 2006 - 2007 in respect of the following Departments :- 1. Demand No. 13 Personnel & Administrative Reforms Rs. 85 lakhs 15 thousand. 2. Demand No. 16 Home {excluding Jail} Rs. 124 crore, 60 lakhs, 30 thousand. 3. Demand No. 25 Water Supply & Sanitation Rs. 72 crore, 10 lakhs, 70 thousand. Total 197 crore, 56 lakhs, 15 thousand only. Thank you.

S P E A K E R

: Tunah Minister zahawm tak Dr. R.Lalthangliana, Minister zahawm tak Pu Aichhinga Demand No. 33, 38 & 44 te Pu Aichhinga aiawhin House-ah pulut turin ilo sawm ang.

**Dr. R.LALTHANGLIANA
MINISTER**

: Mr Speaker sir, on the recommendation of the Governor of Mizoram and with your permission, I move the Demands No. 33, 38 and 44 for Rs. 45 crore, 8 lakhs, 61 thousand only for meeting expenses during 2006 - 2007 in respect of the following Departments. :- 1. Demand No. 33 - Soil & Water Conservation Rs. 7 crore, 78 lakhs, 55 thousand. 2. Demand No. 38 - Rural Development Rs. 34 crore, 2 lakhs 73 thousand. Total - Rs. 45 crore, 8 lakhs, 61 thousand. Thank you.

S P E A K E R

: Tikhan kan Minister pahnih ten an Demand an rawn pulut ta a, kan sawiho ang a. Ni dang ang bawkin kan hun inpek dan kha a pangngai kan ti leh mai ang a. Member pakhatin minute 10 zel hmang ila.

PU K.VANLALAUVA

Pu Speaker, a pawikhawp mai a vawinah hian R.D. Minister dam lohna avanga lo kal theilo ta hi a pawl khawp mai a. Mahse, a mawhphurtu hian fel takin a rawn kalpui ka ring a.

A hmasa a tarlan ka duh chu - Demand No. 25 PHE Department a ni a. Hei pawisa hi nikum lam tluk lo mahse hna mumal tak a thawh theihna tur chu pek anni a. Heng zingah hian Cham phai Greater Water Supply hi ngaihawh awm ka ti a. He Project hi a rei tawh viaw mai a. kal phei chu a kal tha thawkhat a. Tunah hian Pipe Laying te leh thil tam tak tih zawh tawh ani kan tih lain a tui, mipuiin kan la in thei rih lo deuh a, engnge kan hmabak aw ka ti a. A pump na khawl lamte kan buaipui tih hi he House ah hian hriat theih nise ka duh khawp mai a. A chhan chu Champhai hi District Headquarters kan tibuai piah lamah mipui tam tak awmna ani a. Tuichawi tur a harsa a, a hla bawk a. Tunah phei chuan Tuipui an thleng pha hial tawh a ni a. He mipuite harsatna nasa tak hi chhawk zangkhai tur a department in hma alak hi eng thlengin nge kan kal tawh tih Champhai mipui hian an hriat tih chu chu a hmasa berah ka sawi duh a ni.

A dawtah chuan apiahah sawn Champhai Constituency piah lamah hian khaw pawimawh deuh deuh 24 a awm a, chu chu khaw pawimawh tawp khawk anni a. Chutah chuan PHE Department in hna an thawk nasa hle tih House-in a hriat ka duh a ni.

Khaw 24 ah sawn mahni kawt atui herhchhuah thei loh tlem te chauh an awm tawh a. Unstarred Question-ah ka zawt a, achhanna a chhuah tep ka ring a. Khawlian zawng zawngah sawn anmahra kawikaiah Aizawl aia tha mahin tui kan herhchhuak thei vek tawh a ni. Chu chu Department hian hetiang ahma an lak thatna chungchawngah bial hmingin lawmthu ka sawi a. Tin, harsatna khaw pakhatin an tawh lian tak a awm a. Department-in tui khaw pakhat tan an la dawn a. Mahse, an V/C te remtihna a ngai flat a, "In lei loh chuan kan phal lo" an ti flat mai a. Department an vir zak zak a. Ngawi rawh u, Tui hralh theihna in nei reng reng lo, In ram chhung mah nise a tui hi in ta a ni reng reng lo an inti a. Tichuan, engtin tin emaw an inbe rem ta a. Tunah chuanin kha ta tan khan tui chu pek thlen a ni ta a. Tichuan, kan lawm em mai tiin a khaw mipuiin Department tello in an lawm a, Vawk sum 6 an talh a, Champhai Division PHE lawmthu kan va hrih a.

Tunah hian chu tui hralh flat tum khua chuan kan fiamthu a ni a, Department hian engtingge a tih reng kan tui ni mahse, tui dang kan nei reng a, Department-in thuhnuairawh taka min han dil hi tha kan ti ve reng reng a. Chuvangin hlim takin kan pe a, an ti a ni. A lawmawm hlein ka hria.

Pu Speaker, Khawbung Constituency a PHE Department tui lak hi atui hrim hrim a hi a tlangpuiin tui kan nei tha a. Mipui an lawm hle a, telephone in tukinah pawh kan dawnga, hei hi tarlan kher ka duh a ni.

Tichuan khaw tereuhte pakhat Saikhum phai kan tih Vaphai khaw hnuai a nia In 38 lek khua khian tui an nei mumal ve lova, dil an ring thin a. Mahse, kumin chu tui a kang tlat a, kan buai khawp mai, engtingge kan tih dawn le an rawn ti a. Chu chu kan Department hotute leh kan Minister zahawm tak hian min hriatsak sela, Saikhum phai atan a tui lak dna kawng khi a awm ve lawm ni le kan ti deuh a nih chu, chu chu tunah hian an mangan vanglai tak a ni tih ka han tarlang duh a ni.

Tin, mipui lam atanga kan dawn, tuna Tanky siam tur neuh neuh awm hi department in kumin chu pawisa kan nei leh lo an ti a. Engemaw thil awm dan tiin min rawn zawt a. Tunah hian khilai Constituency ah khian ruahmanna an neih tawh, tih leh theih loh harsatna hrang hrang avangin a awm ani mai thei a. Kha kha mipuiin hriat fiah a n duh a. Chu chu kan zawhna ni nghal sela.

Tin, kan lawm a, tukin VCP in a min rawn phone ka present leh lawk ang a. Zawngtetui khi tunah In 37 chauh an ni a. V/C mumal tak pek an ni tawh a. Tui an nei ve lova. Tuizem pakhat theuh pek an ni a. Mahse, rangva In neilo an lo tam ve zel hawk si a, tunah khian In 14 laiin rangva Inchung an nei lova, ruahmanna a kal ve zelna chungin, khamite khan tuizem an chhawr ve thei lo a. An siam ve ngawt naa Tuizem chu. Chu chu tunah Department in fing takin rem an ruat a. Vanzau leh Bungzung tui luangliam dawnkhawm nan tiin Tanky lian tak an khawchhungah an siam a, hmanni kan kalin a hmunah ka zuk en a, a lian tha hle a, mipui an lawm a.

Tunah hianin fur laia an dah khawl kha a chanve lai an dah tawh a, chuvangin fur laia kan dah khawl chuan tui harsatna aawm tawh dawn lo a ni. An lawmthu chu kan Minister hian lo hre ve sela an dth a ni.

Demand No. 38 na Rural Development chungchangah hianin hmun dang dang a kan zin tawhna atanga he Department in hma tha taka a lo lak tih puitlin harsa an tih te tarlan ngat kan nei a, chu chu BADP fund a sak Rest House engemaw zat a awm a ni. A zat pawh hi hriat theih nise tha ka ti khawp mai. Tunah hian Department hian engtingge an kalpui zel dawn, a sa ringawt a, enkawlina an pe leh thei dawn silova. niawm takin report kan dawng a ni. An sa tawh a nih chuan Chowkidar pakhat tal dah an ni lo chuan a chhe mai dawn a ni. Tunah hian khaw thum chu achhe tawh a ni. Block lamin repairing to kan han bei tak naa mahsela a enkawltu an awm loh chuan a chhe leh dawn tho a ni. A enkawltu puitling hi a dah theih lawm ni tih hi kan zawhna leh sawifiah atana ka duh chu a ni.

Tin, BADP nei ve lo Constituency te hi, Rural Development in an hma zo lo anih pawhin Department dang tal hian heng Constituency hi engtin emaw special programme a tih dan te hi a a wm lo em ni tih hi sawilan ka duh a ni. A nei bialte chu an vannei em em a, mipui inhlawhna chi hrang hran gte pawh a awm a ni. Mahse, BADP nei ve lo te hi ruling emaw sawi lovin kan sorkar hian BADP hlutna ang tal asiawm sak thei lawm ni tih hi kan tarlang duh a ni.

PU R. LALZIRLIANA

Pu Speaker, ka lawm e. Sawi tur ka ngah lutuk a. Pakhatna ah chuan Home Department hi kan NGO ten Police Officer hmeinuhah zu an man a, a hma pawh khan an man tawh a. Police Van-in Zu hi an phur thin a, mahse, hrom tak tak a awm kan hre lova, hmanna man tute kha YMA an nih tak vang ngeni an hrem ta a. Thu ka dawn dan chuan MZ-01 C -7690 Motor (Bolero) hian Police Officer motor tho hian zu phur thin an ti a, kan Minister khan lo chhui zui leh se a lawm awm hle ang. He a motor No. pawh hi Silchar atanga ka hriat a ni.

Pu Speaker, House duhsaknain Govt. Assurance Committee Chairman ah te min rawn dah ve a, hei hi hman ni lawk khanin kan present a House-ah chutiang chuan 2004 Budget Session ah khan Police SP thenkhat ten Police Constable te anmahni hna a an chhawr nasatzia ka sawi tawh a, kan Minister in hetiang anga Police hote chhawr nasat kha ti reh turin tan kan la ang e a ti a. House ah a sawi ani. Tichuan, implementation Report tunah khan kan present a, chutah chuan "As the Govt. has issued a strong warning it is believed that senior police officer stop engagement of constable for their personal work" tiin min rawn hrih a, hetiang anih chuan Committee pawh kan lawm hle a ni. Amaherawhchu, report ka dawn leh dan chuanin helaia mi tho hian Police Constable Tawizo ah pali ala chhawr a Tuirialah pali bawk, a vawk vulh tu atan pahnih Ardali atan panga, hetiang hian an awm tho mai a, hei hi sorkar in thil kan ti ang a tih chuan a ti ngei turah kan ngai a ni. Chuvangin, an hna tur dik tak thawk thei tur hian tih theih nise a lawmawm hle ang. Hetiang anih loh chuan sorkar thil tih diklo te chulzam mai mai tura Assurance Chairman nih hi ka dub miah lo a ni. House a dawt present leh mai mai tur chuan ka ting lo a ni.

Tin, Rural Development ah hian kum tin in BDC te hi MLA te kan tel ve na tur ani a, kuminah hian ni 21.3.2006 ah hian Committee an ko leh a hengte hi enge a chhan ni ang aw tih ka ngaihtuah a, helaia sawi loh theih lohvin ka bial ami Engvari, Maite khua, Lalropuia, Lalchuangliana, Rulchawm, Rokungi, Rulchawm, Lalchhuangi hengte hi an khua a awm miah lo. Chutiangte chu IAY pek an ni a, khuaah an awm lova, hengte hi BDO hnenah hengte hi ti tawh lo rawh u tih ka duh a. Amaherawhchu, sawi thei lo tura Committee a kan tel lo hi chu Pu Speaker, hetiang anga tih loh hi chu nise chuan a tha zawkin ka ring a ni, chu chu kan sawi leh duh a.

Tin, Rural Development ah hian Report thil tam tak a awm a, chung ang ah chuanin a lian chauh ka sawi hman dawn a. PMGY ah te hianin infrastructure atan set ting khawp tur chutiang an hna chu pek an ni thin a ni. Amaherawhchu, BDO ten hna an thawh hmam R.D. Directorate atang hian heng sum hi koh kir leh a ni thin a ni. Chung sum te chu BDO hnenah ADR actual pay receipt siam luh tir anni thin ani. Heng pawisa hi nuai za chuang awm a hriat ani nghe nghe a, chutiang ang chuan BDO te R.D. Directorate a Director dawhkanah ko thla in tih luh tir a ni thin a ni. Hetianga tih hi engatinge anih tiin Secretariat lamah ka kal a, chung chuan pawh kir a awm lo reng reng an ti a. Amaherawhchu, BDO lam atangin koh kir a awm thin a ni tih BDO tam tak atangin ka dawng ani. Chuvangin he thil hi zawhna ah te pawh nasa takin ka zawt a, chungah chuanin heng an koh kir te hi min chhanna ah chuan a lungawi thlak vakin ka hre lo a ni. In rawn chhanna atang hian Rs, 2,32,320/- te hi APR pek an ni an ti a, chhuanlam chhe te te an rawn siam a

ni. Hengah te hian a diklo em em zia chu APR helaia R.D. Directorate ten an lo tih luih thin anmahni pawhin an puan tak a chu upgradation Pay atan In 1230 a man chu maktadaui vel a ni a, chulo chu infrastructure siamna atan cheng nuai 63 hengte hi APR siam tir a n ni an ti a, khangte kha an hna ah khan thawh vek tawh angin vawinah hian cash book te va en ila thawh vek tawh angin alang a ni. Sorkar in a duh a nih tak tak chuan Lawngtlaia In sakna tur nuai 14 an hnuh kir ang hian Thingsulthhiah Block In sakna kan hnuk kir e ti mai ang hmiang, chutiang nisi lova cheng nuai 63 chuang lai mai anmahni hriat ngei pawh a an lo pawt kir hi a diklo hrim hrim a ni. Tin, kim lo nasa a, cheng vaibechhe khat chuang nia hriat a ni nghe nghe a ni. Tin, an pawh kirna chhan an sawi te hi field work supervisor leh training conduct nan te an ti a, BADP atang te hian training chu an conduct ngei em? Drawing estimate siam nan an ti a. E.E. te an nei a, hlahh nei m an siam a, chungte chuan drawing estimate chu an siam leh mai tur a ni dawn lom ni, kan thiltih dan hi a dik lo hlein ka hria a ni.

Tin, Vawkte sangkhat zanga lei chungchangah khan, aman kha hetiang hian an rawn sawi a cheng maktadaui li leh nuai hnih singruk sangli hi Vawkte lei nana sen ral a ni a, mahse a phurh man te hi Vawkte 1500 chauh lei nan khian nuainga sangkhat sangli ngawt mai phurh man ah an hmang a, hengte hi a tam lutukin ka hria. Heng Vawkte lan lei thi leh ta vek si hi engeni a chhan an sawi em? Cheng tam tak ralna ramah hian mawhphurtu chu an awm a ngaiin ka hria a ni. Hetiang zozai Vawkte thi ah hian a ti tute chhui chhuah an ni tawh em? House ah nasa takin kan sawi tawh a, vawinniah erawh chuan a thih chhan sawi thei kan la awm lo niawm tak a ni. Chuvangin Pu Speaker, hetiang hi a diklo hle ani. Central atanga sum kan hnuh tam ber lokal te hi State Monitoring Level Committee te internal audit te tih ngun a ngai em em ani. Amaherawhchu, he Sorkar hi chuan chungte chu thiat tum lovin tih tel tum a ni a, R.D. hnuaiah dah tum ani an la ti ta. Hengte hi a lian zawng akalna tur awm tak a ni. Sum leh pai hi a dik taka kan hman chuan hengte hi tih tet chi ani lova, adang pawh hi dah belh chi niin ka hria a ni. Pu Speaker, khata tang ringawt pawh khan thil diklo a awm a ni tih hi chu a chiang a ni ka lawm e.

S P E A K E R

: A lawmawm e, Pu Zira han sawi BAC? meeting Session laia koh kha, ni e kan sawi tawh a, tih tawh loh theuh nise kan ti leh palh a nih pawhin kha kha postponed tura hriattir nisela. Tun hnuaiah Session lai reng reng hian koh tawh lo tura inhrilh tura inhrilh thin nisela alawmawm khawp ang.

PU SAILOTHANGA SAILO

: Pu Speaker, ka lawm e. Infrastructure awm lohna ber Trade & Commerce ah hian Trade & Commerce hi a pawimawh ang hu hian kan thuan thalo hle a, kumin budgetah pawh an pe tlem leh hi enge a chhan ni ang ka ti a ka hre thiam lo hle mai a ni. Sorkar hi sumdawngtu lian ber ti zawng pawhin a sawi theih in ika ring a, chuti maiin Trade and Commerce hi ti tak maia sorkar hian a hlamchhiah tih kha kan sawi duh a.

Tichuan, Boarder Trade ah hian Zokhaw-thar leh Kawrpui chhuah leh Tlabung ah sawn hma lak mek a ni a. Zokhaw-thar ah hian composite land custom state building BRO ten an sa mek a. Hemi hi kan Chairman hovin kan thawk tawh a, an sa mek a an material te a that loh thu kan complain a an ngai pawimawh hle pawhin ka hria a ni. Tunah hian Champhai D.C. permission hnuai ah enkawl mek niin kan lo hria a, a lawmawm hle a ni.

Tin, Tlabung Kawrpui chhuah chungchang hi. Chief Minister hmalakna a la tlem hle a, Ministry of Commerce hian 1998 vel bawr khan pawisa pawh a rawn released tawh a, mahse vawiinni hian hman a la ni lo tih kha kan zawt duh a. Tichuan, Kawrpui chhuahah sawn Bigha 224.99 lai ram lei a ni tawh a, approach road takngial pawh hi laih tawh mahse, kal theih ala ni lo a ni tih report dawn a ni. Hei pawh hi kan Chairman hovin kal a ni tawh a report a duhawm lo a ni tih kha kan sawi duh a ni. Hemi Boarder trade chungchang hi ngaih pawimawh leh zual a ngai khawpin ka hria ani. Tun ai hian Trade & Commerce hi sorkar hian ngai pawimawh se ka ti khawp mai. Tunah hian kan House Leader pawh kan ram mamawh te sawi turin Delhi ah a zuk kal a, a hlawhtling hle niin kan lo hria a ni. Chung zingah chuan Boarder trade te pawh hi an sawi niin kan lo hria a. Kan House Leader hian he boarder trade hi ti hlawhtling ngei ngei turin kan han ngen a ni.

Tichuan Demand 33-na, Soil & Water Conservation hi tun ai hian sorkar hian ngai pawimawh sela, budget pawh hi nikun ai khan pek tam phei chu a n ni a, work-ah phei chuan an pe tlem nasa khawp a, thawk tur hi an nei tlem hlein ka hria a, R.E. ah emaw pek belh nise tih kha kan rawt duh a ni.

Tin, Demand 25 na P.H.E. ah hian pawisa tma tak pek belh ani a, ka lawnpui a. Salary hi a tlangpuiin apung deuh vek a. Pu Speaker, kan PHE Minister hnenah lawmthu Kawnpui bialin sawi a ngai a ni. Kawnpui bial khu tun hma pawhin tui a harsa em em a tuna kan tui lak hi hun hm asa ah te an lo sawi tawh thin a, mahse, achhuah hma loh chu awih enah an en tawh lova, an beidawng hle tawh a. Chutih lain kan Minister-in hma min lakpui a mass present a min pek hman an tum hmawng engemaw vibrating pumper dik loh avangin min pe hman ta lova, tunah khuan kan herh hawng tawh a, a haw ni te hi chu kan Minister hian han hmu sela chuan pek man hla a ti hlein ka ring a. kan lawm takzet a ni tih kha kan sawi duh a ni.

Tin, Kawnpui mai nilovin Thingdawl pawhin kan chhawr zel thei te khu thil awin ngai lo lo awm khu kan lawm hle a. Chutih rual erawh chuan a pipe line khu fello la awm leh Department aharsatna khu min lo enpui leh thei se tih kha kan han chah duh hawk a ni.

Tin, Demand 16-na, Pu Speaker, Demand 16-na hi tlem han sawi leh ka duh chu Home hian hma asawn a. A lawmawm ka ti khawp mai. Work-ah hian in dah hnem riau mai pawisa. Chu chu lawmna riau ka nei a. Kan bial ah khuan 1st IR Battalion kan nei a. Kan Commandant zahawm tak fel tak Pu V.Thakima koh chhoh a ni dawnin ka hria a. Tichuan, work-a pawisa ti zozai Pu Speaker, in dah khu 1st IR Bn. Headquarter, khumi annual repair nan t e leh kan internal road chhe lutuk te siam theih nan khuan min han sawh hek sak ve turin kan han ngen zui bawk a. Kan internal road khu a chhe em em mai a. P.W.D. hotute ah kan sawi a. Theihtawpl kan chhuah a, kan Commandant thahnem ngaihna in internal road

khu chu engemaw chen kan han ti a. Mahse, duh thu ala sam lo hle a. Chuvangin, he Home Department-a pawisa in dah belh teuh hi a then azar chang ve ngei thei turin 1st IR Battalion tan khuan kan han ngenpui nisela.

Tichuan, Demand 13 na DP & AR hi Pu Speaker, sawi tur a tam riauna chungin kan sawive duh chu transfer and posting chungchangah hian sorkar hian firmkhur deuh hian ennawnin kalpui thei se tih kha kan han ngen ve na nisela.

Tichuan, Demand 33-na Rural Development Department hi Pu Speaker, tuna Khawbung bialtu zahawm takin a rawn sawi kha 100% in kan thlawp a. BADP huamve lohna khung Kolasib District khu kan ro em em mai a. Sorkar atangin pawisa min pe tlem si a. Duh kan ngah ve si a. Kan mamawh a phuhruk lo em em laiah hian Kolsib District huam chhunga Constituency pathum kan Speaker zahawm tak bial telin, khung khu ngaihtuah dan a awm thei lawmni tih kha kan han ngen nise. Tin, _____ ah hian pawisa tam tak Rural Development dah belh ani a. Hei hi tha ka ti a. Kangmei leh engemaw chhiat tawh chungchangthuah R.D. hian rangva te in lo pe thin a. Tin, ka bial Kawnpui ah pawh hmanni lawk khan In pathum a kang a. Rangva, a chung daih sorkarin min rawn pe kha lawmthu kan han sawi leh duh nisela. Tin, R.D. ah hian kan R.D. Minister zahawm takin a lo sawi thin angin duhsak bik nei lo tura tih lai kha kal tiangpui zel se. Mi rethei leh harsa zawkte tana In kan han sak, upgradation leh construction te pawh kha achang tur dik tak khan chang chho zelin tise a lawmawm hlein ka hria a. Party induhsakna hi a awm thei phe chu a ni a. Amaherawhchu, a tlem thei ang ber tih nise a thain ka ring a. Tichuan, Pu Speaker, party leh pangpar hi in anna lai a awmin ka hria a. Pangpar hi a par vul lai chuan a mawi. Mahse, a parvul ni atanga ni hnih khatah chuai lam a pan thin ang hian Party te pawh vul lai leh par mawi lai, sorkarte pawh vul lai leh par mawi lai kan nei a. Tiang reng khan a par vul theih lova. Chutiang zel chuan Rural Development bikah mi rethei leh harsa te, In leh lo sa thei lo, heng ho lehzele tih bik kan han nei leh duhsak bik nei awm anga kan lan ghi tibo thei hram ila tih kha kan ngen duh a.

Tin, ka bial chhungah tun sorkar chhung hian khawngaih takin Rangva In nei lo zawng zawng khu he sorkar hian khuhpui dan min rawn ngaihtuahpui turin ka sawm che u a ni e. ka lawm e.

S P E A K E R : Pu Rinliana hi sawm phawt ila, kan intih chhawk deuh dawn nia aw. Pu K.Lalrinliana.

PU K. LALRINLIANA : Pu Speaker, ka lawm e. Hei vawiinniah kan Minister zahawm tak tak te palmih Demand, Department paruk sawiho a ni a, a department a pawimawh hlawm hle a. Demand No. 44-na Trade & Commerce ah khan han kal hmasak ka duh deuh a. Department hi tunah chuan changtu Minister te leh Department te an tang bawka a. Mi hriat an hlawh ve tan hlein ka hre tawh a. A lawmawm hlein ka hria a. An hma-

lakna te Bazar an sak te, Godown Vairengtea an sak hmanni lawkah hawn thar a nihthe kan hria a. Chutiang chuan tan nasa takin a la hi alawmawm ka ti a. L.A.D. lamin bazar an sak enkawl chhohna ah pawh theih tawpin tan an la chho zel niten kan hria a. Helai hma lakna hi an fakawm ka ti a.

Tin, Kolasib District tan te, Trade & Commerce hian District Office building an sa, hei hi hawn thuai theih nise kan duh hle a ni. Minister-in khawngahin min chhinchhiah sak se. Engtiknge hawn theih anih ang tithe kha kan hre chak a.

Tin, Demand 33-na Soil & Water Conservation Department hi an hma lakna tur ani em ka hre lova. Bairabi ah khuan Teirei leh Tlawng infinna lai khu fur a lo ni a. Tui hi a vir mup mup mai a. Khami khanin Bairabi khaw chung In awmna lampang hi a rawn ei hek thin a, tunah khuan In engemawzat khu a hlauhthawnawmin fur lo awm tur atan a huphurhawm tan a ni a. Chulai chu lung ten emaw. engin emawa dan dan hi awm se. Hmalak tul hlein kan hria a, hei hi Soil & Water Conservation Department hian enfiah chiangin hma la thei se tih kha kan sawi hmasa duh a. Hma lakna hrang hrangah an fakawm a. Department sum neih dante ngiahtuah chuan theih ang tawk a hma an laknaah hian an fakawm ka ti a.

Tin, Demand No. 38-na Rural Development hi han kal kai leh lawk ila. Tun kum chhung khan R.D. Block thar hawn a ni a. Kolasib District chhungah R.D. Block pakhat kan nei thin a. Bilkhawthlirah R.D. Block thar min rawn pe hi kan lawm hle a. Kan hmasawmna pawh a nih theih phah kan ring a. Pahnih chauh kan nei erawh hi chu a la tlem tham deuhin kan hria a. Pakhatte hi chu la nei belh leh thei ila tithe kan sawi thin a. Kan duh hle ani. Tin, BADP kan nei ve lova, Kawnpui bialtu zahawm takte hetah Pu K. Vanlalauva, kan member zahawm tak ten an sawiah khan BADP kan neih lohna ah hi chuan R.D. lampanga an sum thenkhat atete leh department dangte pawhin duhsakna kan dawn tam bik kha tul kan ti tlang hlein ka hria a. Kei pawn helai hi sawi nar ka duh lai a ni a. Duhsak kan phuin ka hria a. Midang ten BADP sawi hi chuan kan it ve ngawih ngawih thin a. Chulai bik chu han sawi lan tel thain ka hria a.

Tin, Kolasib District headquarters ngat phei khu chu Champhai te, Mamit te, Serchhip te nen kan niin ka ring a. Urban a puan kan nih hnuaah hian, R.D. lam hian min han hlanchhiah tan chho nen, khalaiyah khan kan mamawh a tam lehzual nite pawn kan hria a. Kawng hrang hrang a R.D. in a hma lakna mi harsa zawkte PMGY leh IAY a In sak tanpuina an pek ang chi hma laknate hi a thlamuan thlakin an fakawm ka ti a. Tan pawh an la nasain ka hria a. Tin, Food for work hmanga mi harsa zawkte inhlawhna siam chho leh asset ropui tak tak an siam chho hi an fakawm ka ti a. Nasa lehzuala tan an lak theihna tur atan pawh budget ah hian sum te pawh CSS atang pawn kan neih chhoh belh zel kak ring a. Hengah hian R.D. hmalakna han fakna tur tam tak sawi tur a awmin ka ring a.

Tin, Demand no. 25 na Water Supply and Sanitation chungchangah hian Total Sanitation Campaign State Level leh District level ah hma lak tan an ni hi a lawmawm ka ti a. Thingtlang khua rural area ah mite tui in tur an neih theihna tur atan te, tin, Ek In tha, thianglim an neih theihna tur atante. Hri hlauhawm kan inkai lohna tur atan thingtlang khuaah hma lak a ni

chho tan hi a vanneih thlak ka ti a. kan hriselna pawh hi vawiinniah chuan atlakhniam phah ka ring a. Nakum lamah phei chuan hetiang a hma lak chhohna alo puitling hunah hrisel lohna tam thin kha thingtlang khuaah chuan a tlem phah ang tih pawh ka beisei a. Hemi hmalakna hi aropui ka ti a.

Tin, Kolasib tui lakna bik hi 1999 khan a tui lakna tur atan hian estimate siam anin ka hriua a. 1999 ah commission a ni a. a lawmawm kan ti a. Kan hnianghnar chho viau a. Mahse, district headquarter te kan han ni chho a. Tin, kan State thenawm ah hel ten kan Mizo puite Cachar, Manipur leh Nagaland a awmte tih duhdabna an han tawh a. A rawn rattlan hian Kolasib khu an rawn rattlanna tam ber kan ni a. Tahchuan Vengthar a lo piang hnem nasa a. Chutiangah chuan tunhmaa 1990 estimate an lo siam a, kum engemaw zat chin a daih ang tih kha kan beisei a in kan population khu a thang chak a. Chuvangin kan tui tlan khu, khu aia nasaa kan tih chhuah chak a veng lo piang tharah pawh khuan tui tanky khawlnate leh tui pekna pipe zam thar ngai tam tak a awm a. Chulai chu mamawhna kan nei a. Harsatna kan neih kha han sawilan thain ka hria a.

Tin, Bilkhawthlir khuan kan tui lak khu min ring tel a, Kolasib atangin Bilkhawthlir ah pek thlak a ni a. Bilkhawthlir pawh an lawm hlein ka hria a. Amaherawhehu, tun anga population kan than chak dan en khuan Bilkhawthlir ah pawh duh ang tawh kan la pe thei lovang tih khu a blauihawm a. Engemaw ti tala chemluite pump chhoh theih dan khu awm se chuan, Bilkhawthlir pawh an lo ring thei ang a. Tin, Kolasib Rengtekawn lam pawh an lo ring thei ang a. Chutiang chuan tui pawh tun atanga kum 20/30 lokalah pawh kan lo hnianghnar phah theihin ka ring a. Chungte chu kan sawilang dui a.

Hei Kawnpuiin tui lakna nichinah a bialtu zahawm takin a sawi a. Pek an ni tur hi a lawmawm a. Kolasib tui lakna commission anih khan min awt em em mai thin a. Tunah chuan Thingdawl thlengin pek an ni chho thei dawn a. Hmalakna a ropui ka ti a. Tin, thingtlang khaw hran hran hmun engemawzatah rural area chhungah hian tui pekna thar hi a tam em em a. Sawi dawn ila sawi zawh sen pawh anilo ani. 2005-2006 inkarah pawh hian zawh tawh, commission tawh ringawt pawh hi khaw 39 a awm a ni. Hmalakna achak hlein ka hria a. A lawmawm ka ti a. Keini bial chhungah pawh khan Chhimluang ah te, Pangbalkawn, Meidum ah te kan beisei phak bak aia thain tui lakna hi min pe tha a. kan lawm hle a ni. Chutiang chuan PHE lampang hmalakna hi achhuanawmin an kal chak thain ka hria a. Thianghlinna, hriselna kawngah pawh hian an kal tha hlein ka hria, a lawmawm ka ti a ni.

Tin, Demand no. 16 na Home kha. Law and Order chungchangah India ramah chuan State hrang hrang han en hian, a tha hlein a lang a. ram ralmuang kan nihna pawh sawi ngai lovin vawiinniah chuan kan ralmuan zia atilang chiangtu mite min sawina hi a ni. Min tiralmuang lo bertu BNLF te nen 25.7.2005 ah khan MOU kan han sign a, tunah chuan ralmuanna kan han neih belh leh ta a ni. Engemaw neuh neuh pawl dangte awm thin mahse, ramri hrulah pawh ziaawm lam kan pan chho nitein a lang a. Tin, ram dang atanga hel lo awm CNA te, kan ram chlunga awmte umchhuah an han nite hi a thlamuan thlak kan ti a. Kan Police te an fakawm hlein ka hria, an huaisenna. District tina SP te hmalakna te, sorkar a report an pek dan leh tualchhung mipuite leh Police inkar te ramri hrul, kan boundary angah te hian nasa takin kan SP te tan lakna an fakawm hlein ka hria a. Home Department hi an chhuanawm hle a ni.

3rd Battalion din thar turte pawh hi alawmawm ka ti a. Hengte hi min la tichaktu tur leh kan ram la ti ralmuangtu tur anni zel dawn a ni. Chuvangin hengah hian lawmawm ka ti a.

Tin, Kolasib-ah khuan a bik takin kan SP Office leh quarter turte sak chhoh tan ani khu abik takin Minister hnenah leh sorkar chungah lawmthu ka sawi duh a ni. Tin, Kolasib ah khuan Fire Department bikah Pu Speaker, kan Fire Station awmna khu tunhmain kan lo ral au leh tha zawk leh Motor pawh a kal zung zung theihna tur atan a hmun khu thlak angaiin ka hnia. Chulai chu wawinniah kan Minister zahawm tak hnenah kan ngen tel duh a ni. Chung chu Pu Speaker, ka sawi theih tawk ni se, Budget Demand, Minister zahawm tak tak te demand hi pass ngei ila tih kan sawi duh a ni e, ka lawm e.

PU ANDREW LALHERLIANA : Pu Speaker, ka lawm e. Vawin hi Demand sawi tur kan ngah hle mai a, kan cover hman loving tih pawh ahlauhawm a. Kan sawi tan dawn ang a.

A hmasaber atan Demand No. 25 na Water Supply & Sanitation, PHE Department atangin kan tan ve ang a. Kan hriat angin demand for grants ah Rs. 72,10,70,000/- dah a ni a. P.H.E. hnuaiiah hian scheme lian ber kan neih hi Greater Aizawl Water Supply Scheme Phase II hi a ni a. Aizawl Water Supply Phase II tiin sawi mai ila. Hemi han sawi dawn hian thil kal tawh leh kal mek leh lo la kal tur thil a awm a nih avangin sawi pawlh nuai a ngai dawn a. Kan sawi dawn a ni. He scheme hi kan hriat angin Central sorkar atanga direct a funding DONER in pawisa arawn pek liau liau atanga tan kha ani a. Hei tun kan Session March a Starred Question 17 naah khan kan hmuh dan hi la zo miah silo mahse. 2003 atang khan pawisa hi central atangin hmuh a la ni miah lova ni tih kan han hriat hian a thlaphan thlak riau mai a. Tahchuan a zawh hun tur pawh hi March, 2004 a zo tura tih kha March, 2006 ah tawlh chhoh ani a. Mahse, tun tuma Starred Question 164 na kan Ministerin a chhan danah pawh khan March, 2006 lo thleng mek, zo turah pawh hian kan hawng leh hma lo tih achiang a. Tun kum financial year chhung hian kan hawng hman ang tih kha an sawi ngawt nanga. Amaherawhchu, Central atanga pawisa local awm miah silo leh tun budget Rs. 76,10,70,000/- ah hian pawisa pakhat mah hemi demand for grants ah dah a nih si loh ah hian engtinngge maw an zawh ang le tih hi ngaih dan a awm ta a. Chuvangin pawisa hi dah ngei atan a tha lo maw tih rawt pahin kha kha kan sawi duh a ni.

Pu Speaker, Aizawl khawpui hi khawpui zawng zawnga Water supply chhe ber ani hial awm e. Hmanni lawkah Chandigarh ah kan han kal a. Nitin darker sawn tui pek a ni. Chutiang angin khawpui dangte pawh hneh takin tui pek a ni. Kan Aizawl khawpui ve tuna mipui nuai thum awm tawhnaah hian kum 18 kalta 1988 a kan water supply scheme, mihring 70,000 tana siam hi kan la hmang ani. Kan indaih loh rapthlak dan en ta ila. Tuna sorkar dinglai sorkar hnuah hian Congress sorkar hnuaiiah khan kar khatah vawihnih sem a ni a. Kan hnianghnar tawk ani. Tuna sorkar lo din chhoh hnu hian hei hmanni lawkah khan kar khatah vawi khat sem a ni e, tih a ni a. Mahse, kan indaih lohna nasat zia hi. Veng tam takah pheichuan kar khat pawh ni lovin ni 13 chhung hian vawikhat sem nate pawh a tam a. Tin,

veng tamtak la cover loh a nihna avang hian tan angai hle a. A kal dik lote pawh en chian angai a. A kal dik theihna tura hna kan thawh theihna turin chhuite pawh angai a niin ka hria a ni. 1997 daih tawh khan Aizawl tui kan hnianghnar theihna turin Central sorkar chuan phal takin pawisa Rs./ 71,80,00,000/- min rawn pe a nih kha, Aizawl Water Scheme Phase II atan hian. Hei hi tun sorkar hi a sorkar hmasak zawk khan an khawih tan a. Tahchuan tui pawh mipui 3,80,000 tana intla turin nikhatah litre maktaduai 30 chuang pe thei turin scheme kha an kalpui chho ta a ni a, hemi a kalpui chhoh dan hi a tira beisei a san tehreng nena sum khawih chingpen nia alan tlal avanga thil a lo pawl ta hi apawi hlein ka hria ani. Tahchuan vaibelchhe 71, nuai 80 pawisa kha a hman danah an thendarh leh a, departmental hnathawh nan vaibelchhe 39 leh nuai 73 kha department in pipe phum nante leh supply siam nan te an hmang chho ta a. ala chuang vaibelchhe 32 leh nuai 2 kha contract-in Johnson Eastern Power kha uchuak em em a duhsakin vaibelchhe 99 leh nuai 32 a pe ta chho daih mai kha, kha kha buai intanna a ni chho tlal a ni. Chuvangin hetiang a uchuak lutuka contractor te duhsakna avangin revised estimate siam ngain vaibelchhe 113 leh nuai 46 an zuk dil belh anih kha, amaherawhchu, ni 18 feb, 2003 khan a pawisa petu khan uchuak a tih lutuk avang khan he revised estimate hi pawm duh lo hian a scheme kha lo ti te mai rawh u, pawisa hi kan pekbelh dawn lo che u a, in thawhtheih bak kha chu (fresh proposal) rawtna thar angin inla rawn dil mai dawn nia tikhanin kan inchhuah ta ani. Tahchuan, a scheme pawh hi tunah pawh hian tereuhte a kan han siam tlakna ah hian a pawl hlein ka hria, Aizawl Greater Supply Scheme Phase II ah hian mipui nuai 3 leh sing 8 chawm thei tur tui litre 36 vaibelchhia pe chhuak tura kan han tih tet danah hian a chanve chanve lehah kan han tihnam ta a, tui litre maktaduai 12 ni khata tichhuak turin lo zo ta pawh nisela mipui nuai khat tana tlingtla tur chauh a ni chho ta hi a pawl hlein ka hria, tahchuanin han tih tet rau rau ah pawh hian pawl ka tih chu a sum leh pai lampangah, a contractor duhsak zawnga tih tet dana a kal hi a pawl em em a ni. Tahchuanin, atui pechhuah tur a chanve chanve leha tla thla chung khan contractor khan tih tet turah chuan vaibelchhe 80 ala demand a, department in tih tet dan tur an han chhutah hian estimate committee ngeiah pawh an rawn report-ah khanin vaibelchhe 52 leh vaibelchhe 56 nikara zawh theih tur a ni e, tiin fel takin proposal department lamin an siam a ni.

Amaherawhchu, kan sorkar hian a contractor te duhsak zawngin tunah hian vaibelchhe 80 demand tu contractor khati khawpa tih tet chung a remna siampui tumin tunah hian an inbia (negotiate) mek anih lai hian kan firmkhur a ngai ka ti em em mai a, hemi negotiation ah hian kan sorkar hian a department lamah a tang ngei ngei tur a ni. Tahchuan, central PWD manual kan han enphei chuan clause 13 naah scope of work reduction hna reng reng contract hi tih tet anih chuan a tih tet dan tur hi department a engineer tenan chhut ang a fel takin, chu an chhuta a tet ang ang chu sorkarin a contractor hnenah chuan ti rawh tin a hrilh mai tur a ni. Chuvang chuan department ina vaibelchhe 52 ina a tih theih a tih hi contractor in vaibelchhe 80 in 'ka zo e' tih tlal hi engtikawng zawng mahin negotiate angai reng reng lo. Central PWD manual clause - 13 na dan atang hian. Chuvangin sorkar hi a department lamah tangin fel takin a titha mai tur a ni a, chutilo chuan a siam theih bak pawh la awm ta hi nakinah fresh proposal anga la dil leh tur anih avangin sum leh pai uchuak taka hetiang a tih hi tuna pawisa min pek chin pawh daih lo anih si chuan han dil belh lehna tur hi pawis a awm dawn lo hrim hrim a ni. Chuvangin contractor lampang atanga scope of work reduction tih anih chuan Mizoram tan apawi dawn a, department-in a proposed angin fel takin in negotiate ngai reng reng lovin a kal mai tur a ni. Chuvang chuan tui hi a tam zawk kan hmuh theihna turin

tuna Phase - II hi azawh pawhin nuai khat leh singriat tan chauhva daih tur anih avangin ala daih dawn lova, a thara rawtna proposal siam leh a ngaih dawn avangin sum leh paih finkhur a Aizawl khawpui tana daih ngei tura scheme thar kan siam lehna turin sum leh pai tih chingpenna kawngah hian he thil kal hi khawngaih t aka tih tawp niselangin, chuvangin Aizawl kan khawpui ve, heti khawpa Water supply chhia hi a tha zawka a kal theihna turin khawngaih takin sorkar hian sum leh pai inrenchem kan uar bawka, hma kan la tur a ni tih hi ka sawi duh a ni. Pu Speaker, kha kha ka sawi zolo hle nanga kan duhtawka ang a.

Trade & Commerce-ah hian kan lut leh duh a ni. Trade & Commerce a ka sawi duh chu hei hi a nia, Trade & Commerce hian Vairengteah check gate siamin MAMCO nena tangdunin kan thlai thar phurhthlak reng reng rampawna zu hralh tur chhiah an lo la flat imai hi mak ka ti a, mahni ram thlai thar thawhchhuah atanga chhiah lak hi India ramah hian khawiahmah a thiang lo reng reng ani. Chuvang chuan a tanpui a tanpui zawk tur an ni a, subsidy te kan pe zawk tur a ni a, chhiah khawn ainn engtinge an hlawk ve theih ang tiin kut hnathawk tute thawhchhuah hi hlawk zawka an thar theihna turin support leh subsidy akai pek tur anih zawk lain keini chuan Vairengteah chhuak tur, check gate kan lo siam a. chhiah kan pe hi sim a ngai flat mai a ni.

Tim, tunah hian Trade & Commerce-in atih tur a ti flat lo, engatinge tunah hian kan thlaithar te hi hralh leh theihloh in Sawhthing te pawh a awm a ni. Helai takah hian market intervention scheme hmangin budget ah hian Trade & Commerce hianin pawisa dah sela, thlai thar leina tur pawisa dahin a man engtinemaw bitak a, tichuan kan lei ang ti se, tikhuan vaiho khuan lei loin Mizo kuthnathawk tute harsatna an siam lo rengreng ang. Chuvangin kan thlaitharte hi man man zawka kan hralh theihna turin Trade & Commerce hian budget-ah hian thlaithar leina tur pawisa market intervention scheme atan dah ngei ngei tur ani tih hi he budget kan sawi lai hian ka sawi duh a ni. Tichuan, kan thlaithar, rawn tharchhuak tute hian vaiho ina an duh ang tawka tawka a an leisak lohna tura sorkarin a rate bithlah siamsakin an leisak duh lo a nih pawn sorkarin kan leisak mai ang tiin sum a dah ngat chuan kan vai sumdawnge khuan a nihna takah chua an rawn leisak em em ang, a chhan chu Delhi-ah hmanni lawk nikumah khan ka zu kal a ni. Kan zu kalna ah chuan kan thlaithar hralhna tur hi a market atha lutuk flat a ni. Atha a, kan department hian hralhsak tur pawhin hma la se a theih em em a, Delhi ah chuan rate atha lutuk, amaherawhchu, vai hoin helaia an rawn leisak duh lohna chhan chu man huiam zawk, hlawk zawka leisak an tum vang ani. Hemi dang tur hian kan Trade & Commerce hian khawngaitakin budget-ah thlaithar leina tur hi pawis a market intervention scheme ah lo dah ve rawh se.

Pu Speaker, sentence khat chauh, ka sawi leh duh chu Police Department chungchang thuah hian, complaint pakhat ka dawn ve a awm a, Police Officer te an pension tawh hnu a a naute hnathawk atan an chhawm hi an la chhawm tlang zel mai erawh hi chu khawngaih takin a pension tawh hnu em em ah hi chuan constable te an mahni hnathawkah nei tawh em em lo selangin tih kha complaint a awm a, tam tak pension tawh hian vawinmi thlengin constable te hi an mahni hna thawk tur an la khawl a ni tih hi report kan dawng ani, tih kha kan sawi belh duh a ni, ka lawm e. Pu Speaker.

PU D. THANGLIANA

Pu Speaker, ka lawm e. Hei Demand a ka luh hmain tun March 2-5 kha ka bial E. Lungdar-ah K.T.P. General Conference kan thleng a. K.T.P. General Conference Mizoram pum huap anih avangin mikhual pawh kan thahnem viau a, chutiang zawngah mualphona kan neih hlauthawng taka kan awm lain kan mualpho lohn atur atan adépartmen hrang hrang ina min tanpuina leh puihkan ngaihna laia min puihna zawng zawngah vawiinniah hian lawmthu kan sawi duh a. Kan sorkar ina mualpho lova kan khawmpui thlente min kaihruainaah lawmthu Organizing Committee Vice Chairman ka nihna angin vawiinniah kan sawi duh a.

Demand 16-na Police Department chungchangah hian sawitur tam tak a awm ang a, mahrawhchu, hunte a tawi a, kan sawi seng vek hman lo turah ngai la. Mizoram hi kan Police te taimakna leh felna avangin ram ralmuang. State ralmuang berte zinga chhiar theihin vawiinni thleng hian Law & Order chungchangahte pawh vawnthat chhoh zel ala ni hi thil lawmawm tak niin ka hria a. Tin, Mizo mipuite hrim hrim pawh hi tunhma te ngaihtuah chuan sorkar thu leh hla awih chungchangah pawh hma kan sawn viau tawhin ka hria a, sorkarin tiktur a tih leh tih loh tur a tih te zawm kawngah mipuite kan thangharh ta a, heng hi kan sorkar hnathawk kan Police Officer hote leh kan sorkar ina mipuite tana theitawp an chhuahna vang a ni te pawhin a lang a. Chuvang chuan hemi kawngah hian a lawmawm hlein ka hria a, hei NGO hrang hrangte, sorkar hi NGO tello a kal thei lo ang hialin thenkhatin an sawi thin a, amaherawhchu, mipui aiawha sorkar kan nih avangin mipuite atam thei ang ber rawn chung a kan kal fo hi kan tiktur niin ka hria a. Tunah hian kan sorkar pawh kan NGO hrang hrangte leh kan sorkar hnathawk department hrang hrangte nen pheikhai rual takin vawiinni thleng hian an kal chho va, heng avangte pawh hian he sorkar pawh hian mipuite rin kan hlawh chho viau zel niin alangin ka hria a, heng kawngah hian thawh hona tha tak kan neih chhoh zel avangin lawmthu kan sawi duh a. Tin, kan Police te an chhuanawm em em chu. Investigation lak ah chuan 42% vel chauh hemi thilsual ti chhuichhuahna chungchangah chuan an chhui chhuah anih mek lain, Mizoram bikah chuan kan Police Officer te hi an chhuanawm hlein ka hria a, 84% ngawt mai khatiang harsatna case chhuichhuah chungchangah khan hmalak an ni chho te pawh hi hmasawna nasat tak niin ka hria a. Kan sorkar ina kan Police te a kaihruaina leh a enkawlinaah hian ahangtu Minister zahawm tak felna te pawh a ni ang a department te nena thawh hona thatak an neihna avangte pawh hian an hna pawh hi tha takin an thawk chho thei niin a lang a, hengah hian a lawmawm hlein ka hria a.

Tin, tualthahna case bik chhuichhuahna chungchangah hian kan Mizoram Police te hi an fakawm hle a, India ramah record kha 81% chuan g hret anih lain keini ramah chuan 85% lai mai heng tualthahna case lian chungchang IPC dan bawhchhiatna hrang hrangah khan chhuichhuahin an awm a, heng hi kan Police te efficiency tha tak an neihna avanga heng harsatna tam tak chhuichhuah a ni te thil lawmawm tak niin ka hria a. Tin, vawiinni thlenga State ralmuang berte zinga chhiar theiha kan awmna chhante pawh hi kan Police hote inpekna vang niin a lang a. Mizoram hi tunah chuan khawvel ram hrang hrang atangte pawh hian miin rawn tlawh an chak a, a rawn tlawh pawh an tam viau tawh a, chung hovina an sawi fo thin chu Mizoram ralmuanna leh Mizoram thlamuang taka an awm theihna te khang ram ralmuang kan nihna te hi an sawi no. 1 zinga mi a ni thin a. Chutiang taka ram ralmuanga min siamtu leh kan ram min enkawltu, tin hei ram roreltute pawh thingtlang

hla tak tak bialtute kan ni a, chung kan kalvelna ah pawh chuan PSO bak hruai lova kal mai zel tate kan ni a, hengah pawh hian kan sorkar hmalakna leh kan Police department te hmalakna avangin vawinniah hian ram ramuang berte zinga chhiar theihm kanla awm hi thil lawmawm tak niin ka hria a.

Tin, chumi ruala kan Minister zahawm takin min lo chhinchhiah sak tura ka duh chu hei keini bial Burma border a awm kan ni a, nichinah Khawbung bialtu zahawm tak khan a sawi tawh a, Bike bo chungchang leh thil dang dangah hian an kalkawng hi kan ni ve a, hei ka bial chungah khian Police outpost pakhat kan nei ve a, N.Vanlaiphaiah khian an tlem hle a, kan indaihlo hle a, engemaw thil chhiatna lampang leh engemaw ngai laiah pawh kan indaihlo hle a, chungah chuan a tihlen dan kawng District Capital te chu S.P. in an thut a, keini Civil S.D.O. awmna ang chin velah kha chuan SDPO te tal ina min han thutchihl ve na tur atana ruahmanna min lo siamsak tur khan kan ngen duh a.

Tin, E.Lungdar te khi Burma border Kawnpui nen Sailulak kawngah Tiau thlengin kawng kan lai tiang pheih tawh a, chungah chuan Police awm lohna hmun a ni a, Khawzawl khi II Battalion I.R. headquarter a ni a, an out post atan pawh hian ahmun te a nuam bawh a, Mizoram venhinna atan pawha kal ka pawimawh tak a ni ve a, chungah chuan khing E.Lungdar ah te khian Ist I.R. battalion atang khian engemaw outpost company ang velte emaw kha min dahsak theih dan kha awm sela. Mipui te kan himna atan a va pawimawh awm em? Tih kha ngaihtuahna ah a awm a, kan ngai pawimawh hle a, hei kan Minister zahawm tak ten min lo chhinchhiah sak sela a thain ka hria a.

Tin, Demand 38 naah Rural Development Department chungchangah hei nikum aini nuai 206 chuang zetin kuminah hian budget ah an han dah tam a, keini bial angah te pheih chuan department hrang hrang ina hmasawna tura an hnathawhna hi a second line deuh kan nih avang hian a thleng mawh hle a, chumiah chuan Rural Development Department atanga kan bial keini bial angte chu development kan hmuihtheihna chhun a ni a, Rural Development Department te hi chung avang chuan R.D. hi keini bial angah chuan kan ngai pawimawh em em mai a, hei hi kan hotute pawhin min ngaih pawimawh sak kha a pawimawh dawn hlein ka hria a. Tin, kuminah hian miretheite thleng phak tur budget pawh R.D. ah hian kan duhtusam nilo mahse, an dah thahnem ang reng viau a, a lawmawm hlein ka hria a, hei kumin 2005 - 2006 ah khan mirethei insakna tur pawh nei manglo. chenna In tur pawh nei mang lote khatiang ho kha keini bial angah te pawh khian 35 chuenglai mai tur kum kaltaah khan IAY te PMGSY ahte min han tihsak a, bial dangte ngaihtuah chuan abeitham hle mai a, amaherawhchu, kan lawm hle tho a ni. tih lai kha vawinniah hian kan sawiduh a.

Tin, chulovah chuan BADD atang hian keini biala kan khawpui cheina tur ang chu te khi engeni metalling thleng hian department hrang atangin khawchhung cheina tur te kan han thlen thun a, barsatna tam tak kan tawh a, tin, a penhle deuh kan nih avangin ngaihsak hmasak loh theih loh kan nihna lai chen te pawh a awm a, nimahsela, chungah pawh chuan heng BADD te hi khang khawpui chhung cheina leh engemaw atana hman theih tura a tihdan kawngte pawh kha ngaihtuah theih misela thil lawmawm tak a niin ka ring a. Tin, pawisa draw chungchangah pawh hian keini chu District hmuaja awm kan ni a, District Project Director kan nei a, kan bial chhunga development hna kan thawhna sum kha

Directorate atanga lak vek hi mipui harsa zawkte tan a buaithlakna lai chen a awmin ka hria a, chuvangchuan heng khawngah pawh hian kan sorkar hian district-ah Project Director te an awm a, khang ho hnenah khan an Project chhunga sum awm kha draw tirin keini thingtlanga BDO awmna hmun amite khan draw ve theih ni tal sela chuan zangkhaina kha a awm thei mai awm mang e tin ngaihtuahna tunhma atang khan kan lo nei tawh thin a. Hei vawinni thleng hian la tihloh a la ni a, kan Minister zahawm tak pawhin min lo chhinchhiah sak sela. Project Director te hnen atanga kan thingtlang bial hmasawna hnathawh mek sum draw chhuah dan chungchang kha min lo ngaihtuah sak thei sela a lawmawm hlein ka ring a.

Tin, Demand 25 PHE chungchang khan hei keini hi chu tlanganglai tak aia tlang sak atanga tui han lakna tur awm tawh chuang lo kan ni a, tui kan harsa em em mai a, theihtawpin kan PHE department lamte pawhin hma min han laksak chung hian kuminahte hi chuan khaw tinah tui harsatna avangin buaina kan tawh a, nei leh nei lova tui leite a ngai a, heng kawngah hian hman deuhah khan ka sawi tawh a, kan sorkar pawhin min ruahman sak dawn niin ka hria a, Tuichangral Greater Water Supply Scheme hi District capital tinah chuan siamin a awm tan tawh a, a dawtah hi chuan keini lampang kha min rawn ngai pawimawh ve ta se, tui thianghlim hnianghnar neih ve kha keini bial chuan kan chak herte zinga mi, kan nghahlelh em em a ni a. Chuvang chuan Pu speaker, kan bial chhunga tuipui pump chhuah tur thatak kan neihte hi kan department lampangte pawh hian chak zawkin hma min han lakpui ve sela tuithianghlim hnianghnar bial dang ina an neih ang neih ve kha kan mutmawh hnarmawh a kan neih ve ber anih avangin min ngai pawimawh hram turin ka ngen duh bawh a ni. Ka lawm e.

PU SAILOTHANGA SAILO :

Pu Speaker, hun min pek avangin ka lawm e. Demand 25-naah hian lut nghal mai ila A hmasabera pawimawh leh briat chakawm a ka briat chu hei Aizawl khawpuiah

hian tuizuar an tam hle mai a. Chanchinbu en ila, thianghlim hmel tak tak phok khat deuhthaw aintlar a. An tui hralh thin hi. Hei hi PHE department nge, a agency ka hre lova. In tlak ani ngei em? tih hi enfiaktu an awm em aw, tih ka ngaihtuah thin a. Zan rei tak takah te Motorin an phura kan lei a, a thianghlim leh thianghlim loh lam a en theih tawh lova. Chuvang chuan, tui zuartu tui hi mihring hman tlak a nih leh nih loh enfiaktu awm thei sela. A tha awm mange tih ka sawi hmasa duh a.

Department-ah lut nghal ila, PHE hi a Minister zir pawh a ni ang a, department a zir pawh a ni tho ang a. Mipuiin kan mamawh a nasat tawh vang pawh ani thei a. An thawk tha hlein ka hria a. Ran pun huapa ngaihtuahin chutih rual chuan Aizawl bik chungchang hi he House-ah hian ari zing ta hle mai a. Aizawl Greater Water Supply Phase - II hi a pawimawhzia chu mi zawng zawng briat ani mai a. Hei hi tihchak a ngai hle mai a. Kan hriseina nen hian nasa takin inzawmna a neih avangin a pawimawh lehzualin ka hria a. Sum leh pai chungchang leh harsatna chi hrang hrang he House-ah hian kan ngaitila thin a. Hei hi chu tihran a ngai hle a ni. Tan theih dan dana tan a thain ka hria a.

Tin, he hnathawktu farm hi Mizoram tan hian hnathawktu farm tha tak ani lo a ni awm mang e aw, tih ka ngaihtuah thin. Sateek tlangdung kawng laihna chungchangah pawh hian. Mahse, kan ramah hian thil an ti thei viau mai a, an chang leh flat mai thin a. Hengte pawh hi tun hnuah chuan hriat a tha lo maw aw, tih te ka ngaihtuah rum rum a. He tulak chungchang hi chu political party ang leh sorkar ang pawhin a pawimawh hle ang tih ka ring a. Hei hi Central sorkar pawisa min pek tam tak tih chingpen a a awm a mipuiin tui hi kan dawng lo anih chuan hmalak chu a eng vak lovang tih hi a hre tute vek kan ni ang tih a hre tute vek kan niin ka hria a. Chuvang chuan, House-a sawi vak loh pawhin thahnem kan ngai turah ka ngai a. A pawimawh ka ti hle a ka sawichhuak duh hrim hrim a ni.

Pu Speaker, he department chungchangah hian uluk takin kan lo thlir ve a, nichina thuhmaa ka sawi ang khan Zokhaw lam an hnathawhna hi an fakawm khawp mai a. Hei keim khawthlang hi tlang lak lawh ang reng. Tlangsang vak lo kan ni a, kan tui neihna pawh a tlangpuiin a hniam flat thung a. Chuvang chuan, Hachhek tlangdung pumpui khu tuiah kan harsa em em a. Kan Agriculture te, Horticulture lama kan Scientist-te pawhin kan eizavnaa ber kan su chhiat chakna pawh khu kan tui harsana vang a ni a. Nipui laia tui an dawn that tawh loh vang nite pawhin min hriat sak thin a. Tuna kan Minister zahawm tak ho hian Congress sorkar laia ruahmanna mai bakah hma an rawn la chak hle mai a, lawmthu ka sawi duh a. Chumi rual chuan tuna Kawrthah, Zamuang, Rengdil, Tuidam, Kawrthawveng an tui ruahmanna ahihente chu an peih tep tawh a. A te tham deuh a, lui tui an lak tur khu, ka ngaihtuah dan a dik em tih chu ka hre vak lova. Mahse, thaa rin ka nei a. Mamit khawthlang District Headquarter-a Tut tui an pump chhuah tur khu khawthlang khu rawn pan thla mai sela, a tha mai lawm ni ka ti a. A chhan chu Mamit tlangdung aini khawthlang tlangdung ahniam zawk a. Tut tui khu khawthlang tlangdung Hachhek tlangdung khuan dawng ve ila chu Agriculture leh Horticulture ah pawh khuan lama nasa takin kan sawnin ka ring a. Chuvang chuan, kan sorkar hian aposibility atih theih dan a awm em? A chhan chu Thingsul te, Tlungvel te an lakna te khi hla tak a ni a. A kawr kan tur kha Mamit atanga Hachhek tlangdung kan tur aini a thuk bawh a ni. Chuvang chuan, kan mithiam ten hei hi survey fel takin nei sela, a tih theih a rimma ka nei a. Chu chu beiseina sang tak nei chungin ka rawt duh a ni.

Hun a them si a, duhtawh mai ila, PWD in Tuipuibari kan bial Area zel kawng an hnang kan tuikawng an nawr chhiata tui kan nghei rei zia chu sawi tawh lo mai ila. Kha kha problem pakhat a ni tih ka sawi tawh a.

Demand 16-naah hian lut leh nghal ila, Home Department-ah hian kan Police te hi tunhmain kan sawi thin a, kei a sawi uar pawl ka ni a. India ramah na na na hi chuan kan Police te hi a tha ber pawl niin kei ka hria a. Ka hmuh dan dik tak pawh anni a, ka sawi thin a hmannah pawh, tunhma pawhin. Tin, keimah pawh hian ka chhuang tak zet zet a. State danga Pilot-te Guard-te hruaia kan kaldawn tum pawh hian an hotute hrih lawkin kan Police te hi hmel pawh tha deuh lian tlang deuh, min pe rawh u, ka ti thin a. Arunachal vela Minister kalkhawm ten kan hruai chuan State dang Police hian an awt ngawih ngawihin ka hre thin a. Kan thumna leh anmahni zeizia hrim hrim pawh. Mahse, tun hnai deuhah hian an tlahniam ta emaw chu aw, tih theih deuhin an awm a. Hei tun

hunan chuan khawthlang khu kan Police te operation area ani deuh mai a. Kum hnih kum thum vel, a zual deuh tak phei chu kum hnih vel a ni a. Heta operation-a an performance-ah hian mipui ngaihdan an phalo nasa em em mai a. Hmanni lawka Teirei Engineer-te an ruk/an hruaibo khan, khanga operation an ti te phei kha chu kan mipuite ngaihdanin kan police te kha an huiam em em mai a ni. Phone hi a kal vek tawh a Teirei dungah Vaipa hruat a kal, tih report alokal a. An channa tur pawh kan zu rawt a ni. Kan rawtnaah chiah an hruaichhuak a, a piah kawnah khulai kan Police awmho khuan mei an chhema Silpouline an zara an ai khawm ringawt mai a ni. Khatiang ang deuh khan kan Police te hi reform an ngai hlein ka hria a. Hei hi engtia lokal ta mai nge ni aw, an hotute hi a ngai reng an la ni a. Kan sipaite hi Mizo tlangval vek an la ni a. Tih ka ngaihtuah thin a. Police Modernised hian a tihniam ta em ni aw, tih ngaihtuahna min neih tir a. A chhan chu kan Police modernization-a sum leh pai tam tak lokal kan hman chhoh dan leh, khatih laia central lamah leh helamah pawh sorkar indawrna akal sual nasa em emin ka hria a. Kan mamawh lohah sum tam tak kan seng a, chu sum tam tak kan senna chuan mihring thintlungah corruption a tuh a niang a, tih ngaihtuahna ka nei thin a. Helai hi chhut tham tak awmin ka hria a. Tin, kan Police-te a number an tam telh telh a, an indaih lo telh telh a, mipui hian an hrechiangin ka hria a. Kan tlawngai pawlte pawhin hrechiangin ka hria a. Police ni si, Police hnathawk lo hi kan ngah ta viau a ni. Chuvang chuan, heng hi siamthat ngaiin ka hria a.

Pu Speaker, hun a tawi si a, kan traffice chungchangte pawh hi sawi angai hlein ka hria a. Hei Vaivakawn lam atangin kan lo chhuak thin a, kan tan lohna tur awmah kan tang nasa lutuk a. Sumdawng pakhatin an thil load-na motor kan sawn theilo ringawt mai pawh hi chhun pachang laiah pawh kan sawn thei lo angte hi engngeni achian ni ang aw, tih ngaihtuahna tam tak a awm thei a. Mahse, kan Traffic Wing kan ti dawn nge ni, hian an nih tur ang la ni lova inhriatna te hi an nei a ni ang a. Chuvang chuan, kan Police MPRO kan tih te, Fire kan tih te a chi hrang hrang security zawng zawngin S.P. an neih vek lai hian, neive mai sela, hlawn lian deuhin inenkawl sela, tun ai hian hma kan sawn ang a, tih ka ring a.

Chutihruai chuan Aizawl a motor lolut leh Aizawl atanga chhuak zawng zawng hi Inter State kan harsat deuh anih pawhin Register fel zawk kan neih athain ka hria a. Hei hi kan Police kutah aawm thei lawm ni, tih te ka rawt duh a.

Chuan Demand 44-na ah hian kal leh ila, Trading Regulation chungchang hi trading regulation hi kan neih ngei ngei a ngai. Hei hi kan neih har chuan harsatna kan nei tam tial tial ang a, nichina member zahawm takin an sawi Mizoram kan thlai thar chhuak lama chhiah kan la ringawt ang chi te, khatiang ang chi zawng zawng leh State dangte nen kan indawrna tur ang siam fel har hi State tan a pawh hle a ni, tih ka hmuh dan a ni a, chu chu ka rawt duh a.

Pu Speaker, pakhat chauh Rural Development chungchangah hian Zokhaw lam chu kan inngahna ber a ni a. A kal sual nasa em em tawh a ni, chu chu tawitea siamthat theih a ni a. Tanpuina petu, miharsate tanpuitu a ni a, he department hi. Chumi a harsa a te leh amamawhte hreber tu chu Village Level amite kan ni. State level-ah Committee anei a, District level-ah Committee a nei bawka. Block level-ah Committee a nei a, tunhmaa Village levela kan neih bo ta daih hi siamthat leh a ngai a ni. Village Development Committee

hi nei leh ila, chuta tang chuan thil a kaldik ang a, a dik lo pawh chuta tang chuan a lang fiah ang. Chuvang chuan Rural Development Department-ah hian Village Development Committee neih leh ka rawt a, tun ai hian bialtu MLA te hi min involve tir tam zawk sela, tun ai hian mipuiin thil dik an hmu ang a, a phu leh a awm reng tur he department hi anchhawr lehznal ang tih ka beisei. Ka lawm e.

SPEAKER

: Awle, chawhma hun atawp a, kan chawl rih ang a, chawhnu dar 2:00 P.M. ah kan thukhawm leh dawn nia.

Sitting adjourned at 1:00 P.M.

2:00 P.M. (afternoon)

DEPUTY SPEAKER

: Awle, kan business kan chhonzawm leh ang a, tunge bul tan dawn le. Pu H. Vanlalthaliana i sawm ang.

PU H. VANLALTHALIANA

: Pu Deputy Speaker, ka lawm e. Hei vawihinah hian kan Minister zahawm takte Demand kan sawiho leh ta a. Mizoram atana pawimawh tak tak department-te an ni a.

Demand No. 16 - Home atangin han sawi tan ka duh deuh a. Hei nikum chhung khan sorkarin Home Department-ah hlawhtlinna ropui tak tak a nei teuhin ka hria a. Kan ram kan inchhuanna kan lawm em em na, kan ram a ralmuang a, a thlamuang a ni, tih a ni a. Chumi kawngah chuan 1997 atanga harsatna kan neih BNLF ten Mizoram mipuiten min vau a ni tia Mizoram an chhuahsan a. Tripura a an tlantla kha nikum July ni 25th khan Remna Mizoram sorkar nen ziakin BNLF te an lokir leh ta a. Sorkar hma lakna mipuite ralmuang leh inrem taka kan awm hian development a kai chak a, development tuang tak leh mumal takin a kal thei a ni, tih hriain hma ala a. Mizoram chhunga harsatna hrang hrangte a hma alakna hi a ropui ka ti a, lawmawm ka ti takzet a. Nikum chhunga Home Department-a achievement awm hi a ropui hlawm hlein ka hria a. A vaia sawisen pheih chu a ni lovang a, kawng hrang hranga Home Department hma lakna hi a ropui a ni. Kan Governor zahawm tak thusawiah pawh kan hmu a, Crime Rate Mizoramah nasa takin a tlahniam a, a ram ang pawhin a chhuanawm a, a ropuiin ka hria a. Home Department-in kumkhat chhunga an hmalakna hi a ropui ka ti a, tarlan loh theih loh ah ka dah a.

Tin, case (thil tisual) an chhui 84% zet mai a tisualtu dik tak manchhuah ani te hi kan Home Department kan Police te chhuanawm zia leh hma an lak thatzia a lanna niin ka hria a. Mizoram hi India rama Police nei tha ber kan nih ka rin ga. An chhuanawm em emin ka hria a, nikum chhunga an achievement chhut ringawt pawh hian kan Home Department hmalakna tnatzia hi sawi nawn ngai lovin alangin ka hria a, aropui takzet a ni. Chubakah Home Department hi posting in-transfer nasat ber an niin ka ring a. Transfer satliah bakah duty a kalchhuak reng anni a. Chutiang kawngah chuan tlakchham tam tak an nei a, Motor chi hrang hrangte an mamawh tam em em a. Chutiang kawngah chuan sorkarin hma nasa takin a la a, nikum chhung ringawt khan quarter 56 sak zawh a ni a. Home Department hi an hmalakna hi aropui hlein ka hria ani. Kumkhat chhung ringawta an hmalakna hi a chhuanawm hlein ka hria a ni. Office building te, garage te angte 56 chuang an sa thei a.

Tin, sorkar kumthar atana inbuatsailmaah I.R. Battalion thar lak tur a lo ni leh ta te hi Minister leh Department hi anchhuanawm hlein ka hria a. Mizoram mipui tan athlamuan thlak ka ti a, tarlan loh theih lohah ka dah a. Hei Mizoramah hian I.R. Battalion 2 kan nei tawh a. MAP Battalion 3 kan nei tawh bawk a. Battalion hmun awmze nei thlapin sorkarin a dah a, 1st Battalion leh 3rd Battalion MAP Aizawlah an dah a. 2nd I.R. Battalion Khawzawl, Champhai District ah. Tin, I.R. 1st Battalion Mualum, Kawnpui District-ah District anga a awm lohna hi Lawngtlai leh Saiha leh Mamit niin ka hria a. Mamit hi tunliah

BNLF te avangin harsatna kan nei chungin kan Police te felna azarah engemaw chen Central a ni a, mipuite an thlabar lutuk lova, alawmawm hlein ka hria a. Tun I.R. Battalion an lak leh tur ah hian kan Minister zahawm hian min hriat sak sela ka duh a. Tun hmaa Mizoram District pathum kan nih laia then hmaa anih ang khan Chhimtuipui District kan tih Saiha leh Lawnglaiah hian I.R. Battalion Police Battalion ti ila, a dik awm e. Kan nei hauh lo mai a. Sorkar rilruah pawh a awmin ka hria a, helai tak mai hi min chhutchian sak a, a hmun turte pawh kan neihsana hmun a awm a. Mahse, security lampang ang anih avangia mipuite pawhin kan ram tana tha ber tur pawh kan thlir thiam a ngai thova. Chutih lai chuan tunhmaa Chhimtuipui District kan tih thin Saiha leh Lawngtlai District lo ni taah hian kan la nei miah lova. Minister zahawm takin min hriatsak sela ka duh chu Lawngtlai District hi Lawngtlai khawpui leh a chhehvel hi a laii ang reng riauin ka hria a. Lawngtlai thlang lamah Chakma District Council area hmun a awm a. Chawngte Civil Sub-Division hmun a ni a. Chuan Lawngtlai atanga Tuipang, a chhim lam hi Km. 80 vel ani a. Kan sorkar chak takin hma alakna a zarah Chhimtuipui Kawlechaw kai atanga Tuipang panna Serkawr a laihtlang phei chuan hmaite Km. 50 lek ani a. Lawngtlai atangin Chawngte km. 86 ani a, a hla ber hi Parva a ni a, Km 204 ani a, BRTF record-ah a ni a. Chutianga a location thlirin Lawngtlai hmun hi alaili viau ani. Ka bial anih avanga ka sawimawi nilovin, security thlirna atang pawhin a awmin ka hria a. Sorkarin 3rd Bn. I.R. a la leh thei anih chuan a headquarters-ah kei pawhin rilruah a neih tho a ka hriat lai a ni a, helai hi min thlirpui sela, tih kan Minister zahawm tak hi ka ngen duh a ni.

Tin, a thu hmasa lama ka sawi tak ang khan Mamit bial hi tuna BNLF avanga harsatna kan neihsana ani a. Hemi lohah chuan Lawngtlai bial hi hemi kawnga kan neihsana a ni tho a ni. Lawngtlai atanga K.m. 120 vel khawthlang lampang Kawnpui thlang tlangdung Kawnpui chhim lampang hi BRU area vek a ni a. BNLF te nena inremnaah pawh khan khilaimi, ramlaimite saw zangnadawmna rawn dil zingah pawh an tel ve a ni. Chutianga chuan security thilah pawh hian kan tul ve em em a ni. Chubakah Lawngtlai atanga khawthlang lam a cover-tu awmchhun Bungtlang Police Station Out-post hi temporary ala ni a ni. Lawngtlai bial, MLA bial hluiah khan Lawngtlai tih lohah khawlian ber a ni a, sorkarah wawi tam tak kan thlen tawh a, a la remchang lo a nih ka ring a, sum leh pai te a harsa thin a. Tuna kan budget han en hian kan sum leh pai pawh alo ziaawm ta a, a thlamuanthlak tain ka hria. Minister zahawm tak khan min hriatsak sela. Bungtlang Police out-post hi Police Station puitlingah min dah sak sela, ka ngen duh a ni. Security thilah Burma leh Bangladesh inrina area kan ni a. Bangladesh leh Burma hel tam tak an awm a ni khulai areaah khuan chuvang chuan security atang pawhin apawimawhin ka hria helai tak hi khawngaih takin mi hriat sak se ka duh a, kan ngen tel duh a ni.

Kum kaltaa an hmalakna tha tak tak te avangin beiseina sang tak kan nei a ni tih kha kan tarlang duh a ni. Kan tarlan leh duh chu khawvel lo thang zelah hian sualna chi hrang hrang a thang a luna asawn kan fing ta em em a. Chutih kawng atana sorkarin hmanrua kan neih that chu forensic science laboratory hi niin ka hria a. Sorkarin theihtawpin tan a la a, a hmun leh ram tur te thlongin angaihtuah saka building te pawh kumtharah chuan sak theili tur awmin ka hria a, alawmawm ka ti a. Chutih rualin a thawktu te pawh thuan thara hmanruate pawh tun aia changlung zawka sorkarin a ngaihtuah pui hi a tuln ka hria. Tunlai khawvel hemi kan MLTP Act, vawuinna kan hman ang dinhman atang

pawha thlirin test fo duh chin kan lo nei ta a, chutiang atan te kawng hran hrang atan atulin ka hria a, chuvang chuan helai hi kan ngai pawimawha khawngaih takin hei hi tih changtiun dan Minister zahawm takin han zawng se a thain ka hria a.

Tin, a dawt lehah kan sawi duh leh a chu Rural Development Department demand No. 38 na Nikum sorkar kum liamtaah khan block pali hawn a ni a, a ropui ka ti takzet a, a bik takin Lawngtlai block kan zau em em a, chutah chuan block thar pakhat pek kan ni a, Bungtlang hmunah nichina Police Station kan mamawh ka tihna khuaah khan mihring singthum deuh thaw kan awm a, rethei tak tak lo neia eizawng vek kan nih avangin Rural Development Department hi kan mamawh em em a, a pawimawh a, tunah sawn sorkarin staff te min dahsakin engkim min kalpui in ram an pe tawh a, quarter te, Office te, direct department hotute pawh an tang a Rest House thlenga sak theihna tur block thuthmun anih avangin tjo tan an la a, chutianga hna athawh theih nghal zar zama turin Minister zahawm takin kumtharah chuan min tihsak se, kan sawi duh a. Bial mipui pawh kan lawm a. Kan ramah hian thil Mizoram sorkarin a ti duh anih tih kha alangin ka hria a, kan lawm takzet a ni. Hemi ruala kan sawi duh a chu North Vanlaiphai MLA zahawm tak khan asawi tawh a them chu BDP fund leh engemaw fund bikah hian Aizawl Treasury atanga draw anih hian tlemin ati khawtlain ka hria a, district headquarters atanga draw theih dan kawng kha awm ta sela chuan fund kal kha a chak deuh ang a, administrative cause engemaw anih chuan a department kha a in-control theih vek ka ring a. Khati anih loh chuan Aizawl Treasury chu a tawt reng mai a, chumi chingfelna atan chuan a that ka ring a

Chu lo lehah chuan Pu Dy. Speaker, tawngkam khat leh chiah. Trade and Commerce Department hi tawitein han sawi leh ka duh a, hei hotute duhsaknain Subject Committee ah hian member ka ni ve a, Zokhawthara sorkar hmalakna saw ropui ka ti a. Committee a kan Chairman zahawm tak kalchhuak ta Pu Hiato hovin vawi tam kan kal tawh a, Tlabung ah te Trade and Commerce Department hi kan ram kalchho zel atanah VAT te kan la tawh a chutiang deuh chuan trading regulation leh he department hi thuan chak deuh a tul lawm ni tih kha ka rilruah a awm deuh a. Chulai chu sorkarin a bawhzaina atana leh umzui chak deuh a tulin a thain ka hria a, kan tarlang hram duh a ni e. ka lawm e.

PU S.HIATO

Pu Deputy Speaker, ka lawm e. Thingtlang mi khawih ber leh hmasawn nana kan in-nghah ber hi R.D. ani lo thei lova. Kan Minister zahawm tak wawinniah a awm lova, a ni hian Chanchinbuah te training-naah te thu a sawi thin a, Party duhsak lovin amamawh hnenah kal rawh se, tih hi a sawi tam viau ani, min ti thlamuang a. Amaherawhchu, apractical-ah hian pawisa an semchhuah IAY emaw PMGY emaw engpawh nisela, Party hlir hian akal ta mai si a, R.D. Minister hi kan Chief Minister zahawm tak President MNF ni bawh hian chhang se kan duh a ni. A nau te hrilh se, list siamsa rawn kalsa, recommend-sa vek pawh Party-in tihdanglam vek a nih hi mipui bnena a thlen theih loh chhan a ni, hei hi kan sawi thin a, opposition tan chuan sawi pawh a hreawm viauva, amaherawhchu, miopui harsa zawkte thileng pha se kan tih duh vang a ni.

Tin, India ram pumpuiah State 150 velah District rethei zual tan Saiha District thlan a ni a, National food for work programme hnuaiah hei hi loan tha tak a ni a, rethei zawkte inhlawhtakna chaw an hmuhna tur atana siam a ni. Mahse, National food for work programme ah hian loan an siama Chiang em em mai chu mipui ten hna an thawhna kawng an lai emaw thil dang an ti emaw an hlawh hi buhfai pek tur a ni, tih a ni. Chubakah, Machinery hman tur ani lo tih Chiang takin a ziak ani. Mahse, kan biala an hman dan chu tunah hian kan Minister zahawm tak Khan Lungpher - Phalhrang a va hawng tawh a. Tin, March ni 3 Khan kan D.C. in Siachangkawn - Tuisumpui kawng a hawng a, he kawng laihnaah hian Bulldozer vek hman ani. J.C.B. nen. Pu K.Sangflunga leh Pu C.Zamanga J.C.B. leh bull-dozer a laih a ni a, kawnglahi chu a tha kan ti mahse, mipui tan inhlawhna a awm ta lova, akalmang adik lo ta hrim hrim ta a ni. Pu Dy. Speaker.

Tin, a tir atanga dik fuh lo a awm leh a supervision tan motor lei a ni a, hemi pawisa atang hian chu chu Esteem Car lei a ni. Thingtlangah Esteem Car-in supervision a tih kha a theih loh avangin hetah session ah ka zawt a. R.D. atangin a car pawh an la phei daih a mahse, Central atangin nuai 7 kha rawn rul rawh u an ti ta a. R.D. in an rul silova national food for work programme hian a la tuar nih a ni hei hi tih that vat nise kan duh khawp mai.

Tin, kan sawi tawh thin a, District Development board-te Block Development te tha tak kan siam a insiama. Mahse, Pu Zira kha chu koh a ti a, Session laia an man avang Khan a ni a, kemi chu min ko ngai reng reng lova, scheme te hi khami Khan a stream line ve tur a ni a, monitoring pawh a tih tur a ni a, supervision pawh a tih tur a ni a, khatiang tih miah loh hian kum 3 kan kal tawh a, member ka ni a vawikhatmah min la ko lo, hetiang an kal chuan M.L.A. te kan involve loh chuan a diklo hrim hrim a ni. Tin, block hi B.D.O. te hmun khatah an awm rei lutuk a, personal a beih chu a tha lo tih ka hria a, mahse party dangin dawr theih loh khawpa inkhung hrang flat Tuipang B.D.O. kan nei te hi kan vanduai em em a ni. Hna reng reng hi party wise-in a kal tawh vek a, kan thawh loh tam tak a awm a chu chu ka sawi chhuak lo anga Subject Committee ah kan la khel dawn a. Chutianga a kal mek hi hreawm kan ti a, engpawhnise, R.D. ho hi siamthat dan min ngaihtuah pui rawh u, tih kan sawi duh a ni.

Tin, P.H.E. lamah kan lut ang a, kan Minister zahawm tak Khan tui in la hnianghnar deuha tun tunah chuan kan telh lo a ti a, mahse, Saihaah tui kan harsat zia a rawn tlawh khat a a hre lo nim ka hria a, a gravity a kal theihna laiah hian a tha mai a, mahse High School building bul atanga helipad a pump chhohna tur hi kan harsa, current a awm tha lova diesel pek that a ni lo hawk a. chuvangin khalai atanga VIP chawm zawng zawng saw a harsa a ni.

Tin, kan sawi tawh thin a P.W.D. in kawng min laih sak a, kan bialah pawh min laih saka Minister Khan min chhang tawhnaa mahse, harsatna kha tun thalah hian tihngaihna a awm lo. Niawhtlang, Lungbun leh Chhualung te, Siata, Chakhang te an kawnglahi na apianga a part an ti chhe vek si a, repair theih ani si lova, tunah hian tui an nei lova, an thu mek a ni a, an tlangvalte an tlaiwar a, a thea phei chu result tha lo tak tak achhuak leh ang tih a

hlauhawm a ni, tlangval leh nula in tui an ngah reng hi a tha lo a ni. Tin, a tunlai tawh lo a ni, a solution min zawn sak se kan ti a. Tin, P.H.E. department dang pawh nimahse, P.H.E. bik tanah Muster Roll a thawk kum 20 aia tam thawk tawh em em hi chu ngaihtuah pui theih dan a awm lawm ni? M.R. hnathawk hi tam tak an awin a, kum 20, 15, 20 chuang M.R. a awm reng ringawt chu regular post te pawh an siam chho mek a tah te hian min dah chhoh sak theih dan a awm em? nih leh min ensak turin ka duh a. Tin, Pu Thaliana'n a sawi tawh bawk a

Hei tunhma chuanin tu huat lohah Aizawl District, Lunglei, Saiha District headquarters a ni mai a, mahse, hei Police battalion-te hmannah ka sawi ve hman lova, ka rilruah chuan Lawngdai leh Saiha te tih khawpin leihlawn dawhna Kawlchaw zawl nuam tak saw kan nei a, tah sawn min dahsak mai se a tha lawm ni. Tin, tun tum District Council election-ah pawh khan Lunglei atanga Police an ngah em em kha inaw, chuti zawngin min ngaihtuah sak sela ka duh a.

Tin, DP & AR ah tunhma zawng kha chuan Chhimtuipui bik atan reservation kan nei thin a, important circular pawh Govt. of India in a tichhuak a, mahse, tunah hian a awm ta reng reng lova, a awm tak loh avangin dik chiah chuan Lunglei lam compete tur chuan kan naute lekhathiam tan a harsa ta a. Hetiang kawng hi zau deuh hlekin hnam hnufual deuh te chawikan ngai te chawikan nan hi chuan reservation te hi min siam sak thei lawm ni tih ka sawi duh a.

Tin, Officer posting transfer hi nichina ka sawi ang khan a thenah chuan rei tak tak ti mai ila, sorkarna kal mek thlawp thate kan ti dawn nge ni. hei hi chu rei tak tak an awm a, sawn pawh asawn hleih theih lova, athen erawh chu kum khat ah vawi thum vawi li te an sawn a, hei hian Officer tam tak hi an ti hnual a ni. An sual chuan hrem mai tur mahse, posting transfer a inhrem hi inhrem zawngchhang tlak lo tak a ni tih hi kan hriat a tha. Pu Dy. Speaker, Department dang sawi tur a tam naa mahse, aw, ka tawp mai ang e, ka lawm e.

DEPUTY SPEAKER : Pu Liansuama kha in ko teh ang. Koh chhawk che u ila a thain ka hria.

PU LIANSUAMA : Pu Dy. Speaker, minute 10 chhunga ngaih pawimawh sawi sen chu a har hle naa point item kan sawi ang e. A hmasaberah chuan Home Department Demand-ah hian I.R. battalion kan neih thar tur hi a lawmawm rual hian khawpui chhung a bikin Aizawl leh Lunglei traffic tawt ta lutuk chingfel tur hian tihngaihna a vang hle a, amaherawhchu, kan ihawktu ber traffic police te indaih lo lutuk hi I.R. battalion te ai hi chuan a pawimawh thlawtin ka hria a. Chuvang chuan kan sorkar leh a bikin kan Minister te hian hna lak a harsa deuh nain traffic police tur hi chu a belh theih bram lawm ni, department dang tan pawh hian thik chi a ni tawh lem em ni.

Chubakah, chuan S.P. hnuai ah an awm a, independent functioning an neih theihna atan hian S.P. hman a nih em loh pawhin thuneihna hranpa neia additional S.P. te Aizawl traffic police te hi chu an enkawl a hun ve tawh lawm ni? Tih he demand sawi pah hianin kan tarlang duh a ni.

Tin, session apianga ka sawi fo kan Armed Police hianin T.A. leh D.A. hi an la har lutuk a hei, kan MLA na pawh arei ve tawh a, a tir lam ami te kha an la lo cheu a ni a, hei hi hotuten an ngaihsak rang thei lawm ni? Harsa te te te a ni ve si a tih hi kan tarlang duh a ni. Home Department hnathawh tha lam tak tak kan tarlang vek seng lo ang a khami point hnih kha kan sawi uar duh deuh te a ni mai e.

P.H.E. hi hun remchang dangah pawh ka sawi duh a, kan department demand hrang hrang zinga kan ram tana mipui tan pawimawh ber thlang dawn ta ila no. 1 ah ka dah hial awm e. Tui tello hian tumah kan khawsa thei lo a ni a, hei Zokhua lama PHE hmalakna a chak tha khawp mai a, khawthlang lamah te kluan hma an la tha khawp mai, hemi ti hlawhling leh zual tur chuan Village Water Committee din chho mek a hi tun ai hian hnathawk thei zawka siam a Water Supply Scheme department-in hmaa lak reng reng pawh hian grassroot involvement hi neih nasa zawh poh leh a hlawhlinna asang dawn niin ahriat a, churang chuan department hianin tui supply an huatsaih reng rengin abul atanga tawp thlengin he committee hi an associate phawt chuan Zokhua a kan mipui ten neitu chan changing an tin san vek hnuah pawh hma an la zui thei ang a. Churang chuan Village Water Committee hi tun ai a nasa zawka thuneihna te pawh pek belh a department hianin tun aia nasa zawka an hna apianga an involve thain ka hria.

Tin, Water Supply Scheme hian deuh atan LIC loan te PHE ah hian lak ve thin a ni a, hetia loan kan la rau rau anih chuan individual water tank emaw atan hian loan hi pekchhuah ve ni ta sela, a bikin khawpui hmun Aizawlah te hian tui hi kan indaih lo nasa em em a, tuikhuah emaw tuizem emaw han siam tur hian sum leh pai te kan nei tawh lova, loan hi pekchhuah ve ni ta se. House building advance sorkar hnathawkin an la ang deuh hian tui a kan harsatna hi nasa takin a phuhruk ka ring a, churang chuan loan la rau rau a rullh lehna a tha awm si a. PHE Water supply ah entiran, Saiha Water Supply Scheme atan te LIC loan sorkarin a la a, sawta tang ringawt hi chuan an tui fee atangin loan rullh leh huphurhawm tak a ni ang. Amaherawhchu, individual water tanks & scheme ah te lo pe ila chuan loan repayment hi a huphurh awm miah lovang a sorkar hnathawk emaw hnathawk lo pawhin anmahni ram chhungah zel heng tuikhuah te hi an siam a rain water harvesting hma an lak chuan thil tangkai tak a nih ka ring a, hei hi kan Minister-in lo chhinchhiahin loan component atang hian rullh leh awlsam si water supply scheme atana tha tak ni bawh si tur a ni a, hei hi kan tarlang duh a ni.

Hei Aizawl Greater Water Supply Scheme hi a hawn hun tur hi sawn hlat chho hret hret zel a ni a, tunlai hi chuan an thawh tha ang reng khawpa hei hi kan khawl hlui tawh tak 1988 vela din tawh hi break-down emaw collapse ta sela Aizawla tui supply kan mangan tur zia hi hriatsa reng a ni a. Churang chuan hei hi chak zawka hma an lak loh chuan khawpui hi kan mualpho ang a, sorkar hi a mualpho thei ngei dawn niin a lang a. Hei hi Department lam leh kan Minister te pawhin tan han la leh zual sela. Thla leh khi nikum lam zawhna chhanna atanga kan hriat dan chuan a hawn hun tur kha a ni a, kan la

phalo nasa hle dawn ani a. Subject Committee leh Estimates Committee te pawhin kan thir zauh zauh a. Tin, zawhna chhanna Assembly House-a kan hriat ang ai hian a ilai dawn a ni tih hi hria ila. Mahse, chuti chung chuan a hmanhmawh theih ang tawpa kan intur thain ka hria a.

Tin, R.D. Department Demand ah hian tawite han tarlan ve duh kan neih chu Saiha bialtu zahawm tak hianin D.C. a sawm a nih loh chungchangthu hi he House ah hian a sawifo mai a, a dik a nih ka ring a. Hei keini bial lamah te chuan B.D.C. ah hian min sawm ziah a. Reiek Block chuan tun ni 30 ah hian BDC an ko a, BDO in sawmna minrawn pe chat a. Tin, Phaileng Block-ah pawh tahrik ni 6 ah an ko a sawmna minrawn pe chat bawh a ni. Hotute hianin hemi House chhunga member ten an sawi hi ngaih mawh sak tha hlein ka hria a. Hun rei tak a ta tawh hei hi asawi fo mai a. Hmundang zawng zawng a MLA te BDC koh min hriattir si a, Saiha bialtu a vui fo hi a dik anih ka ring tlat a. Kan Minister hianin a hna chanpual ni chiah lo mahse a mawh a lak avangin chhinchhiah chi tak anih ka ring, an ko ngei ngei tur a ni. MLA theuh theuh in ang tlang a kan awm hi a dik a ni.

Tin, BADP te SGRY, IAY leh PMGY chi hrang hrang IWDP te pawh telin Rural Development Department-in a hna athawh hi a langsar khawp a. Amaherawhchu, supervision leh monitoring hi duh aim achak tawh lo hle a. Tilaja hi tukin zinga zawhna Unstarred Question chhanna lo awmah khan chung vel atan chuanin 4% lai emaw supervision leh monitoring atan dah that ani tih te a ni bawh si a. An hna thawh tha hi tam tak awm mahselangin sanction awm siin mahse, a tak tak a hna lang awm silo hi Pu Dy. Speaker, Zokhaw lamah hianin tam tak a ni. I.A.Y. ah tepawh hian hmeithai tam tak pe lova a patung leh In tha tak tak nei tawh V/C te leh an laichin leh an hnaivai ten a an dawn double hi a tam hle mai a. He hun tharah hi chuan R.D. Department hian monitoring leh supervision hi uluk deuh se a tha ngawtin ka ring.

Tin, Village Council leh R.D. Department inlaichin dan hi ngaihtuah uluk tham awmin a lang a. R.D. hna tam ber hi V/C ten an thawh a. Nichina kan tarlan BADP, SGRY, PMGY, IAY leh hna dang reng reng hi V/C kalflanga thawh an ni tlangpui a. Thawh tha lo se R.D. hian V/C chungah kut thlak theihna emaw a nei leh lawi si lova. Chuvang chuan, Urban Development Department hi alo piang a nih ngai chuan Village Council controlling authority hi R.D. ni tawh mai seng a tha dawn lawm ni?. Central a Ministry nomenclature te nen pawh ainlaichin fel thlap ang a. Tunah B.D.O. a ni emaw, R.D. Director a ni emaw functionaries reng reng ten V/C chunga an hna thawh that lohah emaw, an hnathawh thatah emaw thu an va neih leh theih siloh a work agency ahmang ren gsi lai hi a fuh hlel deuhin a lang a. Chuvang chuan hei Mautam tam te kan hmachhawn dawn a, inhlawhfakna tam ber R.D. kalflangin a lo luang chhuak emaw a ni ang a. Helajiah hian tunhma D.C. in a R.D. a thu a neih thin ang kha an nei tawh bawh si lova. Hemi control dan kalphung hi ennawn a ngai hle mai a. Hei hi kan ram pum pui tan a a pawimawhin a tangkain ka ring a ni. Chuvang chuan khawpui chung enkawina a pawimawh hle a. Urban Development Department in, chu chu a lo rochung dawn anih chuan Rural Development enkawltu, grassroot a enkawltu Village Council enkawltu tak hi ennawn a ngai hlein a lang a ni. Chung chu hun tlemte chhunga kan sawi duh pawimawh te a ni e. Pu Dy. Speaker, ka lawm e.

PU ZODINTLUANGA

Pu Dy. Speaker, ka lawm e. Demand 16-naah hian han lut nghal pawp mai ila hun a tlem si a. A hmasa berin Fire Department hi han sawi ka duh a, hei kan ramah tun kum phei chu ram a kang nasa a, chhiat kan tawh nasa a. Tun kum January atang ringawt pawh khan In kang te khaw hrang hrangah kan hmu a. Aizawl khawpui chhungah ngei pawh Aizawl Taxi stand a kan Bazar te, New Market-ah te, Armed Vengah te sawi tur tam tak a awm a. Tin, chhim lamah Saiha ah te, Lungleiah te, Leiteah te khatiang khan a awm a. Hmar lamah pawh Kawnpuih te In kang hi a nasa em em mai a. Chutih lai chuan athelhtu tur Department a hi enkawl that thuan that an ngai hlein ka hria a. Aizawl khawpui chhungah In a kan chuan kang theih Motor a rawn kal a a rawn tlan a. reilote hnuah tui a awm lo zo a, tui la tura an kal chhungin chhiat kan tawh nasa em em thin a. Kan thuan tha tawh lo tih hi a chiang a.

Hei Aizawl khawpui chhungah hian fire tender kan tih ang chi pariat emaw chauh kan nei a. District Capital-ah chuan pahmih te, tin, Sub-fire Station kan tih mai Lawngtlaiah leh Saihaah te chuan pakhat te chu kan dah ve awm e. Hengte hi vawinni angah chuan a tawh tawh loin ka hria a. Police modernization kan ti a, mawza to tak tak te kan lei a, ek In kal thei tam tak kan lei a. Thil tangkailo kan lei nasa. Amaherawhchu, tiang thil tangkai mipuin chhiat kan tawh pawh a min chhantu tur ang department kan hlamchhiah leh tlai mai te hi a pawh ka ti a. Hei Fire Department-in kangmei a lo chhuah palha an harsatna em em mai pakhat chu Pu Dy. Speaker, tui hi a ni. An motor lianin an phuh tak tak hian minute sawm te, minute sawmpanga ah te hian a phuh zo a ni mai a. Tui a zo a an han lak lehna tur hnaivai ber chu Hunthar Veng te a lo ni a, chutiang ang an zuk kal leh an haw chhung hian pawh tham tak a lo khawih hman tawh thin a. Tunhma chuan PHE Department atangin hetah Raj Bhavan bulah tui Fire Department-in an lakna tur te dah a ni thin a. Tun hnu hian PHE hian hman an phal tawh tlai lo mai a, chhan tam tak an nei ve a. A chhan an sawi thenkhat ah chuan Fire Department ten an misuse nasa lutuk a ni tih te pawh a awm ve thei. Amaherawhchu, varneih thlak takin vawinniah hian kan Minister zahawm tak hi Home leh PHE Department chhang kawpui a ni a, hengah hian PHE-in a tui an pek theihna thin ang te hi hawn sak leh theih nita sela. Tin, hmunkhatah mai awm lovin hmun hnih hmun thumah te khatiang ang Tank lian atanga tui awlsam te a an lakchhuahna ang te hi siam belh leh theih misela a tha ngawtin a rinawm a.

Tin, State dangah te chuanin hemi Fire tender mai nilo hi Water busheer pump an tih te, Water tender an tih ang te hi an hmang tangkai em em a. Vawinniah hian kan Department hian chutiang ang mamawh tam tak a neih rualin an Staff tepawh an indaih lo nasa a. Budget kan han en a kan budget ah te chuan khatiang an mamawh ang phuhrukna tur ang te kha dah ami leh ta lo kha a pawh ka ti a. Khang kha R.E. ah te emaw kan Minister zahawm tak hian rawn enpui sela, Aizawl khawpui hi kan In sak dan te hian en hian kan chep ropui si a. kang meik a aia nasa zawk te kan tawh leh hma hian tan la turin kan ngen nghal duh a ni.

Tin, nichinah kan Member zahawm takin Traffic chungchang kha a sawi tawh a. Hei hi a ngaih pawimawh awm khawp mai. Anni hi an indaih lohzia hi kan hrechiang a. Aizawlah nitin kan hmu a., Traffic Police

chuan a zia chu aawm deuhin ka ring a. Chu chu kan tithei rih si lova, engpawhnise, tun tumah khan vaibelchhe 8 lai Finance in min rawn pe a, chutichung pawli chuan vaibelchhe 6vel chu kan la ba tho a. Chuvangin, hemi harsatna hi kan House pawhin min hriatpui vawiinniah hian kan duh a ni.

Tin, Pu Chakma kan MLA zahawm tak rawn sawi hemi BPL hi chu helaia kan bituk hran emaw helaia a hrana ro hran lo rel chi a ni lova. Central sorkarin pek tur zat hi a rawn bituk vek a, chhungkaw khat tan Kg. 35 a ni tih kha kan chhanna ni bawk sela.

Tin, Pu H.Vanlalthaliana, kan MLA zahawm tak zawhbelhna 'K.Oil rate' tih kha hei K.Oil rate hi designated center-ah hian kan zavaia hriat pawh thain ika hria a. Hei hi rate lo anga lo tihpalh a awm pawhin hengte hi hretlang ta ila, a that kan ring a. Thingdawng-ah hian Rs. 9.67 a ni a, Ratu ah hian Rs. 10.26 ani a, Darlawn-ah Rs. 10.17 Aizawl ah Rs.9.97, Khawzawlah Rs. 10.27, Saihaah Rs. 10.83, Lungleiah Rs. 10.50, Serchhip ah Rs. 10.18, Kolasibah Rs. 9.64, Zawlnuamah Rs. 9.91, Champhaiah Rs. 10.38, Aibawkah Rs. 10.02, Lawngtlaiiah Rs. 10.70, Lungsenah Rs. 10.65, 'W' Phailengah Rs. 10.12, Thingsulthlikahah Rs. 9.96, Vairengteah Rs. 9.59 a ni a. Heng hi designated point khaw 17 kan siamah heng hi a rate a ni a. Chuvangin, heng atang hian adik leh diklo kha in lo chhinchhiah hman em tih chu ka hre hauh lova. Heta tang hian ngaihtuahna te pawh kan neih theih nan lo chhinchhiah ila a that kan ring a.

Hei, a zawhna 2 na Khawnvartui hi kan khawpkham lova engatinge a lo tlemna chhan tih chhanna chu Central sorkar hian nichina ka sawi ang khan India ram pumpuiah Mizoram mai ni lovin kumkhat hian kilo litre engemaw zat hian a rawn titem thin a. Keini pawh hi a rawn tihitem thin avang hian a semdanah pawh hian kan tidanglam kan tidanglam a, chuvangin hei hi Central sorkarah pawh kan han ngen thin a. Kan ram a thaler si a, hetiang khawnvartui hmanga chaw chhumte, tin, zana khawnvartui hmanga eng ngaihna tam tak kan awm a, ram riak mite kan awm a. Hei hi kan tihitem sak lo thei lawm ni te kan ti a. mahse, India ram pumpuia Oil lama kan intodelh rih loh avang hian hei hi chu kan tilo thei lo a ni tih te, chhanna kan lunu thin a. Chuvangin, hei pawh hi theihtawp kan lo chhuah dawn nia, tih kha kan chhanna ni leh ta sengin.

S P E A K E R

: Khawngaihin, Pu R.M.Chakma zawhna BPL Ration pek dan kha Family khatah chuti zat tih ni lovin, a khuaah khan insemrual mai nge? a zat ang te te a pek an ni thin tih kha niin ka hria.

P U R . M . C H A K M A

: Kumtin hian BPL family awmzat tur hi khawtinah hian tidanglam in a awm thin a. Entirnan, kuminah khaw khatah khan BPL family 10 awm ta sela, nakumah 9

ti chauh an ti leh thin a, kha kha BPL family an awm tawh pawh ni silo a. Engvangin tih tam emaw, tih tlem emaw awm thin? An bituk dan kha enge? Buhfai lei dan zir nge? BPL family awm vanga khati zat awm vangin. Nichinah pawh Pu Lairinliana Sailo zawh pawh kha entiran R.D. Department ah khan BPL family tam tak an awm a, Supply Department ah chuan tlem lutuk leh si a, kha kha enge Buhfai lei dan zir nge? Engzatnge an bituk?

PU K.SANGTHUAMA
MINISTER

: Pu Speaker, hei hi ni e tihdanglam a ni fova, hei hi chu Central fin thu ani mai a. Helaiah a hranpa in chuti zat, khati zat kha tih theih a ni ve lova. Central-in hetiang

hian tidanglam rawh u' a raw n tih chuan tihdanglam zel angai thin a. Chuvangin hei hi chu helaiah keini Department-in a kan duh duha kan lo chawh let ve theih a ni lova. Central-in guidelines a nei vek a, chutianga tih zel chu a ni e, tih kha kan chhanna chu nise. Chuti rual rualin BPL ah hian kan han thahnem khawp a. Chhungkaw 68,250 BPL ah hian abeneficiary in 42,150 family an awm a. Tin, A.A.Y. ah hian 26100 kan awma. Avain 68,250. Mizoram hi chhungkaw nuaikhat leh singnga vel kan ni a. 45% vel hi BPL leh AAY kan ni a. Chuvangin hei pawh hi kan inenchian deuhlek chu a ngai a. Entiran pakhat, ka bialah sawn, Zarkawt saw BPL te, AAY te nei ve lo an ni a. NIL thak an ni a. An entawn tlak ang reng khawp a. Chuvangin, hetiang lamah kan intlansiak pawh hi a ngai chho zel dawn niin ka hria a. Veng changkang tak takah pawh hian BPL te, AAY te kan ngah riau mai hi erawh chu keimahni kan inenchian pawh a ngai viauin ka hria.

PU LAIRINLIANA SAILO

: Pu Speaker, BPL chungchangah khan Central guideline ang a ni mai e, tih kha kan Minister zahawm tak khan a chhang a. VCP ka nih lain, BPL kha a

lo ohhuak tan tih kha a ni a. A dik takin ti ang u kan ti a. Mi 41 kan thlang a ni. Chutih lai chuan aia te zawk khan mi 100 chuang te an thlang a U.D. te pawh an thlang anih chu, chutihlai chuan veng tihdan a inang lo deuh mai niin ka hria a. Chuvangin a guideline anga kha an sawn lova. Khalai kha chu Minister zahawm tak khan a chhang sual niin ka hria a. Chuvangin BPL hi dik takin department 3 hian ti tawh sela, a chhan chu damdawiin te pawh an claim thei tawh ani a. A buaithlak tlak mai a. Hei hi MLA ang pawha kan buaina a ni. Tihpui te leh han kalpui te an ngai a. Chuvang chuan department hrang hrang hian Co-ordination tha tak han siam sela, chutiang chuan ti teh sela a, kha kha chu kan ngen ve deuh tlak teh ang.

PU K.SANGTHUAMA
MINISTER

: Pu Speaker, ni e, kan sawi Central guideline kan tih chu Central-in min pek zah tur a a tih kha Central thu ani a. Amaherawhchu, helaiah chuan, a khua an

Hnathawh hi a ropui ka ti khawp mai. Christmas lai te emaw, puipun ni emaw, sorkarin function a neih emaw, chhiatni thatni inneih emaw, chhiat kan tawh te thlengin Traffic Police hi kan ko phar a ni. Heng an indaih lohna te hi kan sorkar hian han ngaihtuah chiang sela Traffic Police hi tun aia tam deuh te hian neih dan hi a awm lawm ni tih kha ka han sawi tel duh a.

Tin, kan Police Department hi Pu Dy. Speaker, he House chhungah ngei pawh vawi tam tak kan sawi tawh a, vawiinni ngeiah pawh Saitual bialtu zahawm takin a rawn sawi chhuak leh a. Kan Police te hi an thawh tur loh kan thawh tir nasat avang hian an moral te hi a down a ni lawm ni aw tih hi ngaihtuah theihin a awm a. Imanlai chuan kan Police te hi India rama Police tha ber ber State dang ah hel te man thei te kan ni a. Chutiang ang kan nih lai chuan vawiinniah chuan harsatna lian tak tak kan tawh mek a. kan Police personnel te hi hman a mi te tho kha an ni. Kan Officer te pawh a ngai vek, adanglamna chauh chu a hotu lu ber sorkar a inthlak a ni mai a ni. Kan sorkar hian commitment nei hian kan ram enkawhna, he dan leh thupek kenkawhnaah hian commitment tak tak tumrubna nen hian min huai lo emawni chu aw tih tur a ni a. Engvanginngge vawiiinniah hian Central YMA te hianin rufhhlo do kum kan puan tak ngawt te, kan sorkarin a tih tur a tih loh vangin ke an rawn pen a ngai a ni mai a ni. Eng vanginngge kan zirlai pawl te, NGO kan tih ang chiten vai permit an dap a ngaih tak. Kan sorkarin a tih tur ati lo a ni. NGO angin an chhuak a khawlaiah hlawh peawh nei lovin vai khawlai a mite an vai a, hnathawhnaah te, permit nei lo tam lutuk te hian buaipui a ni. Tin, chutiangin kan zirlai pawl te pawn vawiiinniah chuan tukin zingah te pawh chanchinbuah kan hmu a. dan lo anga sumdawng dapchhuah hna te kan NGO te, kan zirlai pawl ten an rawn ti flat. Hei hi kan sorkar a chak tawh loh vang a ni a. Kan sorkarin hlawh neih mi tam tak a ruai, tih tak takna vision nen kal selang chuan a Police force te, kan sorkar hna thawk te hian heng hi kan ti thei vek tih hi a chiang em em a ni. Amaherawhchu, hotu lu ber atang a tih tak tak tumna commitment aawm si loh avang hian heng te hi NGO te, zirlai pawl ten ke an rawn pen lo theiloin kan siam a ni.

A chiang em em mai a chu henglaiah chuan kan member te pawn an sawi ning tawh, avmzia a nei lo an ti aniang. Kum 2003 MLA inthlana kan MLA candidate kidnap chungchang Suangpuilawn case te kha vawiiinni thleng hian chanchin kan hre tawh lo a ni. Kawrthah bialtu zahawm tak hian he House ah ngei pawh a kidnap-na motor number ka lo hrilh che chuan inman thei angem tih thleng a zawh te kha ni. Amaherawhchu, vawiiinniah chuan engmah hriat a ni si lova. Chutiang ang te chu kan sorkarin commitment nei a thil tih tak tak a tum loh vang a ni tih hi a chiang em em a ni. Khalaiah khan kan Ministry te, kan sorkar te hi tun aia tan la lehzuai a kan Mizo mipute kan him theihna turin tan la turin kan ngen duh nghal a. India rama State ralnuang ber ti siin kan ramah hian hel kalkawng an nih zia te, silai tawihrukna kawng a nih zia te chu kan Mamit bialtu zahawm tak sawn he House chhungah ngei pawh hmanniah a sawi a ni. Kan chiang em em a ni. Heng tiang ang te hi vawiiinniah kan ramah kan tawn mek a ni tih kha ka rawn sawi duh a.

Tin, Demand 38-na R.D. Department hi tawitein han sawi leh ka duh a. Saw kan bial saw Pu Dy. Speaker, kan vannei em em a border area a awm kan ni a. Development tam tak BADP atang hian Central atanga rawn kal kan hmu a. Kan hman dik chuan sawng bial harsa bial rethei te pawh

changkana tur khawp pawisa hi chu kan bial chhungah sawn sorkar hian min rawn pe thin. Amaherawhchu, a kal that lohna leh hna result a awm lohna chhan dan lo anga sum kan hman vang a ni tlat mai a ni. BAPD guideline-ah chuan contractor te hman phal a ni lo tih a ni a. Amaherawhchu, hna awm reng reng contractor through veka pek a ni tlat avang hian contractor te chu party mi leh sa an lo ni a. Minister ten an lo tan a an hnathawh that loh deuh pawh pawisa te pek luh tir an ni a. Chungte avang chuan hna tha hi kan hmu thei lo a ni a, pawl ka ti a. BAPD hna te hi kan sorkar hian advance te hi pelo thei selang chuan hna te hi a tha zawk awm mange aw tih ngaihtuahna a awm thei a. Tunah phei chuan Aizawla mitten work order an han keng phei a 30% advance an han la nghal ringawt mai a. A awmna tur hna an han zawng chawp a, hna an va thawh loh pawn 30% kha chu an hlep sa hrim hrim. Hei hi tihdanglam theih a nih chuan kan ram kan hnam hian kan chhawr dawn tih hi a chiang em em a ni. A tawp tawh em ni Pu Speaker, ka lawm e duh tawk mai ang.

DEPUTY SPEAKER

: A lawmawm e. Le tikhan tunge han ti ve leh ang? Pu P.P.Thawla i lo sawm ve leh ang.

PU P.P.THAWLA

: Pu Dy. Speaker, ka lawm e. Demand 13-naah dem han sawi rik ka duh a. DP & AR concern a ni thoin ka ring a. Saiha a kan D.C. nilai chu hmun danga sawn a nih avangin a hmun a charge lo la tu tur hi mipui vantlang rindan chuan Additional D.C. a awm a. Addl. D.C. in charge la nghal mar tura kan rin lam Project Director in charge a la ta a. Chanchinbu thenkhatah chuan a lo inziak a. Hei hi seniority a charge in lak tir nge a kallumang tur reng nge a hre lova. Amaherawhchu, sawirik te a lo awm takah chuan ka han tarlang duh ve reng reng a ni. Indubsak lohna avanga Additional D.C. hi charge lak tir loh ta mai nge ni, a kallumang anih loh vang nge tih kha kan Minister zahawm takin min lo hriatsak atan ka han tarlang duh a ni.

Tin, Water Supply and Sanitation lamah han sawirik duh ka nei a. Kan PHE Minister zahawm tak hi ka duh zawng tam tak ka sawi khum thin a, mi a ngai pawimawh hle thinin ka hria a. Ka bial chhung bikah te pawh scheme mi a dahsak nual a, kan hunchhung reiloteah hian. Mipui aiawh pawhin lawmthu kan hlan duh a. Chuti laia pakhat min hriatsak atan a ka han duh a chu rain water harvest scheme a tuizem khawr lampang a scheme hmasa lamah khanin contractor hoten a plainsheet an lei te leh an khawr dan hi a hmantlak loh lutuk a. Cheng tam tak sorkarin a sen tawhna siah hman tangkai hleih theih lovin kan tuizem te chu a awm rem rum a. A then chu thirehha hralhin an hralh ta mai angin kumin scheme-a tuizem khawr hna hmutute hianin an ti leh palth ang tih fimkhur a tul hlein ka hria a. Chutiang kawngah chuan kan Department hotute lam leh kan Minister zahawm tak pawhin tuizem hman tlak nei a, a dawngtutur dik tak ten an dawn theih

ngeina turin a thawktu lamah thuneitute hian beng min chhit sak se tih ka duh a. A chhan chu sum tam tak a kal ral thin a. Harsa tak karah scheme te siam a ni a, hman tlak si loh a chhuah leh mai thin hi a pawl hlein ka hria a. Sorkar tan chawi thlawna mai ani a ka hriat avangin chu chu ka han tarlang duh bawk a ni.

A dawt lehah chuan Zawngling kal kawngah te Siatlai kawngah te PWD hnathawh vang te, BRTF ho kawng laih avang te hian kan tui pipe hmasa kha nawr chhiat a lo ni nual a. Khawtlang hruaitute leh V/C lam te pawhin hrilh hriat emaw tin thahnem ngaihna emaw avangin hengte hi an tihchhiat hmian tui pipe te hi lo seng tha vek sela chuanin thil tha ve mai tur chu a ni nain kha kha mipui bengvarnaah a tlin tawk lova. Chuvang chuan kawng laitu te khan an tihchhiat rawp rawp si avangin kan tui pipe te hi hmantlak tawh lova. A karah alo chhe nual tawh bawk a, a then te a lo tha tawh lova. Thinglangpa hmanrua nei lemlo tan chuan mahni insiam that a harsa hle a. Chuvang chuan a thenah chuan scheme thar te pawh telh that leh te pawh a ngai hial a ni. Chuvang chuan hemi te hi chu an dawng tawh a lawn ti a rei tak hrehawm tuar tir mai lova, a hmalam a scheme thar a tul leh scheme thar siam sak. repair theih a nih pawn repair an nih ngei theih nan kan Minister zahawm takin min lo hriat sak atan ka han tarlang duh a ni.

Rural Development Department lam pang-ah tarlan duh ka nei ve a. Tuna Saiha bialtu zahawm takin a rawn tarlan tak ang khan hei kumhnih emaw lek kan kal a. IAY sem chungchangah te PMGSY sem chungchangah te kan BDO ho te hianin information hi mi an pek loh vang hrim hrim nge chu ka hre lova, hrilh hriat hi kan dawng ngai lova. 2004 Minister ka nih lai kha chuan Project Director ni lai chuanin hei IAY list kan final mai dawn a quota pahum kan dah sak che a, a hmalamin min lo hrilh rawh a ti a, lawm takin ka hrilh a, min telh sak nghal mai a. A hnuah chuan Project Director lam atangin emaw, BDO lam atangin emaw IAY leh PMGY ah hian duhsak zawng te kan neih leh neih loh zawh pawh kan tawk lova. Meeting naah pawh hian hrilh hriat kan ni lo bawk a. Heng hi chu thil thalo tak niin ka hria a ka han tarlang duh bawk a ni. Nidang zelah chuan a Committee hrilhna te chu hmu ve thei ila, kan tel hman loh pawhin phone te pawn a inhrilh theih thova. Thuneituten bialtu MLA te, mipui tana kan hlut ve theih nana hrilh leh bengvar chhuah kan duh a ni.

Chumi dawtah chuan Mara D.C. huam chhungah kan District Council Rules hmanlai dan angin V/C Election mual tak a awm hna chuan term extension thla 6 a lo ni a. Chumi pawn a daih leh loh chuan kan dan hman lai ang thovin care taker dah hi tihdan thin a ni a. Tuna V/C kallai hi caretaker V/C anni a. A hun takah V/C election kan neih tir theih loh vangtein caretaker term kha extend a lo ni ta. R.D. Department lam chuan caretaker V/C ho kha Food for Work Programme execute turin emaw, R.D. lam atanga mipui chan tur ang sum chhuak thei leh hna chhuak thei kha caretaker V/C an hman g duh ta lova. MUP President tihte, YMA President te kha a working agency-ah an hman g ta daih a. Rin aiin an rinawm lo ve hle mai a. V/C pangngai MNF a ni emaw, MDF emaw Congress a ni emaw mi pawimawh (VIP) deuhin an thlen nikhua pawha lo buaipui thin. V.C.P. sum tam tak inseng thinte kutah khang sum leh pai kha kallang lova tlawngngai pawl hruaitute kuta a kallang mai kha a fel lo em em a ni. Kan Council dan kallai kalh ni miah lova dan pangngaia tih a ni tho laia R.D. Department-in a pawm lova order a siam a tlawngngai pawl te kuta hlan vek hi kan ram chuan kan tuar hle a ni. V/C inthlan te Council hian an buatsaih lawk theih loh

phei chuan caretaker V/C hi an kal reng mai dawn a. Chuvangin he order hi a sut thei mai lawm ni? A tha zawka mipui chan senruual a nih theih nan tindan tha zawkte ngaihtuah leh ni hram thei se. MUP leh YMA hruaitute corrupt kawngah an lo fihlim bik lova, mipuin laklawhna avanga thil kal hi kan mar hle tih hi kan hotuten min hriatsak ka duh a ni.

Tin, BADP hi kan hre lar khawp a. Kum kalta lamah te kan hmang tangkai viau va. Kan hun chung reiloteah hian sawi tur vak awm lo mahse, thil kal tawhah BIDO lamte a execution ah an supervise that tawh loh vang nge? Ka bialah Lungdar khua chu tun thlengin motor a la thleng lova. BADP scheme atangin he Jeepable road tur hian sum engzat nge sanction awm tawh chu ka hre mai lova. Mahse, ka rinthu pawh ni ta se, sum tam tak sen a ni tawh hnuah pawh hnuhma a la lang lova. Km 14 vel lek si kha. Tun hnuah chuan BADP scheme hmalakna te pawh bialtu MLA te thu leh hla hi kan Block Officer leh sawrkar kallai tena min ngaih pawimawh theih chuan mumal leh puitling zawka chan theih ka beisei e. Ka lawm e.

PU H. ROHLUNA

Pu Dy. Speaker, Demand 16 naah ka lut nghal mai ang a. Fire Service chungchang hi. Buarpu bialtu khan a sawi tawh a, ka rawn support a ni tih ka sawi duh a. Khawpui chungang hian kangmei kan tawh thut hian kan buai em em a. Hmanni lawka New Market kangte kha, khata tui indath loh dante Minister zahawm takin PHE leh Home a chang kawp a. Ka'n sawi duh chu PHE lam hian a Tanky siam te chu aharsa anih pawhin Fire service ho tan khawilalah emaw khawpui chungang hmun 5/6 laiah a khat tawkin tui an mamawh changa an lo pek chhuahna tur kha point siam sak se. Hmanni New Market kan pawh khan mimal ta tur tui phurte kha an lo lak(divert) sak a. An phal lemaw, phallo emaw. Mizo chu tlawnngai kan nih avangin sawisel lovin mimal tuiphurte khan an han pe mai a. PHE Department lam hian ruahmanna fel zawk siam thei se, a changtu pawhin lo enzui se a tha khawp ang.

Traffic Police chungchangah S.P. hnuaiiah tal hi ciuan dah thei seka, Mihring indaihloh dan chu nitin kan hmu. Hei hi chu a pawimawh hle a ni. Ration money leh Rifle allowance tlem lutuk hi kan sawi zing tawh a. Minister zahawm tak pawn passing out parade naah te leh hmun hrang hrangah a lo sawi thin tawh bawh a. Vawiinni thlengin hei hi tihpuitin loh niin ka hria a. Hei hi chu ngaihtuah pui thain ka hria. Thidangah sum leh nai indathlohte sawi thin mah ila, khawilalah emaw chuan a tam a ni tih kha kan sawi ni thin bawh a. Hei hi chu an mamawh bawh a, kan lo sawi hmuh thin bawh a, tihtheih hram ni tawh se.

Kum 2003 inthlan Suangpuilawna inrukbo chungchang sawilan ka duh a. Kan Police te hi an efficient an tha kan ti thin a. Efficient tak tak an ni tih pawh hun kaltawhah kan hre thin a. Police efficiency hi a tihnam dawnin ka hria chhuichhuah lova a awm reng chuan. Chhuichhuah thei hram se chuan an efficiency hi mipui ah han prove se a duhsak awm hlein ka hria.

Demand 25-na Aizawl Greater Water Supply Scheme Phase - II hi 2004 March thlaa zawh tur 2006 zawh leh tur anga sawi hi vawiin thlenga zo mai tur hmel an puthei lo hi chu mipui hian kan vei hlein ka hria a. Tun aia sang zawkin sorkar hian kalpui sela tih kan sawi lang duh bawk a ni.

Laiputlang main reservoir atanga tuisem, Ramblun North - II bialtu pawn a sawi thin a. Kei pawn ka sawi zeuh zeuh bawk a. An harsatna hi a bial. Section huamehchung hi a zau lutuk ni pakhatin ka hria. Ennawn dan hi awm thei se. Tunah Ramthar itang Veng, Ramblun 'S' point lam atangin keini pawh kan la a. Kar lunasa thawitannia kan lunuh kha vawiin thlenginkan la dawng leh ta lova. Ni 10 dan emawni 12 danah te a chang chuan kan mangan tawpah te kan hmu a. Kan dawng ve hram thin a ni a. Chuvangin, helai hi chu Department lam hian lo ennawn thei se. Siam rem deuh dan te awm se. Mihring indaih loh vang ni pakhatin ka hria a. Tui awm lo pawh ni chuang lovin. An kalchhuak zo lo tlai ani kar khat chungin a semtute hi.

Bial lamah han lut ve ta ila. Hnablan khi 2003 ah kan Minister zahawm takin an tiilak Water Supply Scheme khi ahawng tawh a. Khami lai vel bak kha chu a tui hi a hawng ta lo reng reng a. Tui hi an harsa em em a ni. Tuikang nghakin an itaivar ti tih reng mai a. Hei hi BRTF hovin kawng an han lai a. A pipe phumte an lo tichhe bawk nen. Harsatna namen lo an tawh a. Kumin phei chu thal anat zia kan lure vek a. Tun zawhna ka zawhah pawh khan 2005-2006 chhunga siamthat tura sawi kha a ni a. Mahse, vawiin thlengin hna la tan a la ni lova. Hei hi kan Minister-in min lo chhinchhiah sak se ka duh a.

Kawlberm Water Supply Scheme hi 1985 ami tawh kha siamthat pawh awm lovin vawiin thlengin a kal chhova. A hna a th a lo ni lovin a pipe hi phum loh a nih vangin a lo tuiek tawhte a awm a. Zawmnaah a chhe tawh a. A rang lamin siamthat nise. Tun kumtharah hi chuan a hna tha si, a pipe a tui haw that loh avanga mipuiin harsatna an tawh hi sorkarin min lo onpui ka duh a.

Tin, Khawkawn Water Supply Scheme hi nuai 56 chuang siam a ni a. A reservoir 2 hi nuai 24 a siam a ni a. Tunah hian a leak ve ve a tui a dah theih reng reng lova. Tun hnaia zawh chauh khi helatah pawh ka sawi tawh a. Chu chu hman tlak loh tura nuai 24 senga reservoir 2 siam hi siamthat vat a nih loh chuan mipui tan chhawna tur engmah a awm lo a ni.

Demand No. 38-na Rural Development ah hian VDC meeting chungchang kha member dangte pawn an sawi lang tawh a. Hei hi Champhai BDO khan 16.3.2006 khan a rawn ko tlai pek a. Ka attend thei lova. Session kan neih avangin. Keini chu la chang sang tak kan niin ka hria a. Saiha bialtute, Tuipang lam bialtute phei chu member an nih anga kohna kha BDC meeting ah an la hmu lo anih hmel a. Kei chu ka hmu a. Session laia koh a ni a. Hengte hi chu Session loh lai hun a tam a, member dangte sawi angin tih hram ni thei se.

BADP chungchang hi ram hrula awmte hi chuan kan vaneih phah em em a. Chutih rual rualin a pawisa hnan danah hian Aizawl atanga Work Supervisor kan ti nge Executing Agency kan ti ngeni a hna an rawn thawk vak

zel leh a bialchhung mitten an chang lo hi mipui tana a that tur ang hian a hna pawh a tha thei lo a ni. Thahnemngaihna an nei lova. Hlawkna uma Aizawl atanga an rawn thawk thin te. bial pawn atanga an rawn thawk thin hi chu sorkar hian enfiash se a tha ngawtin ka hria. Earth Work te hi chu mipui inhlawhna turin min siamsak hram se tih Budget Session hmasaah ka sawi tawh a. 50% hi chu Party an lo induhsak a nih pawhin mipui tan hian thehchhuah sak ve rawh se. Mautam kan hmachhawn dawn a, harsatna kan la tawh dawn chauh niin a lang a. Mipui inhlawhna tur hian hetiang hna ang chiah hi chuan sorkar hian siam se tih ka duh khawp mai.

IWDP chungchangah State share hi sorkar hian a pe mumal thei lo niin a hriat a, 2002-2003 bak hi chu ka zawhnaah hian State share an pek a lang lova. Chuvangin, harsatna kan tawh a. Champhai III DRDA hmuaja Horticulture Department in Coffee chinga an han tih ang chiah pawh hian Central atanga lokal nuai 66 chu an dawng a. Mahse, a second phase a khur an laih tir te khan sum leh pai an dawng ta lo reng reng a. A khur kha an chhith leh tawp a ni. A Nodal Department siam thuah pawh kan RD Minister-in a chan apiangah khan a Nodal Department kha a kal zel mai a. Agriculture a chan in Agriculture-ah a kal a. Tunah R.D. an chang kha R.D. ah a kal leh mai a. Khatianga mumal 10 deuha sorkarin a Nodal Department IWDP a kalquite hi chu atha lovin ka hria. Sorkarin mipui tana tha tur angah hi chuan State share te pawh ngaituahpui deuh sela. Sum leh pai kuthnathawktuten a nih ang takin an dawng thei ang a. An thil chinah pawh an hlawhtling thei ang tih ka ring bawh a ni. Ka lawm e.

PU LIANSAILOVA

Pu Dy. Speaker, kan Demand sawihonaah hian a hrunglam atangin kan sawi ang e. Trade & Commerce ah khan kan tarlan duh chu he Department hian engemawlai

khan tung oil hi anmahni lam hmalakna turah tiin Department te meeting-ah thu an titlu a. Tung Oil marketing kha an buaipui turin KVI atangin an la viauin kan hria a. Mahse, thil inhriattawn loh leh a hmalakna arrangement lo awm te chhutzuu anih loh vang nge a rate thuah harsatna an tawh a, company an dawr te nen. Tung Oil a sumdawna kan neih uar that tur kha thlauh palh ani ta a. Khulaia a herna khawlte pawh tunah phei chuan a bo zo nite pawhin an sawi a. A market kha engemaw lai chuan awm mang lo leh a scheme te pawh hi ngaituah that vak mang loha sawi mawi mai mai thil ang deuha pawh khan a awm a. Mahse, India hian China Tung Oil hi Hongkong atangin a lei reng a. Hei, ka hriatna usual loh chuan India rana Tung Oil hmanga Industry thawk ho hian Domestic Market lam an lo hawi leh tawh a. Chuvangin, kan KVI pawh hian tunah litre ah Rs. 70/- chuangin hralhna an hmu leh tawh a. A company te pawhin ngaiivenin Mizoram te pawh rawn tlawh leh an tum tih hriat a ni a. Chuvangin, Tung Oil chungchanga marketing ah hian a Department in hma a la tha thei lo a nih chuan a la tha thei tur lamah te hian hlan let mai a sual lovin ka ring a. Thinglangah a putling tawh sa han chhara, hralh mai theih tur a la awm nual a. Tin, litre khat Rs. 70/- a hralh a nih chuan hetah, a rah kg. Ah Rs. 7/8 a lei nghal theih a ni a. Jateopha hi Diesel a hman tur a ni ber a. Diesel man chu kan nei a. a oil litre ah Rs. 26/27 a hralh theih tur ai chuan a tha fein loneitute pawhin a thlai putling an lo neih tawh anih avangin umzui a tha hlein ka hria.

Sawhthing marketing hi 2005 budget session ah khan quintal 18000 chuang zet hralhehhuah niin a lang a. Unstarred Question ah khan price support ah pawh nuai 234 dawn senso nun ka hria a. Ka hresual lovin ka ring a. Kha kha pekchhuah a ni tih chhanna kan hmu a, hemi chungchangah hian session hmasa lamah te pawh ka sawi tawh a. Heng price support kan pek hi a Farmer ho hnenah direct-in a kal lovin an hnem hnannui lovin a lang a. Kan zin velnaa lo neiktute harsatna han sawipui a an sawi danin amiddle man te kutah a hlawkna zawng zawng a kal deuh vek niin a lang a. Chuvang chuan heng hi kan ti leh zel dawn anih chuan fimkhur zawka a farmer te hnenah ngei a thlen theih leh an hlawkpui tur dan zawng kan ngaihtuah thiam tha hlein ka hria a.

Tin, chulovah chuan hemi a marketing chungchangah kan buaipui danah pawh hian harsatna a lo thlenin kan in bel anih loh pawhin engemaw remchang deuh a awm chuan kan inchuh leh si niin a lang a, advance deuhhlekin a marketing hi a lo forecast emaw information lo collect dan hi a awmin ka hria a. Pu Andrew Lalherhiana khamin a market kan tlawh chungchangte a sawi a, khami tumah khan ka tel ve a. India rama a market awmdante pawh ngaihvenpuiin kan lo neitute hlawkna tur leh an hamthatna tur ngaihtuah a, hma lakpuiin a market pawh hi a hmaa information lo collect-in, a dinhmun tur te pawh a hriat theih a.

Tin, a price support hman dan tur chungchangah pawh tun aia effective zawka hman theih dan hi a awmin ka hria a, chulamah chuan, ngaihtuahna tun ai hian Trade & Commerce hian la nasa sela atha hlein ka hria a ni. Tin, Trade & Commerce Department hrim hrim hi Department thar a ni a, Border Trade te heng kan neih tak avanga din ani deuh berin ka hria a. Helama hmalaknaah pawh hian tun aia chak zawka hma la thei tura Department pawh hi kan nei vek vek a nih chuan kan thuan that a, tin, Secretariat lam atanga a support pawh hi tun aia chak zawka kan pek a, an awmdan hi tuma an awmdan ang ngawr ngawr lo deuh a kan thir that tul hlein ka hria a.

Tin, a market building khawpui leh thingtlang khawi khawi ani emaw an enkawl tura kan dah ngawt pheh hi chu Trade & Commerce hma ani lo deuhin ka hria a. Ka'n sawilang duh a. Heng hi chu local bodies te nakinah kan la neih hunah an kuta lut tur, Municipal te kan neih hunah an kuta lut tur ang chi a ni a. L.A.D, in a lo enkawl hi a tawk viauin ka hria a, anni an inhmanna tur hi chu Trade & Commerce lam hawi chiah inhmang nasa sela a thain ka hria a. Hengah pawh hian an dinhmun leh an function tur pawh hi enchian that thain ka hria a ni.

Tin, chulovah chuan DP & AR ah khan point 2 lek sawi duh ka neih chu (1) Hei State sorkar kan nihna arei tawh a, kan sorkar khnathawk te kan enkawlina a tanah hian Central dan hi kan hmang reng mai a. Kan hman tur chin awm mahselangin keimahni State in dan State Service Rules & Regulations kan neih hi chu a tul takzetin ka hria a, hei hi ka sawilang leh kher duh a. Tin, chutihruah chuan heng sorkar hnathawk kumbi kan tukah te hian kum 18 - 27 hi a tlangpuiin kan la hman ga. Tin, Tribal consession nen chuan kum 32 thleng ani a. Hna zawn a harsat dan leh tun engemaw chhungah hnalak sorkarin a 'band' avang hian kan ram thalai lehkhathiamte dinhmun han en hian thenkhat chu hna pawh zawng hman lova, overage tur an awm ta thluah mai a, tin, lehlamah chuan sorkar hnathawkte

an pension kum kan lo tipung ta bawk a, churang chuan kum 3 in belh ila kum 18 - 30 thleng tribal concesson nena 35 angte hi sorkar hian ngaihtuahna hi hmang se kan thalai hna hmulo te tan hian engemaw chen chu a chhawk vein ka ring a, chu chu kan sawi lang duh a.

Tin, College-a Lecturer tur phei hi chuan kum upa deuh Ph.D. te emaw M.Phil emaw an neih hnua kum 2/1 hna an han zawnin an overage thuak zel a ni a. Lecturer lakah phei chuan kum bi tuk tihsan hi a tha hlein ka ring a, chu chu ka sawilang duh a.

Tin, Police lamah khan Traffic Police chungchang kha chu sawi nawn ngaiin ka ring lova, kan member zahawm tak ten an rawn sawi tawh kha ka rawn thlawp a. Tin, chulovah chuan Tui thuah hian Aizawl 'N' II lam kan harsat dan kha chu hmanni ka zawhna leh chhannaah pawh kan Minister-in kan harsatna enin hrechiangin ka hria a. Tin, khatiang vang khan a niang tui pawh kan hmu chawpchihl deuh mai a. Mahse, kan Session hi atawp ang a kan ngai leh mai ang tih kan hlau khawp mai a. Tunhma kan harsatna chhan nia an sawi chu Chalilang a Reservoir lian min pekna kha a tanky a chhia a, a khatin a dah theih loh a ni an ti a. Mahse, tunah chuan a tharin tha takin an rawn ti ta a, an hmang tawh a. Khita tanga min pe a chutiang chu kan harsatna a nih chuan kan Minister ten min lo hriatsak chuan harsa lutuk bik tawh lo tur pawhin kan inbeisei a, kan thlamuan thu a hnenah pawh ka'n sawi nghal a ni. Ka lawm e.

DEPUTY SPEAKER

A van hmang thiam ve tunge han chhuzawm leh dawn le? Awle, Pu Lalduhoma, ani hi Opposition Group Leader a ni a, hum pawh pe tam ta ila.

PU LALDUHOMA

Pu Dy. Speaker, Demand 38 na Rural Development ah hian ka'n tan ang a. Ka sawi tur hi sawi chakawm lo deuh a ni a, a changtu Minister dam lohmain a flakbuak lai a nih bawk avangin achakawm lo lehzuai a. Amaherawhchu, Mark Anthony'an "Britus ka hmangaih loh vang a ni lova, Rome ka hmangaih zawk vang a ni" a tih ang kha ani a kan ram leh hnam kan hmangaih avang erawh chuan hei hi sawi loh theih a ni lova. R.D. ah hian thil tawp leh fello tak tak a lo tam em em a. Chung chu Official document te nena finfiahna Right to Information Act hnuaia dil chhuak thlapin finfiah theih chin chiah chiah sawi ka tum a. Sawi zauhna hman a awm loh avangin a point te tein ka sawi dawn a ni.

(1) Mirethei In sakna PMGY (GA) hi BDO te linena pek a nih tawh hnuaah tam tak chhuhsak leh a ni a, Sorkarin a divert a duh a hmanraw tangkai zawka ahmang duh a nih chuan theih hram rise, a guideline in a phal leh phalloh chu dah tha ta ila. Amaherawhchu BDO ten PMGY (GA) an dawn tawh sa an chhuhsakah hian an chhuhsak zawng kha hmangral anga cash book leh APR ah ziaklut tura order pek an ni a. Chu chu Official document

chiang tak Pu Dy. Speaker ka nei a, hei hi a rapthlak em em a ni. Tunah hian sorkar lam chuan Rangva lei nan kan hmang an ti a, phaimar tumin a inbuatsaih mek niin ka hria a. Chuti anih a hnu engatinge BDO te kha hmanral tawh anga Cash Book a an ziah luh tir si? Kan Officer APR an siam chawp tir si? Kan Officer BDO te hian dawt account vawn hi an ning em em tawh a ni tih hi House ah hian ka sawi duh a ni.

(2) Mizoramah DRDA District Capital 8 ah kan nei a, financial year a lo thar hian, nikum financial year thar April 1-a an opening balance tur kha an account dik tak anga ziak lovin "Heti zat hi in opening account tur ani, heti hian lo ziak rawh u" tiin order chunglam atangin an dawng a ni. Chuvangin hetiang a tak taka an account leh paper atanga hetiang hi in account tur a ni e tia an tihir chawp diklo lutuk hi nakinah audit objection te pawh a awm ang tih ka ringa, a felhleh em em a ni.

(3) Lawngtlai DRDA building sakna tur nuai 14 sanction diam tawh kha acash in pek let tir leh a ni a. Chumi an pek let lehnaa Project Director mangangin a note siamte leh Directorate a Cashier in a lo dawn lehna zawng zawng tenen document Pu Dy. Speaker i hnenah ka la thehlut vek dawn a ni, ka thusawi zawhah hian. Heng te hi a fello hle a ni, kan hriat dan chuan tuna Lawngtlai an luah lai building hlui hman atanga an luah saw a thar angin an report niawmin kan hria a, a rapthlak hle kan ti.

(4) Lunglei BDO leh Hnahthial BDO ten mirethei In sakna IAY an dawn miah loh nuai 26.66 hi dawng ang leh mirethei In saknana hmang angin sorkarah report pek a ni. Chu chu sorkar hian kan hriatpui lo an ti a ni awm e. Inspection ah a chiang khawp mai, chhuichian a ngai.

(5) SGRY atang hian DRDA ten 2% an cut thiang a ni tih guideline para 7 na ah kan hmu a, amaherawhchu, he sum hian DRDA te kut athlen hma hauhin thuncitu sang zawk ten he 2% hi an cut sak sa vek a. Chu chu buhfai phurh nan kan hmang a ni tia phat an tum mek niin ka hre bawh a ni. Pu Dy. Speaker kum kha lehchen kha hengte hi kan lo ti tawh a. 2% cut a buhfai phurh nana hman kan hre ngai lo. Vawinniah hian khawtinin mahni intum chawpin buhfai te hi kan phur a ni tih kan hre theuh a ni.

(6) BADP sum atang hian 4% cut sak leh a ni a. BDO te hnen theuh atangin 4% an cut sak chu hmangral angin Cash Book ah te an account a ziak lut tura thupek an ni leh ta a ni, a va rapthlak em? A tam ngawt ang he thil kalsual hi. Chutianga hmanral veka an ziah tawh hou a nih avangin 4% an lakkhawm chu tupawhin ak haw se a thiang tawh, sorkar document ah hmanral angin a lan tawh avangin. Mahse, an hlauthawng leh chuan tlakhawhnuah R.D. Minister leh kan Chief Minister ni hawh Finance Minister remtihna la thlapin Pu Dy. Speaker, a Note Sheet copy zawng zawng pawh ka pe vek thei ang che. Finance Department ah Ex-post facto sanction an dil leh hnahnawh a, regularize tir an tum ta a ni, an chhuanlamah chuan survey siam nan te zinna senso ah te trace path atan te an ti a. Finance in a lo exam a, "Heng zawng zawng hi Scheme in rawn siam lai khan engkim thfel veka rawn thehluh sa vek tawh a ni a. tunah chutiang atan senso a tul tawh lova, zin nan phei chuan hman a thiang reng reng lova, chuvangin kan remtilo a ni," tiin Expost facto sanction chu an pe duh ta lo a ni. Chu chu Rural Development

Minister leh Chief Minister te remtihnaa kalpui a nih chu, a rapthlak hle mai. Vawiinni thileng hian chu chu regularize lovin a la awm a ni. Hman ral tawh vekin ziak a nih chu.

(7) Tin, SGRY, SGSY, IAY heng 3 a sanction te hi a dawngtu leh hmangtu tur officer ten a hun dika an dawu loh avanga hman hun tawha hman theih loh sanction fel vek tawh si nuai 230 a awm bawh.

(8) Heng zawnzawnzawn ching chhuak tu State Level Monitoring Cell chu he MNF sorkar hian hnawh sak a ti ta a, an eirukna chhui chhuaktu a ni tih an hre ta a. An eiruk leh zel tur chhuichhuaktu atana an awm zel chu hnawhsak an tih avangin vawiinniah hian hnathawh thei lovin zuk siama mawle. Officer 20 awm thinnaah SLMC chu tunah hian Officer pawimawh zawnzawnzawn an sawn darh vek a, Gazetted Officer an neih chhun Officer pakhat hnuaiah chuan an awm ta a. Minister hian zia kin Chief Minister hnenah SLMC dissolve rawna a thley a. Chief Minister in a lo pawmpui bawh a ni. He Department miretheite sum enkawitu hian endiktu a duh ta lova, an nei ta lova. Chutianga endik theih loh a an hman leh tur chuan vaibelchhe 30 hi vawinah hian min dil a kan pass sak thei dawn em ni? Pu Dy. Speaker chutianga ringawta hman tur chuan kan pass pui hreh ngawih ngawih a sin.

(9) Tin, India ramah eng a pek dan pangngaia pek hleih theih loh District changkanglo zual 200 thlan chhuah a ni a. NREG hnuaiah Mizoramah Saiha leh Lawnglailai District te thlan a ni. Tui kawrite takte atangte pawhin Killo Watt 5 tichhuak thei khawl an rawn pe a. Chu khawl chu mirethei chhungkaw pakhat pawhin ahman hmam R.D. Minister Farm Sihmukah vuah a ni a. A installation atan Department sum Rs. 52300/- hman a ni bawh, azalithlak lam deuh lo maw? Mirethei chanai tur Minister tena an chhit khalth te hi a dik dawn em ni? A hmanghnar hle a, tu te te huan emaw a insem thamte a nih chuan ka hrethiam, tunian an hman hmaa hetiana tih hi a dik lo.

Chuvangin heng te te hi ka sawfiah tam hman lova. Pu Dy. Speaker, heng sum zawnzawnzawn hi mipui miretheia hit tur chi vek a ni. Eiruk rau rauah pawh a huathhlala zual a ni. Chuvangin heng chhuifiah tir tur hian Enquiry Committee din ka ngen a. Chutah chuan opposition MLA te hi teli ngei ngei rawh se. Hmanah Agriculture Director-in nuai tam tak a lak khawm thu hetah kan chai tawh a. Khami nia ka thusawi kha engeni kha, "He Director hian a mimalin hei hi a lakhawm ngam lovang, thuneitu sang zawkte nena an thilhan a nih ka ring, chu chu a nilo a nih chuan min tel tir ve ula, anihna emaw anih lohna emaw chu I chian ang u," ka ti a nih kha. Chu chu an ngam loh avangin a hnua thil kaldan chu kan hre vek a ni.

Vawiinniah hian he thilah hian Rural Development Minister leh kan Finance Minister te an bang ngam ngei turah ka ngai flat. Chuti lova a chhuinaah min tel lova official te chunga an tuan leh dawn anih chuan a pawh khawp ang. Kan official pakhatmah chungah hian action an la tur a ni lo. Dik takin, "Hei hi lo ziak bo rawh, hman angin lo record rawh," tia an hrih officer te hian a sirah lo eiru ve pawh nise a awm ngawih ngawih a ni lawm ni? Ram hmangaitu inti zawk tena hetiana an tih si chuan. Chuvangin hemi chungchangah hian Enquiry Committee dinin keini pawh kan tel ve ngeina tura Mizoram mipuite hriat tur a hai chhuah ka ngen a ni.

A tawp nan Pu Dy. Speaker, Demand 16 naah hian MRP Constable leh Head Constable tam tak Selection Grade kai thei lo hi amangan thlak lutuk, MAP a an seniority pui ten an kaisan khali tawh a. Mahui seniority puite salute pek te hi harsa an ti thin, chu chuan Force ah moral atichhia a, a pawh em em a ni. Tin, TA te hi an hmu har lutuk, Officer T.A. te chu ni se hei chen chen an delay hi ka ring thei lo. Ration money te pawh Rs. 350 an la a, Assam Rifle te pawhin Rs. 700 an lak tawh lain, hetiang lutuk hi a dikin ka hre lova ni. Committee hrang hrangah Committee on Petition thlengin lungawilohna kan lo dawng tawh a. Police Department ah hian an hotu Welfare hi tha taka ngaihtuah sak aia hupbeh tumna hi a lian mah mahin ka hria a. Kan Officer te pawhin an nante hi lo enkawl ngun deuh tawh turin ka ngen duh a ni. Chutiang chu a nih avangin Mizoram Police Mannual te pawh hi hman a hun tawh. Tin, Mizote hi min kidnap fo mai, min kidnap tawh lohna tur leh a ti leh tu apiang chu kan tihchilh rap rap theihna turin sorkar pa deuh kan mamawh. Chutiang atan chuan special Force te pawh i siam teh ang u. Ka lawm e.

DEPUTY SPEAKER

: Tunge han chhunzawm ve leh ang? Hei hun a kal zel a ni a, aw Pu Lalthlengliana sawm ang aw.

PU LALTHLENGLIANA

: Pu Dy. Speaker ka lawm e. Hei vawiinni a kan Demand han sawi hi rei tak han sawi te pawh a chakawm a, mahse, hun a tawi ang reng a. Hei Demand 16 na Home Department ah hian han kal ila, vawiinah State dangte han khaikhin hian kan Police Department hi a fakawm hle a, an chakin ka hria a. Assam-in ka hriatsual loh chuan Batallion 26 vel an nei a, kemi helaiah kan sorkar thalmemngaihna leh beihna avangin 5 kan nei ve a. Tunah hian IR Bn. 3rd Bn. Neih leh kan beisei a ni chauh a. Assam ah heti khawpa Police an ngah chung hian nitin kartin thlatin, buaina lian tak tak, kidnap te, thil chitin reng a thleng a ni a. Chuti chung chuan Mizoramah Batalion 5 vel lek kan nei chung hian khang kha Traffic-ah te leh thil dang dangah sem sawm an lo ngai a, chuti chung chuan kan ram. heti khawp hian kan thla a muang a. Vawiinniah hian sualnain kan ram a luh chilh a, khawchhak lungpui alo lum a. Drugs leh thil chitin reng Zoramah an darh ta a, In tin kawngkhar chu sualna chuan adak a. Vawiinnia he House zahawm taka thukhawmte pawh kan hang chuang lova. Chung zawng zawng veng a enkawla Party Office thlenga veng tur hi chuan a buaitlak chin lai te pawh a awm a ni. Hetiang ang harsatna te te angte hi chu khaw ram State ah pawh an tawk a. Battalion 20 chuang daih neite pawhin an tawk a ni. Vawiinniah thlamuang t aka kan han awm theite hi a lawmawm hlein ka hria a.

Tin, heng avang tak hian Police Battation te hi LR. mai pawh ni lovin, kan din ve belh dan turte hi ngaihtuah theih ni sela a lawmawm khawp ang a. Hei aia thlamuang lehzuai hian kan kal theiin ka ring a ni. Police chungchangah pawh kan hmu a. Hei Thingserh film te kha keimah ngoi pawhin ka'n release-a khata Police lo lang te kha an tha hle a ni. Vai film kan en reng reng chuan Police te hi Jocker deuh mai, engamaha rintlak loh deuh vek anni. Hetah hian kan ram Police te that zia chu alang chiang hlein ka hria a.

Chutihlaih chuan kan sawi duh pawimawh chu Reiek khua, ka bial khumi tlangdung khua thlengin Police an nei ve lova. Police Out Post hi min dah sak ve thei hram ula. Phaileng P/S khu an rin a ni a. Report an kal thla a, anni an lo thlen meuh chuan thil alo hui leh hman tawh a. Chuvangin, khulalah niti deuhthaw hian Bus 14-15, a chang chuan 35 lai te ilan reng turin, Toursim hmalakna zuk en tur khuan an kal thla reng mai a ni. A fel an kal bawh a, fel vak lo te pawh an kal ve a. Khulalah khuan Police Out Post hi min dah sak thei ula ka duh khawp mai. Hei hi kan sorkarin min lo chhinchhiah sak sela. Hemi Darlung leh Khawrihnim tlangdung tan phei chuan Phaileng Police rin chu thil bahthlak tak a ni. Phone te an nei tha mumal lova, han inkohte thil harsa tak a ni a. Chanchin report rang taka bawhzui tur angah te pawh namenlo in an khawtlai phah a, case a lo hui hman hial thin a ni. Chu chu anih avangin hei hi chu min lo ngaih pawimawh sak turin kan duh a ni.

Tin, Demand 25 naah hian han lut ta ila. Mizoram hmuntinah a zin zau tan chuan heti emem a PHE in hna an thawk hi a ropui ka ti a. Tlangsang zawk atanga tui lakte, tin a pump apump te kha siam a ni a. Chutiang chuan hei ka bial Mamit khua, khawvela tui harsatna ber, tlangsil te pawh uihawm khawp a ni a, Hnahtlial-in tun hma chuan chaw an ei thin hial ani. Chulai hmunah chuan Tut lui atangin tui pump chhoh a ni dawn a. Tun thla tharah hian hawm theih pawh kan inbeisei a ni. Tun kum hnih lek chhunga sorkar lunalakna hi a ropui ka ti a. Chutih rual chuan kan sawi duh chu Reiek tlangah pawh khuan pump chho ve ta ila, khualzin tui hal dang charin an awm a. hmaiphih pawh lungneahthlak khawp a ni. Tui a tem a, an indaihlo ani. Kan Minister zahawm takin tuizemte min han siam sak bawh taknaa, an tla lo em em a ni. Tunah hian Aizawl Greater Water Supply Scheme hi a lo kal chho dawn anih chuan Phase - I khu Reiek lam pan chhoh nan hmang ta ila, Khawrihnim leh Darlung khaw tlangdung zawng zawngin khaw 14 in a zar an zo thei dawn a, Reiek tlang atangin a khawh liam zung zung dawn a ni, pipe line hmangin. Lungte pakhatin sava 14 kan vawm thla thei dawn thna a lo ni. Hei hi kan sorkarin a ngaih pawimawh ngei ngei atan kan duh a. Mamit tui lak te khawthlang lamah zawh a nih chuan a next chu Reiek ah ngei ngei turah kan dah deuh a. Kan Minister zahawm tak pawhin hei hi min chhinchhiah sak sela, vawinmi hian kan ti thei ang han ti phei sela chu a lawmawmin ka ring a. Reiek khaw tan chauh nilo Zoram mipui tan a ni a. Tunah chuan khung Modern Village leh Typical Village avang ringawt pawh khuan Zoram mipuite hian tlawh an chak a, Chapohar Kut lai pawh khan khulala hman an rawt tawh a ni. Chutianga sorkarin khaw luna a lo siam takah chuan tui hi tam tawh an neih ve theihna tur hi a rang lama ngaihtuah nisela a thain ka ring a.

Tin, Demand 16-naah khan han let leh lawk ila. Kan Central Y.M.A. ten engvangin nge kumpuan an neih? Sorkar chak loh vang a ni lova, sorkar chu a chak a. Police battalion 5 chauh a nei chung pawhin hetiang khawp hian Zoram Mipui thlamuangin an awm a. M.L.A. ven ngai em em pawh awm lovin zalen takin duh duhin kan khawsa a ni. Chutiang khawpa rau ralmuangah chuan vawiinniah kan awm. Mahse, ka sawi tak ang khan vawiinniah sualnain nasa takin Setana'n hna athawk a. In tin kawngkhar zak miah lovin a dak tawh a ni. Hei hi kan buaipui a ni. Vawiinnia thukhawnte pawh hi kan him chuang lo. Chu chu anih avangin kan Central Y.M.A. in a zavaia hnatlan chu a ni tin kumpuan an rawn nei te hi a lawmawm em em a ni a. Sorkar chak loh vangah te. Sorkarin Administration akenkawh loh vangah te kan han puh ringawt hi chu an puan chhan nen

hian a inmil lo lutuk a ni. Vawinniah kan tlawngai pawlte hnathawh ropuitak te hi a mawi zawnga kan sawi hram hram tehi a pawimawhin ka hria a. An hnathawh avangin vawinniah pawh case te pawh a lo tlem phah a, suauna te pawh a lo ziaawm hrat hrat a. Damdawi In Casualty lama duty Doctor-te pawh vawinniah chuan an hahdam phah a ni. Chuvangin kan Y.M.A. te hnathawh hi a ropui a, sorkar pawhin chhuanawm a ti a ni. Chuvangin heng hi sorkar lam chaklohna vang a ni love. Assam te Police Battalion 26 lai neite pawh khu nitin an buai a ni tih hi kan hriat a pawimawh hle a. Battalion 5 lek nei hi kan him dam viau a ni lawm ni? Kan Police te hi an fakawm ngawih ngawih a ni tih hi kan sawi duh a ni e. Pu Deputy Speaker ka lawm e.

PU F. LAL THANZUALA

Pu Dy. Speaker, ka lawm e. Home Department hnathawh that zia hi han sawi hmasak ka duh a. Kan thil thir dan a in ang lova, kei chuan Police din chhan aawm a, vantlang tana an tihur a awm a. Khami alaklawh laia eng eng emaw hlek awmte hi chu khawvel awm chhung hian bo lo tur a ni a. Amaherawhchu. khatiang chung pawh khan an hnathawh tur hi an tha em? Vantlang tana an thawh tur hi an thawk em? tih kha a pawimawhin ka hria a. Chumi tehna atana pawimawh tak chu hei kum 2005 ah khan case ziahluh hi 32% in a lo tlem ta daih mai a. Chu chu lawm em em tur a ni. Thubuai a tlem ta sawt mai. Kha khan chhan a nei a. Kan ram hi 2004 ai te chuan 2005 ah khan thubuai alo tlem ta tih kan hriat chuan kan ram pawh hi ram tha zawk a lo ni chho ta tihna a ni. Engatinge hei hi kan sawi hmah leh thin ka ti a. Thil tisual an tlem ta deuh tihna pawh a ni. Hemi ringawt avang pawh hian kan Home Department, kan Police te hnathawh te a pawimawh em em a, fak tur an ni.

Tin, member thenkhat ten NGO hnathawh ni zawk ang hrimin emaw kan sorkar hi NGO te tel lova hnathawh thei lo emaw tin kan han sawi mai thin a. Amaherawhchu. Police hna zawng zawng hi khawvel pumpuih NGO emaw, mimal emaw civil mite emaw Cooperate na tel lovin khawi Police mah hi an hlawhtling thei lo. Thil tisual lo awm ta ang sela, hmutu an awm em? a hretu an awm em? Zawng a ngai ziah. Khatiang kha anih avangin hei T.V. ah pawh kan en a, Jessica's Murder case-ah pawh thuhretu pakhat mumal loh lutuk avangin buaina kha aawm a. Amah te pawh an han tan tir leh rih tithe pawh kha a awm a. Chuvangin NGO emaw civil mite tanpuina tel lovin khawi Police mah hi a hlawhtling thei lo. Chuvangin, hei hi sawi hran leh ringawt thin hi a tha lova. A awmzia zawk chu kan sorkar, kan Home Department hian, kan Police te pawh hian mipui vantlang leh NGO te thlawpna nei tur hian thil an ti a, an che thiam ani. Kha kha hnathawh dan tur dik tak pawh a ni. Chuvangin, khalaja han then hram kha tihawm niin a lang lo.

Tin, kan Police te an chhuanawm em emna chu hei, case detection ah hian All India level-ah 42% an chhui chhuak thei a. Mizoramah chuan 84% an chhui chhuak thei a ni. Chuloliana Police tha, Home Department an thawk tha a ni. Hetiang avang hian kan ram pawh hi a tha zawngin tlem tlem hian a danglam chho hret hret a ni. Tin, IPC, case lian tham deuh Murder case tih angte pawh All India ah chuan an han chhui chhuah theih chu 81.9% a ni a. Mizoramah chuan 85% daih an chhui chhuak thei a ni. Khatiang avang khan kumin

hnaiteah pawh kum 2005 kan han tan khan January leh Februaary thla khan IPC case hi 544, khami thla hnih chhung khan aawm a, 2005 ah hi chuan 309 chuah a ni ta. Kan sorkar hi eng sorkar nge? Kan Home te, kan Police te hi eng anga khawsa a hnathawk thin nge an nih alang chiang em em a ni. Kan thuan tur angin emaw, an nih tur ang khami nek nek kha chu a awm lo ang pawh ka ti lo. Mahse, khatiang awm neuh neuh a ni chung pawh a hetiang an thawk thei hi an va han fakawm tehlu em! chumi avangte chu a ni. Hemi Police ho thawh that chauh ni lovin vantlang rilruah hian thil hi a in mobilize mekin ka hria a. Police hote, kan sorkar leh NGO te, NGO tih tham reng rengin sorkar cooperate zawngin thutlukna rawn neiin, tih tur fel tak rawn neiin an rawn ti ta zel mai a. Kan ram sorkar dan hi kan Chief Minister hian a khalh thiam hlein ka hria. Ram pumpui hi kan inthurual vek dawn niin a lang. Chumi rah zel atang chuan a ni ang kan Jail Capacity pawh Mizorm zawng zawngah hian mitang 104 an awm thei. Mahse, tunhma te kha chuan over crowded lutukin an awm thin a. Capacity aia tam tam kha manganpui khawpin an awm thin a. Tunah erawh chuan 172 lainn Jail capacity ai khan mitang kan nei tlem ta. Mizoram hi engti zawngin nge a than? tih kha mi a nileng lo tan chuan Pu Dy. Speaker. a chiang em em a ni.

Tin, ruihhlo vanga thi chungchanghuah te pawh hian kum 2001 ah 101 emaw a ni a, 2002 ah 92 tin, 2003 ah 136, 2004 ah khan a rawn sang ta hle mai a, 143 an ni a. Chutah Y.M.A. lam an rawn che a. sorkar ache bawk a, 2005 a hemi Drug related a thi kha 43 chuah a ni ta. Kan ram hi ava nuam em! Hian ngaihtuah ula kan ram kalkan tur hi, a tha zawngin, a ropui zawngin kan kal a ni.

Tin, ka zawhna achhannaah khan ruihhlo lo lut hi a pung zel tho nge, a ngai nge, tlem lam a pan tih ka zawhna an chhannaah chuan ziaawm lam a pan an ti a ni. Vawiinniah hian kan Home Department leh Department dangte pawh, vawiinniah a subject neitu an nih avangin thil zawng zawng han ngaihtuah hian kei chuan kan Home Department hi examnaah a chhe berah First Division ah an passed in ka hria. Hetiang hi kan kalmang tur anin ka hria a ni. Chu chu khalai kha kan duh tawk dawn ang a.

Tin, PHE lam hi hei hun ka nei tlem tawh a, sawi tam lo mai ila. Ram chhunga hna an thawhte atam em em mai a. Chutah chuan mahui bial mamawhte kan sawi thiar thiar a. sawi loh theih pawh a ni bik lova, han sawi ve lawk ka duh a. District Headquarters te hi chu thik phakah ka ruat lova, District kan ni ve lova, duhin bei bei ve mah ila. Amaherawhehu, District Headquarters pawh ni bik lem lo hei Zawhnuam te. Sairang te, Darlawn te, Vairengte te, Saitual te, Thenzawl, Kawnpui tibe hi a awm a. Kan en kan en a. Hnahthial Water Supply Scheme hi a hnuhmung berah Rs.nuai 46.48 in an thawk ve a, kan lo hre vak lova an ti rek rek a, an zo ta mai ni khan ka hria a, tui a pung vak lo bawk a. Hetih lai hian adang chu hei Zawhnuam te hi nuai 103 te a ni a. Darlawn te pawh nuai 112 te a ni a. Vairengte pheh hi chu 322 a ni a. Khawzawlte pawh 303 te a ni a. Ka ngaihdan chuan Hnahthialah pawh sawn tui tlachham tak vek kan ni a. Hnahthialin kan nei tha lova, Cherhlon te, Thingsai te pawhin an nei tha lova. Chuvangin apump a pump hi a harsa lutuk tih a ni thun a, mahse, hei tih ani tho zel a. Kan duh ve hle tawhin ka hria. Hnahthial hi, tih erawh chu kan sawi a ni. Tikhat ka hun a tawp em ni? (DEPUTY SPEAKER : A tawp der mai a, i bei thui viau tawh a nia a tawp hnu pawh khan, kan duhsak deuh che a.) R.D. hi pakhat lek kan sawi ve lawk ang e.

(DEPUTY SPEAKER : Ngawi rawh, i hmang rei lutuk bik ang. Aw, a nih leh minute khat ka pek belh ang che.) R.D. ah hian 3% kan cut thin an ti a, hei hi chu tihreh a thain ka hria. Mahse, BDO velah hian an lo cut leh tawh zel a. 4% lai jat emaw an lo cut a. Hmanniah pawh mi thenkhat an MLA hmu ka hria a. Tiang chuan hlep tur pawh kan nei hlei nem mawle, tia an MLA khan hotute hnenah a sawi sak tam ka hria. Hetiang neinuai hi chu awm lo sela a dan dik deuh hlek a kal hi R.D. hian tum sela a tha khawpin ka hria ka tawp mai ang e. Pu Dy. Speaker.

DEPUTY SPEAKER : Pu R. Khawpuithanga i lo sawm ang.

PU R. KHAWPUITHANGA : Pu Dy. Speaker, ka lawm e. Kan sawi hmasak ber duh chu Demand No. 25-na Water Supply chungchangthu hi a ni a. Hei hi kan hriat theuh angin hei khawpuithungte tui min pek danah te tunhma kum rei tawh tak ami kha tun thlengin kan ring a. A thar la commission theih loh anih avangin kan la hmang thei lova. Chuti chhung chuan thiam taka min enkawl a, tui min pe thei hi a mak hlein ka hre zawk a ni. Kan hriat theuh ang khan mihring 70,000 vel ilan tur a kha tunah mi nuai 2 chuang kan awm tawh a, chu chuan kan han ring thei ta a ni a. Engtingge min pek theih aw? An thiam hlein ka hria. Chuvangin fakawm ka ti a. Anni pawh an tang em em a, Department lam leh a enkawl tute pawh heti chung a tui nghei lova min haw siam hi a lawmawm hle a ni. A phun tam tam hi a dawng tam tam ni main ka hria. Chuvangin, thahnemngaihna thilah erawh hi chuan kan sawi tur chu a ni. Kei pawh ka bialah Ilimen-ah sawn zonal tank a awm ve a, han sawi ve ta ila mahai bial sawi takah chuan sawlai saw chu tih puittin deuh hlek a tui tling tha deuh a siam erawh saw chu ka duh ve khawp mai a, min ngaituah sak pawhin ka hria, chu chu kan ti ri ve duh hrim hrim a ni. Tichuan, Mizoram pumpui hi kal vel ila khaw te tak te te pawh, chhim tawpah te pawh tui hi a lo haw tur tur a. Department-in tui a lak sak te an ti a hei Zebtet khua te thleng pawh hian kan han hmu a, heng zawng zawngah hian tui hi hrianghuar takin thingtlang ah te pawh an pe vek thei ani a. Department hian min enkawl na hi a ropui hlein ka hria a ni. Amaterawhchu, hei tui fur te a lo tla leh dawn ta a, a link drain lam erawh hi chu a buaithlak hle mai a. Kawr te a lo thuk tual tual a, tui kawr siamna a drain system a hi tih thuai thuai loh chuan kan tawh leh chuan leimin hi anasa duh em a. Helajah hi chuan chakzawka kal dan hi awm thei sela tih hi a tha hlein ka hria a. PHE min enkawl na hi chu a lawmawm a, khalamah erawh hi chuan tan lakna tur lai erawh hi chu a awminh ka hria. Chu chu kan sawi duh a.

Trade & Commerce hi ka'n sawi leh duh deuh a. Hetah hian bul intan kan ni a, ramdang nen insumdawn tawna border trade bikah kan hriat angin Kawrpuithluah lamah building te sak a kawngte laih a ni a. Tin, duh angin chungpawh chu la tih kim loh a ni a. Zokhawthar lamah te bul kan tan a. Lei te dawh that a ni a. Sorkar hian nasa takin hna athawk tawh a ni. Tin, a lawmawm lehzualna chu abik takin kan Chief Minister zahawm tak pawh border trade chungchangthuah Dhaka ah vawikhat a kal tawh a. Tun hnai lawkah kan briat theuh angin Delhi-ah azuk kal a Prime Minister-te hmuin anni pawhin an lo

sawm a. Hei kan ram hausakna hi Mauah hian nasa takin a awm a ni tih hi a potential hi a lian em em a ni tih hi kan hria a. Chumi atan chuan engtingge niang tih kawng a kha zawn a ngai ta a. Hindustan Paper Mill ina helaia kan bamboo chip te an duh duh anga rate siama min kalpui mai te pawh hi a tha lova. kawng dang kan zawn te pawh hi thil pawimawh tak a ni a. Chuvangin kan Prime Minister meuh sawma kan Chief Minister ten khatiang sawma lawm,awm tak an han dawng kha kan ram tan malsawmna niin ka hria a. Hei hi kan kal hunah pawh border trade hi tih puitlin a, kan Mau te leh thil dang, tin, ram dang atanga kan lak lulna tur thil dang dangah te pawh kha thil ropui tak hi border trade atang hian lo chhuak tur niin a lang a. Ram hausakna hi aram chhungah ngawt hian a awm lova, ramdang nen insumdawn tawna anih avangin remchang tak mai kan nei ve a. Land lock a awm ni mah ila, land lock loh dan a kha ngaituah dan chi hrang hrang hi a awm ve a ni. Chuvangin chumi kawngah chuan Trade & Commerce bika kan Chief Minister te leh a Department ho hmalakna hrim hrim pawh hi bul kan intan chung hian kan hmabakah hian thil ropui tak tak hi awmin ka hria a. Hei hi thil lawmawm tak niin ka hria. Chuvang chuan tuna helai demand ang chi te pawh hi pass a chakawm hle a ni.

Tin, Demand 16 na Home chungchang thuah hian kan sawi tam tur a ni a kan sawi tam tavh bawk a. Kei pawh han sawi ve ka duh a. Kan ram hi kan hriat theuh angin tunhmain kan buai a, upa lamte chuan buai hreawm ziate pawh kan hria a. Amaherawhchu, inremnaah hian inremna tha tak mai kan han nei ta a. Kristian ram inremna awm tak mai kan hotuten India sorkar nen remna min han siampui a, hengah hian lungrual takin kan kal chho zel a ni a. Tuna sorkar ina dan leh thupek akenkawh dan te hi a ropui hlein ka hria a. Tin, chumi kawngah chuan NGO te pawhin an tanpui tha a, kan ngaitthlak tak ang khan Mizoram pumpui hemi kawngah hian a tu ate pawh, I dinglam ami te pawh I vei lam a mi te pawh a tha zawngin kan kal chho zel turah ka ngai a. Nichin lawk khan kei pawh kan dep ramah te kan kal ve a, Tripuraah te, Manipur-ah te, Ram ralmuanglo nih hi chu a hreawm em em a. Manipur ah te kan han kal a, zan hmih khat lek riak kan ni chungin silai a ri zut zut mai a, a ralmuang lo em em mai a. Churachandpur kan han kal te pawh a hmingin MLA rual chauh kan ni a, ven tup ngaiin a lal awm mange aw tih turin hmamam leh hmunglamah min han veng tup mai a ni a. Mizoramah te chuan Minister te pawh ven ngai lovin duh duhnaa an kal thei ringawt te pawh hi a lawmawm em em a ni. Hei hian dan leh thupek kenkawhna lamah kan sorkar hian hna athawk tha em em a ni tih kha hriat a tha a ni.

Tin, mipuite pawhin dan leh thupek kan zah ani tih kha hriat theih bawk a. Chuvangin hemi kawngah hian kan Police Department te hnathawh aropui em em a. Tin, an inpek nasak zia hi Republic Day ah te, Independence day ah te pawh lawmman an han lek a, an hnathawh dan chanchin, an service lawmman la tlak an ni em tih an chanchin an han sawi te hian hnukulh teuh khawp hian kei ka ngaitthla thin a. Ram tana an lo inpek nasatzia thih pawh hiau lova an tan theih zia te hi a ropuiin ka hria a. Tin, misual an zawn chungchangthuah te pawh man zung zung lo thei pawh anni lo. An taima em a, chuvangin kan Police force te hi inngahna tlak an ni a, a ropui hle thinin ka hria.

Tin, case an chhui chhuah chak zia te leh thil dang dang ah te hian crime lo hniam tak zel chungchang thute, tin, kan ram hi ram hmawrtawng aawm kan ni a arms trade te pawh hi awm tur a ni a. Chungah te pawh

chuan Arms Smuggling te pawh a awm e tih a an han sawi thin te pawh hi a dik pawh a niang. Hei aman te pawh an man nual niin a lang a. Sophisticated arms te pawh hi 20 lai. tin, silaimu te, granade te, rocket launcher te pawh an lo man a kan hriat loh karah. Hengte hi an thawk ropui em em ani tih tilangtu ani a. Chuvangin abik takin ramuang tak a, ngam taka kan awm theilna te hi kan Police te vang a ni a. Tin, chubakah chuan kan NGO te pawh sorkar an tawiawm tha a, sorkarin a tawiawm bawh a intawiawm tawn kan ni a, chuvangin hma an lakna kawng hrang hrangah te kan ram tan a an hnathawh te hi a ropui a. A bik takin YMA te hnathawh hi aropui a, keini pawh YMA tho kan ni a. Chuvangin heng kawngah hian kan sorkar nen an thawh hona zel pawh hi tha sela. A dik bawh a, that pawh a tha a. Tin, mihring ina kan hmuh theih ramdang atanga harsatna rawn siamte Police ina case an chhuichhuah te leh misual an man te leh thil dangah hian a tha hle a ni. Amaherawhchu, hei aia ral hlauawm nia ka hriat chu keimahni ina kan siam chawp ang chi, kan thalai rualte ruihhlo an han buaipui leh an thih phah zawih zawihna kawngah te Excise te leh kan Police Force ten nasa taka tan an lak avang te leh NGO te nena lungrual taka hma an thawhna avang hian heng manah pawh hian a lo tlahniam zel a, tang zel sela a thain ka hria.

Tin, chubakah Kohhran hote pawh hian nasa takin hemi kawngah hian hma an la a, kan sorkar bakah intawiawmna atha a. Heng zawng zawngah hian Pathian malsawmna ropui tak kan sorkar leh administration hian a tel niin ka hria a. Tin, a Police te chu lo tha em em mahsela kawng khatah chuan a rorelna kenkawh tute hian kan thiam loh chuan harsatna athleng ve thei a ni. Manipur-ah te pawh a ni thei ang a, Assam-ah te pawh chi leh chi inkarah harsatna a awm hi chuan administration a that loh hi chuan harsatna hianpui a lo chhuak a, Police ringawt ina a enkawl theih loh CRP te leh Armed force te rawih ngai hial a thleng thin a. Heng kawngah hian Diplomacy thiam taka administration kengtuten an ken a ngai thin a. Chutah chuan a bik takin kan Chief Minister, kan hotu lu ber pawhin diplomatic tak te politically te pawhin administration aken avanga hengte pawh hi thleng niin a hriat theih ni te pawhin ka hria a. Chuvangin kan rama heng kawnga rorelna tiuang taka min kalpui tute avangin heng zawng zawng hi kan thleng thei niin ka hria a. Chuvangin kan demand te pawh hi pass chakawm emem niin ka hria a ni.

Tin, Rural Development-ah pawh hian sawitur atam em em mai a. A bawrhbang zawnga sawi tum tan chuan leh eng engemaw te chu an nei taknaa amaherawhchu, kan hmasawmna atana thingtlanga kawng an laih te, tin, hall an sak te, SGRY te leh tanpuina chi hrang hrang an pek chhuah te hi a tam em em a. Anni hi mipui tjhlen gphak kan tih kan hriatthiam zawng ang semtute kha ann I a. An sem zawh han en hian a lungawi thlak viavin ka hria. A lungawi thlak loh lai khawimaw lai kher chhuah tum chuan sawitur chu a awm ngei ang a, amaherawhchu, a Department kengtute, a thawk tute zawng zawng hian R.D. ahma an lakna hi Mizoram hian kan chhawr em em ani. Kan Lok Sabha M.P. zahawm tak Pu Zawma hian thingtlang khua Madhya Pradesh ah te a fan thu hmana a sawi ka hre tawh a. Central India-ah khuan an khawsak te a hniam em em a, keini Mizoram hi chu changkang tak kan ni a ti a ni. Chuvang chuan kan sorkar in a bik takin R.D. te pawh a ni ang a. Department dang te pawh a ni ang a, hemi lama min kairuaina zawng zawngah hian sorkar dangte aini kan hniam bik lo hle a ni tih kha a hriat a. Chuvangin vawinniah hian heng demand hrang hrang hi pass ngei tur pawhin riru kan siam tul hlein ka hria a ni. Ka lawm e.

* Speech not correct.

DEPUTY SPEAKER : Awle, hei kan hunbi tuk pangngai dar 4 minute 5 pawh kan nei ta lova, hei member 18 in kan sawi tawh a. Member pathum pali vel bawr kan la awm a, tih dan pangngai angin kan han chawh leh rih anga, atha mai ang em? Thingpui ina han chawh leh zawk kha. Tiang zawng chuan hun hmang ta ila a tha ang e. Darkar chanve emaw chawh ta ila dar 4:30 ah kan lut khawm leh mai dawn nia.

R E C E S S

DEPUTY SPEAKER : Tikhon kan business kan tan chho leh ang a. Hei member sawilo kha 4 vel kan awm a. Pu Lalrinliana Sailo hi sawm phawt ila. Ani dawtah hian sawitur dang kan awm loh chuan kan Opposition Leader kan sawm leh ang a. Tichuan, sawihona chu kan duhtawk chho mai ang chu.

PU LALRINLIANA SAILO : Pu Dy. Speaker, kan Treasury bench lampangin ngaihthlak an hlau anih ka ring, an muang em mai. Chuvang chuan tawite han sawi ve ka duh a. Demand 33-na leh 38 hi sawi pawh ta ila tawi te tein. Kan sawi tawh thin a, Soil ah hianin hemi thingpui hi Soil in an la dawn tih te Industries tih lai bawr vel a hi thingpui chingtute kan sawi tawh thin a. Khing Ngopa tiangdung te, Khawhai, Biate tih te khi an buai thei riau mai a. Pu Deputy Speaker, hei hi niru chia a siam lovin Chiang fek fawka kal a tha ngawtin ka hria. Chuti lo chuanin phone te kan dawng thina a buaithlak thei riau a ni.

Tin, R.D. ah hian hmaniah Sakawrdaiah BAPD atangin MST (Bus station nge ni aw ka hre lo) kha kha an han sa dawn a. a MST Department lampang khan (Transport Department) ah an hre lo reng reng mai a. Khalaiah khan pawisa awmsa kha Department ten an va sak sak dawn chuan an hriat kha a tha ngawtin ka ring. A Jihan chu Sakawrdaiah kan kal a, a lunun tur te, a sak dan tur engkim mai kha an zawng chiam mai a, an rawn phone let thla a helamah Transport Department te kha, chu chu ka dawn dan a nia. Khatiang kha a ni deuh nuai mai a. Min hirih dan a nih avangin Pu Dy. Speaker, ka'n sawi a ni, fimkbur zawk nan tih that zawk nan.

Tin, tui chungchangah hmaniah kan sawi tawh a, Biateah te, Sialhawkah te min pek sak a, kan lawm khawp mai sum hi a awm nia kan hriat avangin ngen ngawl taka ti kan ni a tukin lama kan pass tawh naah. Biateah khianin Composite Water Supply Scheme a khi kan sawi tawh thin a. Hei lawna deuh ka nei a, North Vanlaphai bialtu zahawm tak khan a rawn move ve tho mai a. Biate ah khian dah ta ilangin khimi Khawhai bial zawng zawng Tualte tel lovin an ni thei vek a. Tin, North Vanlaphai bial zawng zawng khian an ei thei dawn bawk a. Tin, khutah Serchliip Project ina aman loh Bungtlang te, Keitum te, khang zawng zawng pawh kha a ni thei dawn a. Khi khi Project awm tawh sa Estimate leh engkim siam a central ah pawh thehluh tawh sa niin ka hria a. Khi khi tibran nise a tha ngawtin ka hria.

Tin, chutih rualin Pu Dy. Speaker, nichinah kan ngaitihla tawh a, chawhna lamah Greater Water Supply Scheme Aizawl Phase II hi alan danin document en thlin thlepa tih a ni a, tizat mai pawisa vaibelchhe 10 tel leng vak vel leh khatianga kual vel thin kha a diklo hlein ka hria a. A pawl ngawtin ka hria. Hengte avang hian a ni vawinniah hian thingtlangah te pawh duhthusara a motora han chawina tur pawh kan neih theih lohna chhan hi. Khatia duhna lai vela han bawh hluai mai a, mipui hnena thleng thla leh silo lai a nih dawn chuan ava vanduai thlak dawn ve le aw ka ti a. Chutih rualin kan ngaitihlak tawh bakah sorkar ina Chief Secretary meuhina a rawn ziah chhuah 'Major Development Project taken up by Govt. of Mizoram' tih a ziah khan hei a lang chiang a. Tin, ka hma amite sawi ang khan March 2006 a tui pek tur a ni Aizawl-ah hian. A la hla hle mai. A hmunah ka zuk kal ngei a, a hla em em mai a, pawl ka ti khawp mai hei hi vawinniah hian kan vengah leh mi vengah te kan kual a, hemi tui pump chhuahna ang chi pawh hi an intlar duah mai a ni a, zan rei tak tak thlengin. A pawl ngawtin ka hria Pu Dy. Speaker.

Tin, Home-ah kan lut duh a. A lawmawm a crime rate tlahniam te chu kan sawi tawh kha, a lawmawm khawp a. Aiaaherawhah chutih rualin, Unstarred Question Pu Sailothanga Sailo Kawnpui bialtu zahawm tak zawhna 21 naah khan 2005 Budget Session leh tun inkarah Mizoram ah tualthi engzatnge awm? Tutenge, engvangnge a ti a. Kumkhat chlung lek, kumkhat pawl thinglo chhungin tualthi hi mi 25 anni. Engvangnge tihna ah chuan, vabhtun sawisak hlum, kuttuara thi a tam lutuk ringawt mai a ni, a crime ahi a hian hle mai a ni. Tin, mahring kuta hlian tuar engzatnge? tutenge? tih hi an ziah leh kaih mai a hei, chiang takin question a answer naah, zawhna hanna ah. Mi 126 latin kuttuara kan ramah hianin kuttuara hlian an tuar na ani. Tin, In thiah sak 5 a awm. Tin In hal sak 11 a awm. Khang hmu ho kha a lawmawm khawp mai. Mahse, alo chhe hman em a ni kan ramah hian. Pu Dy. Speaker.

Tin, Hnaththial bialtu zahawm tak ten an sawi a, leh, midangte pawh khanin an sawi thin a, tlawmngai pawl tena hma an rawn lak hnua hian a hniam chauh, an rawn tih kha ka pawm thlap mai. Tlawmngai pawl NGO tena hma an rawn lak chinah hian an mangan tawp tawh avangin law and order maintain ah kan tlakhniam lutuk avangin tlawmngai pawl te puakkeh mi thahnemngai te puakkeh in thih leh thih tia beih avanga heng pawh hi hniam a ni. Chutih rualin ni e, a thalai te chu a lawmawm tho mai tih kha kan sawi duh a.

Tin, Mamit bialtu zahawm tak khanin nichin khan a rawn sawi a, film lekha a sawi a, nikam lama CNA camp an va beih chungchang sawlai Mahreh bufa film siam ang te kha chu a script ziaaktu kha Police, emawni, khatiang kha chu ziah tawh lo se a tha khawpin ka hria. Kan sawi tawh, a huaisen ka ti Camera man te kha. Silai a rawn puak dut dut mai pawh chiang em emin hmachhawmin a lo la ngam a ni a, a huaisen hle mai. Chuvangin silai hmachhawmin zawng khanin engkim mai kha arawn kam rup mai a nih kha. Lih duh lohna hmun te a awm a, chuvang chuan hetiang anga lemchanna khayvelah hian kan. Police moral hi a down chu ka ti lova, a down ang tih ka hlau em em a ni. Tin, kan zawh leh duh leh, kan pawisa hmanna te hi Pu Dy. Speaker, Chungchangah khanin kan ngaitihla tawh thin a, anih leh ... kan tih pakhat cheng... man te kha kan hmang tangkai ta em? Tih ka rawn zawt duh a, engeni a chanchin zel? Hemi zu checkna hemi zu an in nge in lo tih lanna, Alcolizer pakhat cheng nuai khat sing? man tekha kan hmang tangkai ta em? Kha khan zu in engzatnge an detect chhuah tak tih te kan hre duh a.

Tin, sawlai bazaar leh helai R & R pawlin a Sypoulin pakhat cheng 700 bawr vela an supply leh kan lei theih lai a, cheng 3500/- man te kha hman tangkai a ni ta em? tih te kan zawr duh a. Tin, tunah hianin Khawzawl a I.R. Battalion ah te, Champhai ah te, Mamit ah te, Serchhip ah te atam a, khaia Wiremess pal hangna ang chi kha hman lova tiang er maia khi engtika hman tur nge ni? A pal ringawt mai a kha cheng nuai za tam man kha ahan supply a ni a, kha kha khawiah nge engfinnge an hman dawn? A ban phunna tur an pe leh si lova, Cement aawm hawk si lova, tikhian an dah tawt mai dawn em ni? Chu ai chuanin hman tangkai tak tak kha a tha hlein ka hria a, tih kha kan sawi ve duh hawk a.

Tin, tunah hian Police hi ka lo tehna thinah chuan khawvel ah kan Mizoram Police hi an tha berin ka ngai thin a ni. A chhan chu ... Kha an tha e kan ti thin, amaherawhchu, crime ani a maw investigation an neih dawn hian pawisa a involve tam em em thin a, khulamah chuan. Mahse, kan Mizoram Police tekha chu pawisa involve tam si lo khanin crime kha an detect chhuak zung zung mai a, tualthihna a ni emaw ruk ruk a ni amaw, khatian khanin. Mahse, tunah hianin tikhawp hian a lo chhe ta hi a pawika ti khawp mai. Vawiinnikah hianin DGP thar te kan nei ta a, heng atang hian beiseina sang pawh hi ka nei deuh chauh a ni, a mangao thlak ngawt mai.

Tin, nichinah an sawi tawh a, an form te pawh hi ngati nge vawiinni thlenga ti ang ti si a, suhmui ang reng si a, an tih theih thai loh? an Uniform te ration money te hi, heng hi chu kan han sawi leh ngawih ngawih a ni. Tin, nikum khanin ka sawi tawh a he House ngei ah hianin. Traffic Police chungchangah tuna kan DGP hi hmana a rawn chhuah hmasak khaan a rawn ngainpawimawh chat mai a, tichuan. December ni 31 zan a lo ni a, boruak a tha em em na in a zova January ni 1 ah lawmthu kan sawi nghe nghe a ni. Tiang chuanin tunah hianin mamawh kan la nei thai mai, kan sawi tawh thin, hmannah rem leh rem lovin kan sawi ngawng ngawng a, manual lehkha executive order in emaw an tichhuak leh mai dawn emaw ani ang a, khang tepawh kha awmze nei takin kal nisengin. Tin, S.P. hian a huanpaim nei se, Traffic management hi train tha a fel taka train nise tichuanin awmzia a nei ang. Tute emaw unit recomment emaw, block recomment emaw, khawi emawlai ami hmun hla deuh ami pawhluh nan a hman a, rem leh rem lova phar mai mai heng te ai chuanin, train thap mai a, S.P. pakhat hnuai a awm a khatianga manage fel taka awm kha a tha ngawtin ka ring, ka lawm e.

DEPUTY SPEAKER

: I duh tawh ang, le tikhan kan Opposition leader, midang sawi tur kan la awin em aw, kan awm loh chuan kan Opposition leader kan sawm anga, hun pawh them kan pek belh turah ngai ila a tha awm e.

**PU LAI THANAWLA
LEADER OF OPPOSITION**

: Pu Dy. Speaker, kan member zahawm tak tak ten ruling inni emaw opposition inni emaw kan sawi tawh hlawm a, an sawi te kha point tha tak tak an ni a, keini pawhin

A kan sawi hual deulte, amaherawhchu, repeat loh a thain ka ring a tin, House ina a hriat tur chu heng demand kan han sawiho atang te hian, a dik lo lai leh a tha lo lai ringawt thur chhuak kan ni hranpa lova, a tha lai te a lawmawm lai te tam tak a awm a ni. Amaherawhchu, hun a tawi em avangin, khang kha sawi nawn a ngai lo a, thahnem ngailhna avangin, duhthawhna lai hi an sawi deulivek a ni tih hi hriat athain ka hria a, lawmthu sawina tur a awm ang, sorkar a pumpa veah chuan, chungah chuan a tul chuan kan sawi hnial loh zia kan hre tawh a, bill thlengin kan pass mai a ni a, amaherawhchu, tuna opposition anga kan han sawi duh tam ber abi chu, kan duhthawh lai hi a ni a, duh ang tawka sawina hun a awm thin loh avangin, chu chu inhriatthiam tlan a tha viauin a rinawm a. Sawichhiat tur emaw sawisel tur emaw zawn hrim hrim vang lam a ni lova, a tha tam tak zingah duhthawh tur lai hi chu a awm ve ani tih hi treasury bench lam atang pawhin pawm mai selangin chulai zawk a chu, hun tem vangin kan zuk cheng thin a ni tih hi inhriatpui thain ka hria a.

Hei demand 44-na hi hmanni lawk khan Vairengteah ka zuk kal a chhungkaw thilah. Khulaiab an lo sawi nasa mai a amahri a victim ngei ngei te pawh ka zuk luma a, nichina zing lama kan ngaihtlak tawh ang khan. Helai ah hian chhiab an lo la ve ringawt mai a. Mizoram atanga chhuak tur a hi. Khami tekha incentive pek a theih ang ang a transport subsidy te pawh pek zawk awm tak a ni a, kan ram thil thar eng eng emaw te an thehchhuak ve kha. Chuti zawng ni lova, tax zawnga an lo thleng hi chu incentive tha lo tak a ni a. Hei hi ngaihtuah ran a thain ka hria a. Kan hriat tawh angin Trade & Commerce hian ni e MAMCO atang ten enge a thawh tih hi ngaihtuah ilangin, chhuan tur tam tak a awm loh hmel hle a ni tun thleng hi chuan keini ang han hriat ve chinah hi chuan. Sawhthing a rate a that kumin an inrawlh a, a rate a vai tenen engtinemaw inkawpin tiang khan an tih chingpen sak a, tih bak hi chu avang khawpin ka hria. Chuvangin helaiah pawh hian insiamthat tulin ka hria a.

Tin, Soil & Water Conservation hi Department pawimawh Pu Dy. Speaker, a pawimawhna ang hi kan la hre lo zawk emaw ni chu aw tih tur ani a. Thil siam zawng zawng hnena chanchin tha hriat tur kan ni a, kan ram leilung kan nghaisak dna te hi vawinniah hian a uihawm khawp mai a, tin Water Conservation chungehangah pawh hian zirtur tam tak kan nei a. Hemi kawngah hian zokhaw lama kan mipuite zirtima kawngah hian tun aini luma tha zawka lak theih dan a awm a ni. Tin, Project hrang hrang zingah Mat Valley project kan tih thin a kha, khimi Mat Valley area development a kha vaibelchhe engemawzat lai man ani a, Central lamah pawh min phur pui viau atunah hian enge a an tak aw tih hi kan hrezui ta lova, khi khi tihpuitlin chu niselangin hetah Hnahthial zawn thlengin lonei mi ten irrigation ah a hman theih a.

Tin, chubakah, Power megga watt khat leh achanche vel lai generate theih tur avmin mithiam te khan an sawi a ni a. Chutiang chuan a project te pawh kha an siam kha a ni a, chu chu tunah hian enge a chanchin aw tih kan hrezui lova. Hnanniah Central ah Water Resourcess Minister nena kan inhriat tunin ka sawi a, min phurpui viauin alang a, enge a an zui tak tih hi hriat a chakawm hle a. Tin, Railway development hi, hei U.P.A. sorkar hian a duhsak nasa hle mai a, tuna kan Finance Minister-ina a budget speech-ah pawh khan Bharat Nirman an tih ringawt hnuaiah pawh hian hei a lo ding sa, project hrang hrang ding sa hemi zuk belchhah na tur a hi a tam hle mai a ni. Hengah te hian tun anga akal hi chuan beisel tur aawmin a lang lova, PMGSY kan tih ang te hi hmanni khan Lunglei District a ka

kalin Thinefal atanga Thlehnawn kawng te saw min enpui ve hrim hrim a thawkzo vek tawhian an insawi a, mahselangin an thawh an sawi a, an thawh kha a chhiat lutuk avangin P.W.D. in an thual sak a. a amount nuai 140 leh engemawzat lai kha chu an la vek tawh a, an draw vek tawh a ni. Mahse, keimah ngeiin ka han zawh a, Thlehnawn chu a la thileng lo nasa mai a, kawng awmsa, tunhna a mi thin kha, a thlenga chu chu engtin tin emaw an thual a an han ti zau hret a ni a. Chung ang chi chu heng hmun tam takah hian a awm a ni tih hi a lang Chiang khawp mai a, helai a C & A.G. report kan lo hnuah pawh hian kan la chhiar tha hman lo nain helai Rural Development chungchang an sawi ringawtah pawh hian cheng vaibelchhe 7 leh nuai 676 chu hman tawh angin sawi a ni a, mahselangin basic minimum service a proposed tur a an tih ah chuan an la hman tawp si lova, tih te an ziak a ni.

Tin, PMGSY hnuaih fair weather road in all Rural Connectivity road in 248 a la thawh loh zinga 73 thawh tir na tur atan cheng vaibelchhe 118 hman a ni an ti a, mahse, chutah chuan khaw 17 chauh kum 5 chhungin an khawih tir si a, tih te hi a chhuanawm loh khawp mai, R.D. Ministry hnuaih thil awmah hian. Chutiang zelin hei cheng vaibelchhe 16 leh nuai 64 lai chu kawng siam nan an hman g tiin a inziak a mahse, he an kawng siam an tih hian mihring chenna khaw pakhat mah a khawih lo lehngal a, an ti a ni. Chutiang zelin chuan hei atam mai a, hei kan sawi hman lo ang a. Vaibelchhe 2 leh nuai 50 zelin sub-standard road siam nan an hman tih ang chi te, heng hi thil chhuan awm lo tih a ni a. A chhuanawm loh rural rual hian Zokhaw mi ten an tuar bawksi a, tute emaw lo hausak thar thut phah chu an awm aniang, amaherawhchu, Zokhaw lampang an tuar a ni. Heng hi en that hle a ngai a, kan hotuten an sawi tawh thin a, hemi an sawi chung pawh a an sawt loh chuan engtinge kan kal zel an gtili hi ngaihtuah tham a tling a ni.

Tin, tunah hian kawng 14 laih mek a an insawi a chu vaibelchhe 29 leh nuai 64 an seng tawhmain, National quality monitors te chuanin 'Sub-Standard very much unsatisfactory' tiin an remark ani. Chutiang chu a ni a. Pu Dy. Speaker, kan ram hi kan vanneih dawn tehlu nen hen ghi a hmanna tur, dik taka hman ni selangin. Hei Finance Minister ina Bharat Nirman Programme an puanah pawh hian, irrigation ah te, kawngah te, water supply/drinking water supply ah te rural Housing ah te Rural Electrification leh Rural Telecom connectivity, hengah te hian pawisa tam tak tunah hian an rawn dah a ni a. India ram pumpui a hman turin cheng vaibelchhe 5500, hei lo pawh hi a hang ala awm a, provision of Rural Amenities), (rural area development) helai pawh a kan President in min rawn address tuma an rawn sawi kha, hei hi a brain child a ni nghe nghe emaw ka hre lova. Provision of Amenities in rural areas hengah te hian tunah hian cheng vaibelchhe sangnga leh zanga dah nin a grant component ringawt pawh cheng sangkhat leh zaruk leh sawngga a ni. Pu Deputy Speaker heng ang atanga lo kai kan chan ve turte hi tun ang mai mai a R.D. hian a hman dawn a nih chuan thatpui a hnekin Mizote zingah inthliama, innghinghona siantua a ni ang tih a hlanhawm khawp a ni. Chuvangin, heng ang hi tun hnu zelah fankhur zawkin R.D. Department hian an kalpui a ngai ang tih hi ka briattir duh a.

Tin, hemi hnuaih hian an Ambition hi a sang hle a ni, Pu Dy. Speaker. Chuvangin hengte hi kan hman that chuan kan ram hian nasa takin hma kan sawn chho thei dawn tihna a ni.

Tin, Law & Order chungchangah hian Pu Dy. Speaker, kan Police te an chhuanawm, hna pawh an thawk nasa, amaherawhchu, Assam-in Police Battation 27 emaw lai nei ta se keinin panga nei ta ilangin a population ratio-ah chuan nasa takin kan inthlau ani tih kha chu hriat mai tur ani a, population-ah kan in an loh em avangin. Tichuan, tunah hian nichinai kan ngaitlha tawh a, tualthi ringawt te, mihring kuta hiam tuar ringawt te, mihring kuta In leh lo thiah sak ringawt te, In hal sak te, khatiang kha incident hi a sang hle a ni. Hemi avang hian sawrkar kan dem hranpa love, Police kan dem hranpa lova. Amaherawhchu, hetiang hi a nih chuan mi tam tak fan chuan a ralmuang lo tih a hriat theih a. Tin, hiam tawrh dante hi chi hrang hrang Silai atangte leh thil hrang hrangin a ni lehngal a. Chuvangin, hengah hian improvement siamna tur tam tak a awm a ni tih hi kan sawrkar hian pawm se a thain ka hria a.

Tin, Pu Dy. Speaker, Bru unaute 195 an in surrender tih kha alawmawm a, kan sawrkarin khatiang a tih khan, amaherawhchu, engatinge heti zat lai in-surrender-ah khan a tukah khan Bru unaute khan an kidnapped rukbo theih kha an la neih mai le tihte kha keini ang mi naran tan chuan ngaituah tham tak a ni a. Tin, an zingah khan Zorama piang ni lo an awm a ni tithe keini pawhin kan hre ve a ni. Chuti chu a nih si lain engatinge tiang hian kan sawrkar hian hengho hi a enkawl tih kha ngaituah tham tak a ni a. Tin, khang in surrender-na tur atan khan kan sawrkar hian an uniform lei nan te, an pheikhawk lei nan te cheng engzatnge a sen ang aw tih zawhna hi mipuiin kan ngaituah a ni. Underground ho a an rawn in surrender a an kawr hak kha a thar hlawm em a. Tin, Silai te an neih mumal loh avangin khangho bik khan an rawn surrender duhna atan khan kan sawrkar hian Silai engzatnge athawh tithe pawh hi mipuiin kan ngaituah a ni. Chutiang chuan CAN (chin) unaute umchhuah an nih pawh khan kan sawrkar hian Silai engzatnge a thawh ang aw, an tlanchhiat san kan Police ten an man tu kha tih hi Mizo mipui ten kan ngaituah a ni. Chutiang chuan hei kan Police te an chhuanawm rual rualin kan sawrkar enkawltuin a enkawl dan a dik loh chuan 2003-a inthlan lai Suangpualawna inrukbona lem te pawh kha vawinmi thlengin chhuichhuah a la ni lo te hi a vanduaithlak hle a ni. Pu Dy. Speaker, Chuvangin, kan sawrkar hian kan Police tha tak takte hi tun aia hman tangkai dan ngaituah hi a pawimawh khawp mai. Chuvangin, kawng hrang hrangin tan lakna tur an nei ani tih hi heng kan sawi mai atang pawh khan a lang thei a. Hun a awm tawh lo a nih chuan a tihngaihna a awm lova. Engpawhnise kan sawi duh chu kan PHE Minister-ina hmanna House Leader zahawm tak awm loh hlana Electric lampang chungchang kan sawi ni a Opposition te khatiang taka min ti te kha a thinnat thlak viau mai a, "an duh loh chuan hman ve lo se a ni mai a lawm," in tih ang-zawng kha. Kan duh loh vanga kan sawi ani lova, tin, tukinah MPSC chungchangah politic a inrawlh lo maw tia Opposition lampang daih Politics la lut tuma inpuhte kha inpuh dan kalphung a ni lova, inpalzut tumna, inhmuhst lampang a niin a lang a Pu Dy. Speaker. Chuvangin, Senior Minister te lak atangin khatiang kha kan beisei lo a ni tih hi he House-ah hian ka sawi duh a ni.

DEPUTY SPEAKER

Awle, tunah chuan sawihona hun chu kan duhtawk mai ang a. Kan Minister zahawm tak Pu Tawnluia kan sawm anga. a Demand te rawn Wine-up in pass han dil nghal se a tha ange, i lo sawm ang.

PU TAWNLUIA
MINISTER

Pu Deputy Speaker, ka lawm e. Hei vawiinniah ka Demand, Department 3 a mite member zahawm tak tak ten thusawi apiangin an rawn sawi a a lawmawm e.

Kan ngaihlak tak ang khanin enge maw sawisel ngawr ngawr ni lo, inpuhchhiat tum ngawr ngawrna rilru ni lo, a tha hawi zawnga constructive deuh maia member zawng zawngten participation an neih avangin lawmawm ka ti takzet zet a ni.

A hmasaberin ka Demand No. 13-na Department of Personnel & Administrative Reforms-ah khan tawite han sawi hmasak ka duh a. Hei kum 5 chhung kum 2001 atang khan he Department hian service Rules leh Recruitment Rules tha siam leh siamthatna kawngah hma a la chho nasa hle a. Hetiangin Group-A hi Department 28-ah an Recruitment Rules kan siam fel a. Tin, Group-C hi Department 19-ah an R.R. kan siam fel a. Group-D Department 3 ah R.R. siam fel a ni a. Tin, Group-A Department 17 ah R.R. amendment kan siam a. Group-B Department 3-ah R.R. amendment kan siam hawk a. Group-C Department 11-ah R.R. amendment kan siam a. Tin, Service Rules hi Department 8-ah kan siam a. Tin, Department 11-ah khan Rules leh Regulation kan siam hawk a. Chutiang ang chuan he Department hianin kawng hrang hrangin kan Service Rules leh Recruitment Rules te a lo buaipui chhoh dan kha vawiinniah hian kan tarlang duh a ni.

Tin, M.P.S.C. hian kumtin hian Central Service te, All India Services Exam hi a conduct ve thin a. UPSC exam hi wawi 12, SSC hi wawi 7 lai MPSC hian a conduct tawh a ni. Kan sawi duhna chu MPSC hian Mizoram State Service chauh ni lovin All India Service leh Allied Services Examination te pawh UPSC in a rawn authorized angin a conduct thin e tih kha Pu Dy. Speaker vawiinniah hian kan sawi duh lawk a ni.

Pu Dy. Speaker, ka Department chan Demand No. 16-na kha han sawi tan dawn ila. Kan ngaihlak tak ang khanin tunah hian Mizoramah Remna leh Muanna boruak tha tak mai hnuaiah bilim takin mipuite kan khawsain development programme pawh tiang hian kan bawhzui chho thei zel hi Pathian malsawmna leh kaidruaina ropui tak kan chang ani a. Chuni lo awm theihna chu Sawrkara a mayhphurtute leh mipui te. kan NGO te thawhthona, chung zawng zawng tlingkhawm chuan vawinni kan boruak muanawm tak hi min thlen a ni tih kha kan sawi duh a ni a.

Tichuan, Pu Deputy Speaker, vawiinniah hianin Home Department-ah hian kan kutke ber mai chu kan Police te lu an ni a. Tawite tein an hnathawh leh an nihphungte han sawi ka duh a. Pakhatnaah chuan kan ngaihlak tawh thin angin kum 5 kalta chhung khan Mizoramah hian khaw 146-ah chuan thubuai/hlabuai sawrkara report ngai leh chutiang ang thilsual tilna chu a awm miah jova. Hei hi a ropui em emin kan hria a. Khaw 146-ah khatiang ang thubuai hlabuai awm lohna kan neih hi Mizoram hi hmun ralmuang a ni tih a tilang chiang hle a ni.

Tin, Crime Registration te pawh hi a tlahniam kan tih kha a tlahniam tak tak a. Kum 2005 chhungin za a 32-in kum hmasa ain case (thubuai) registered a tlahniam a ni a. Tin, thlahnih chhung ve ve,

nikum January leh February leh kumin February leh January chhung khan case a hriam nasa hle a, kuminah hianin case zaa 43-in nikum aini kha thia hiah chhung ve veah khan atlahniam a. Khang kha Law & Order ah khan improvement a awm a ni tih chiang taka lantirtu Pu Dy. Speaker a niin kan hria a, he House-ah hian ka han sawi duh a ni a.

Tin, hei Mizoram Police ten hna an thawk tha hle mai a, an efficiency hi a sang a, Mizoram Police te hi India ramah Police tha ber an ni e kan ti a, vawinniah kan chhuang tlang theuh mai a, alawmawm hle a ni. Tin, All India Level-ah pawh case chhuichhuahah zaa 42 an chhuichhuah lain Mizoramah chuan zaa 84 kan Police te hian an chhuichhuak a ni a, a tha lellawl hle mai a kan chhuang takzet zet a. Tin, heng tualthahna lian tham, IPC case lian thamte pawh hi Mizoramah hianin 100 a 85 te chu chhuichhuah an ni. All India level chu 100-a 80 te a ni a. Chutiang ang chuan All India-a teh pawhin hetiang lamah hianin kan sang zawk a ni a, a lawmawm takzet zet a. Tin, rukru case office against properties pawh hi chhuichhuah zat chu case awm zawng zawng 100-a 76 hi chu chhuichhuah a ni a. Khang kharin kan Police te efficiency chu a tarlang chiang hle awm e. Khang te te kha vawinniah hian kan sawi lang duh a ni.

Tin, hei ILP violator kan ti a, kan hria a, ILP dan lo anga lo lut ru te hi kan vai reng a, kum kalta chhung khan 3500 zet zawi kha kan thawnkir a ni. Tin, ram pawn lam mi Foreigner dan lo anga Mizoram lo lut te man a thawnkir hi 700 chuang nikumah khan an awm bawk a. Chhung chuan kan Police ten hmun dang atanga dan lo anga kan rama rawn luh ruk tumte an vai ngun hle a ni tih pawh kha a lantir hlein kan hria a ni.

Tin, hei Pu Dy. Speaker, kan hriat angin Mizoram chu ram buain a karcheha, inti mai teh ang, kan chhakah Myanmar sawrkar a awm a. Military sawrkar ani a, an zei kan hre mai a. Hetah keimahni India ramah kan thenawm State-te chu underground elements nei vek an ni a. Chutiang te nen chuan kan inri hlawm a ni a. Tin, kan hriat theuh angin Sawtah ... Bazar chhlim lamah sawn International Arms Bazar tih mai tur khawpin a ruka miin silai an lei duh chuan lei tur atam em em a ni. Tichuan India Hmarchhak leh India ram State danga hel (underground) Group te pawh hian saw saw an Silai chawknah hnar a ni tih kan hria a. Mizoram hi an kaltlang a ngai thin a. Chutianga kaltlang tum tam tak chu kan man reng a ni. Tripura-ah an man ve ngai em? Assam-ah an man ve ngai em? Pu Dy. Speaker, kan Police te hian tunah hian thahnemngai taka an thawhrinna avangin nikum chhung pawh khan sophisticated Arms pawh hi 20 zet an man a ni.

Tin, chutih rualin local made kan tibte pawh hi 7 laian man a, Rocket-launcher 1 an man a, tin, silaimu hrang hrang 1680 rds chuang zet an man a. Grenade 9, rocket mu 17, time bomb engemaw zat te pawh an man a ni. Hei hi kan Police te hnathawh rinna leh thawhthat yang a ni tih hi vawinniah hian kan sawi duh a ni. Silai hralli ruk tum emaw, zawih ruk tumte te emaw an lo man zelna avang zawk chuan ram ralnuang kan niin thinthin vawinni hian kan mu thei a ni. Kan ramah development chak takin a kal thei tih kha Pu Dy. Speaker, ka'n sawi duh a ni a. Tin, hei kan Police ten an manawh quarter te. Office te hi Police Housing leh Police Modernization, India ram puma an scheme neih atangtein kan theih tawpin hma kan la ve a. Tichuan, kumin 2005

chhung hianin quarter chi hrang hrang 65 kan sa a. Tin, Office building hei hi Administrative building kan ti ve a. Battalion ah chuan kan C.O. kan Commandant Office te leh S.P. Office te, hetiang pawh hi 16 kan sa a. Tin, Motor garage hi 10 zet kan sa bawk a ni. Chuvangin Pu Dy. Speaker, kan Polkice enkawlnaah pawh hian Sorkarin theihtawp a chhuahnaah Quarter leh Office lamah pawh kan changlung sawt em em a. Tin, an promotion pawh hi theih ang tawkin held up reilo a tikhawtlai lova han tih zel kan tum a. Kum 2005 chhung khan Police rank hrang hrangah hian promotion 277 kan pe a. Kan Police te pawh hei hian a tihlim em em a. Deputy S.P. leh achunglamah khan 7. ASI to Inspector ah 70. Constable to ASI an kaichhohna ah khan 200 zet. An vawin 277 kum 2005 chhung khan promotion an hmu a. Chu chuan kan Police moral pawh a tisang em em a. Tin, kan MPSC kaftanga MPS atana sorkarin alak thar 10 te khan an training an zova. Tunah hian post hrang hrang an rawn zawm ve tawh a. Chu chuan min tihuisuini vawinniah hian kan hnathawhnaah kan changtion phah em em a ni.

Tin, kum 4/5 chhung khan Medal pawh kan Police te hian chi hrang hrang an la a. 1999 ah 2, 2000 ah 6, 2001 ah 21, 2002 ah 5, 2003 ah 13, 2004 ah 7, 2005 ah 9, 2006 ah 9. Khatiang khan kan Police ten medal chi hrang hrang an la a ni a. An hnathawhnaah khan recognition an hmu a. Hei hi kan lawmpui em em a ni. Tin, kan ngaihthlak tak ang khan kan hnathawktu ber te T.A. hi kan duh ang hun hunah kan pe thei lova, kan buaipui khawp mai a. Kan sorkarin a ngaihuah thin a. A vai vai pheichuan a tlak duak duak theih thin lova. Tiang chuan nikumah pawh khan sorkarin TE leh MV a nuai 600 zet kan bat clear-na atan nuai 295 min pe a. Tichuan, tunah hian nuai 300 vel Police te hnathawhna leh Motor repair-na man ba hi kan nei a. Finance Department-ah tuna kan saving neih head huan a mi nuai 100 hi hemi TA a tun hian min pe turin kan dil a. Vawinniah Chief Minister nen kan inhuu a, kan sawi dun a. Ani pawhin Finance hotute hnenah Police nuai 100 tuna saving an neih hi an T.A. ba ruhna atan hian ia lo pe dawn nia, financial year tawp luna hian lo tihfel sak rawh u, tinn thupek a siam tawh a, kan lawm khawp a ni. Khatiang khan kan theih ang tawkin chinah chuan kan thlah thlam hauh lova. Amaherawhchu, kan sawi angin pawisa te kan duh angin a indaih loh karah chuan hna thawktute pawh an hlawh leh an lak ngoi ngoi tur Allowance pawh pek tlai deuh chang te a awm lo thei lova. Hei hi erawh chu hriatthiam a ngai hle pawhin kan hria a.

Tin, Pu Dy. Speaker, vameihthlak takin kan ram venhinna leh kan mipuite humhalhna leh Law & Order kenkawlna atana hmanrua tur L.R. Battalion thar din min phalsak tawh kan tih kha tunah hian a dinna atana crore 13 tih kha crore 25 ah min tihpun sak a. Home Minister pawhin a sign tawh e, kan tih kha hei kan Home Secretary hi Zirtawpah khanin Delhi atangin a lo thleng chhova. Ani pawhin Home Minister chuan a sign tawh ngoi a. Hetah Official-ah a hnuailamah file pawh a chhuak tep tawh a ti a. Hei chu thuchiang ani e, a rawn ti a. Tiang chuanin hmanniah kan sawi tawh ang khan kumin thal chhung ngoi hian L.R. Battalion thar hi din kan tum a, chutah chuan a lo berah pawh he battalion ah hian post hi 1060 a thar diai a lak tur a awm dawn a. Kan Mizo ilangval ten hei hi an chhawr bawh hle dawn a ni. Tichuan, a hlui te atanga promotion a chain vacancy ah khan post 200/300 dawn thaw a ruak bawh ang a. Kan ilangval leh thalai mi 1300 dawn thaw chuan appointment an neih thuai theih kan beisei a ni. Tin, kan Police MAP leh MRP ah hian a belhkhawmin 300 chuang zet tunah hian vacancy a awm a. Hei pawh hi sorkarin fill up min phalsak ran ve tawh kan ring a. Tun thal chhovah hian chutiang chuan kan Police post ruak fill up leh Battalion thar diai avang hian Police manpower pawh kan pung chho ang tih kan ring a ni.

Tin, Pu Dy. Speaker, kan hriat angin Khatlaah sawn Mizoram Govt. Secretariat sawn tum a ni a. Heng building construction te pawh hi zawh hmah a nih tawh angin luah theih ani tep tawh a. Tichuan, nakinah chuan kan Assembly building bak hi chu helaia kan Secretariat building ho hi eng Department in nge luah ang, engtinge kan tih ang? tih hi kan sorkar pawhin angaihtuah mek a. Chutiang ang chuan kan Civil Hospital te pawh kan hria a. Saw saw extension angai em em tih kan hre tlang a. Kan Chief Minister ber pawhin heng hi a ngaihtuahin a ngai pawimawh em em a. Thana tlang saw Hospital extension-kah hmang ta ila. Tichuan, Thana hi hmun remchang dang zawng ta ila, ati a. Tin, keimi Home Department-in Sorkara rawtna kan thlen tawh chu (PHQ) Police Headquarter hi Office mawihnai deuh leh mi hmuh pawha chhuanawm ve deuh te hi kan mamawh e. State dangte en hian hei hi timakmawh ani e, kan ti a. Tiang chuan lehkhaw pawh PHQ atanga rawtna rawn siam tawhin sorkarah a lut mek a. Chutiang chuan kan Chief Minister beng pawh hi a thleng tawh a. Nakinah chuan hemi kan Secretariat bawr tuna a luah mekto te Khatla a kan insawn hunah chuan helaiah hian Police headquarter hi din tur angin ngaihtuahna pawh I hmang dang ang u hmang tui kan Chief Minister pawhin green signal min pe tawh a. Kan lawm em em a ni.

Tin, chubakah chuan Armed Vengah khuan 1st Battalion MAP Headquarter a awm a. Tunah khuan Civilian te nen kan inchiahpiah ta lutuk deuh avangin discipline han lek kawh pawh khu ahar deuh thin a. Thenzawl-ah PTC thar siam turin sorkar hmasa Congress Ministry atanga lo select tawh kha tunah hian kan bawhzui mek a. A building eng emaw zat phei chu ruahman tawh a ni a, a parade ground phei chu zau pui kan siam tawh a. A fencing te pawh saw kan ti tha tawh a. Chutiangin battalion thar recruitment hi kan lak fel a, training aawm leh hunah chuan Thenzawl hmun tharah sawn kan recruitment neih thar te chuan training an nei tawh dawn a ni. Tichuan, a camp tuahnum pawh a theih ang ang khan a hmunah kan thawk chho ang a. Pawisa kan neih ang angin kan chhonzawm zel bawh ang a. Chutiang ang chuan PTC hi Thenzawlah insawn sela, tichuan heta 1st Bn. Chu PTC Lungverh ah khuanin insawn ta sela tih angin ruahmanna tunah hian a awm a. Chuvangin, Pu Dy. Speaker, kum tharah hianin chutiang chuan kan Chief Minister min ngaih pawimawh na a zarah Home Department abikin kan Police Department pawh hi tih kha kan sawi duh a ni a.

Tin, hei kan Member zahawm tak tak te khamin Fire Service Organisation (Fire kan ti mai a) ngaih pawimawhna te, Police ngaih pawimawhna thu te kha an han sawi a. Lawmawm ka ti khawp mai a. Keimah chahbin emaw ngaimawh ka ti a. Fire te hi - Mahse, tunah chuan mamawhna in a rawn ur thlu a. Engnge ni thul lo thleng (incident lo awm)in keimahmiah awareness ngaih pawimawhna lam min pe chak hle ruin ka hria a. Nidangah chuan kan sawi tam ngai vak lova. Tunah hian kan Fire Service hi kan la pachhe khawp mai a. fire tender Motor tuiphur chi pawh hi 18 chauh kan nei a ni a. Tiang chuan hmun dang dangah kan han sem kual ve leh nghal a. Tin, chutiang ang chu kan nih avangin a mihring pawh them te kan la ni a. Tunah hian Fire Service hi enlarge, tilian a, tipung a, a mamawh anga siam belh turin proposal pawh PHQ atangin sorkarah submit tawh a ni a. Hei hi kan ngai pawimawh tlang ani tih kan hriat kham kan hmalaknaah pawh min tiphur sawt lehzuah a. Dik tak chuan tunah hian kan Fire Station hmun a laihawl bera kan neih thin Thana tlangah I ti mai ang, sawlaia kan hmun pawh Salvation Army hmun te a lo ni a. Kan chhuahsan a lo ngai a, a bulah quarter kan nei e kan ti

a, Millenium Centre bul kawng chim khan min tihchhiat sak a. Tunah hian Fire Station hi Aizawlah hian kan nei lo reng reng a. Thana kawtah sawn englin tin emaw kan inhnawh ringawt mai a. kan vak vai ang reng khawp mai a. Khati zawnote pawh khan kan ngaihtuahna aawm a. Khuta Hunthar veng ami khu chu Office a ni a. Khu khu chu quarter te nena awmma tur a ni mai a. Hemi a Fire Station kan hian tih tak tak hi chu a ualau leh hmun remchang laiah a awm tur a ni a. Kha kha kan dinhmun ami a. Sawlai Pakhangba leh Millenium Centre inkarah te sawn a zoh theih angem? tih te kan ngaihtuah a. Engpawh ni selangin kha kha chu kan la zawng zel ang a. Kan duh ang chuan Aizawl ah hian hmun thumah tal Central-ah North ah leh South ah te hian Fire Station chu awm ngei se kan duh a ni.

Tin, nichinah khan Kangthelhna tui chungchang sawite pawh a awm a. Kha kha tunah chuan kan PHE Department leh Fire S.P. te an lo inbe tawh a. Tunah hian Aizawlah hmun sawn leh a zat chiah ka hre ta lova, hmun 15 chuang niin ka hria, rikrum thulhah tui han thalna tur, pipe han zawm a tui lak awlsamna tur an identified tawh a. Lungleiah pawh 5 an identified tawh a. Saiha ah 3 chutiang ang chuan kan theih ang angin hma chu kan lo la ve e tih kha. Fire chungchangah ka'n sawi duh chu ni sela, a tha ang e. Tin, kan Fire Service te hnathawh hi thenkhatin an ankhum leh vak vak thin a. Keinin kan fak hle a. englai pawhin an Fire tender-ah hian tui hi a khat reng a ni. Tichuan, kanmei awmma lamah an kal ta a. tui an han phuh sar sar a, minute 15/20 velah a zo ta mai thin a. Chutah chuan a dan gehawi lehna tur khan a hrai vaiah khan source alo awm loh chuan a buathlak khawp a. Thenkhat chuan, tui pawh a rawn phur lo, te kan ti a. Hetiang em em a kan Fire tender te tui phur reng, phur lo intih sak hi chu ka lai a lo na ve em em thin a. A zawh hi chu a zo rang a ni, kan hre vek, kha kha chi kan pha hauh lo. Amaherawhchu, kang thelh tura tui englai pawha nei tura inralring ve. hlawh nei a enkawltu a kan michhawr te hi tui nei lovin an awm ngai lo a ni, hei hi chu a chiang khawp a ni. Chuvangin, vawinniah hian mei kang thelhna turin a langkaina leh a pawimawhna kan hmuchhuak zel a. Pu Dy. Speaker, kan Fire Service hi chutiang chuan vawinniah sawi pawh an hlawh tan ta viau mai a ni. Kan Traffic Police te pawh sawi ang khanin S.P. puilingte pawhin enkawl se kan duh khawp a. Sum harsatna avangin post siamte a lo har deuh avangin kan duh ang erawh chuan kan kal chak lova. Heng hi mi engzat nge kan mamawh ang tih pawh hi tunah hi chuan proposal awm sa vek tawh a ni a. Engpawh misela, sum leh pai dinhmun a zirin heng hi chu a kal chho ve leh zel dawn a ni e tih kha ka'n sawi duh lawk a ni e.

Tin, Pu Dy. Speaker, thil pakhat ka'n sawi loh theih loh a awm a, tunah hian kan modernization scheme atang hian kumin chhungen khan Gypsy 11, Motor Cycle 20, Sumo Tata 5, Water Tanker, Medium Truck 2, Fire tender 4, Tata Indigo 1, khati ang khan kan hmu a. Heng motor hi a taka khulama an neih sa rawn thawn chhoh tur a ni a. Fire tender erawh hi chu a lo la thleng lova, khati ang khan kan changtlunginkan phuisui ve zel a ni.

Tin, kan wireless (W.T.) kan tih mai hemi equipment leh a hmanua hirang hirang te pawh hi kan hmu ve tan ta khawp mai a. Chutiang chuan computerization atan pawh tiang khan hmanua min rawn pe ve zel a. Tin, Forensic Science lamah pawh hma kan sawnin tunah hian ahmanua pawh kan in equipt tha ve sawt em em a ni, tih kha kan sawi duh a. Silaimu te pawh Modernisation atang hianin min rawn pe ve zel ani tih kha kan sawi duh a ni.

Tin, a dang lehah chuan thil thar deuh mai pakhat kumin January 1, atang khan kan Police-ah hian tih kan nei a, hei hi kan Police life hi LIC hotute nen inheremin tunah chuan insured a ni ta a, kumin January thla atang khan. Chu chu Rs. 105 thlatin an deposit ang a, vanduinana min lo tawk se nuaikhat pek tur a ni a. Accident a nih chuan nuaih hmih ani ang a. Tin, hemi bakah khan za zeal 55 leh apung za a pariat kha an hmu let dawn bawk a ni a. Chuvang chuan kan Police te tan an welfare kan enna kawngah hei hi thil tangkai tak anih kan ring ani. (PU LALDUIHOMA : Tihluhna em ni?) Anmahni duhthlanna thap a ni. Pu Dy. Speaker, hei hi chu a thuhrimin tih awm tak pawh niin a lan ga. Chuvang chuanin helai hi thil remchang tak pawh a ni. (DY. SPEAKER : Eng chinngge ni a, Officer chinngge ni?) IV Grade pawh an tel vek, a duh zawng zawng kha. An duh vek a, tumah intihluhna a awm lo Aw, kha kha a ni e.

Tin, Pu Dy. Speaker, nichinah khan Member zahawm takin Bolero MZ 01 C-7690 in Zu a phur tih kha a hant sawi chhuak a, kan han en a, Police Motor hetiang number nei hi chu a awm chiah lo a. amaherawhchu, "kan lo chhui ang a," tih chin kha ka chhanna ni mai rawh se

PU R. LAIZIRLIANA : Pu Dy. Speaker, a lawmawm khawp mai a, khami piah lma kha kan Commandant thenkhat tena khalaia Assurance a sorkar in ti lo tura in tih tawh an la tilui zel ani tih chungchang ka sawi kha Police Personel te anmahni personal work a constable-an la chhawr zel thin akha kan ti tawp ang tih kha House Assurance min pe thei em tih kha kan zawt duh a ni.

PU TAWNLUIA MINISTER : Pu Dy. Speaker, kalphunga a entitlement pangngalle bak chu tuman hei hi chu an hmang thiang lova, Sorkar kalphung pangngain kan kal a ni tih chu kan kalphung a ni.

PU R. LAIZIRLIANA : Pu Dy. Speaker, kan kal a ni an ti a. He- laiah pawh hian strong warning pek a ni tih min hrith a. Amaherawhchu, an la chhawr hui zel a ni tih he House hi tumah khan ka hrith a, nichinah pawh ka hrith a, chu chu (interruption) ka ti a ni.

PU TAWNLUIA MINISTER : Pu Dy. Speaker, heta sawi zawng zawng assurance indil hi chu a mawi pawh a Mawihmang lo a, amaherawhchu, confi- dence kan innei a, kan sawi tawh hi chuanKan tilitur kan hai lo an g tih hi hretlang ila a thain ka ring e.

Tin, Pu Dy. Speaker, kan Police khatiang ang khaan kawng hrang hrangin an phurin an moral hi a tha em em mai a, alawmawm kan ti a. Chutiang chuanin tunah hian hna an thawk mawlh mawlh a, dik tak chuanin khawthlang lamah Bru unau helte hian engemaw chenah min rawn tibuai leh deuh thin tih kan hria a. Kidnapped case-ah hian operation hi a har khawp mai a. An nuruta kawltu an nih avangin inkah chilh leh han inbeih vut vut hi kan save tumna kha a save loh theih a. Chuvang chuan kan Police te an hman tlak lova, an inkap ngam lo lam ni lovin a situation a zir khan buai hun leh hun lo hi chu a nachang an hria a. Chuvangin kidnapped case tak tak umzuinaah hi chuanin khalai kan life saving tur tak laite a kha hriatreng angai a. Operation dang anga intawngtaw hmachhawn loh tul chang kha a awm thin a ni tih kha kan hriat pawh kan duh viau ani.

Tin, hei tun January thia atanga khulain incident awm hlek hlekah khuan kan Police te a chan tha lamah zel an tang a, a lawmawm pawh ka ti a, chipchiara sawina hun pawh a awm lova. Chuvangin kan Police te hi a hmantlak loh zawng emaw a lak tlak loh zawng emawa sawi hi kan tihur lo lampang zawk a nih ka ring a, helamah hian tan la se tih erawhchu kan welcome theuh thlang turah ngai ta ilangin. Dik tak chuan kan Mizoram Police MRF te hi thubuai/blabuai lam lamah pawh an thil chhui kha achak em em a. Tin, operation lamah pawh khatiang ang kha an chhuanawm em em a. Sawta Saiha lama ramri hrula Burma lam mi underground CAN Camp Victoria va beih chungchange pawh kha rawn sawilan a ni a. Hei hi dik tak chuan Pu Speaker, Assam Rifle duty-natur a ni. Myanmar border hi hetiang thil chuan Assam Rifle chan a ni. Home Ministry hnuai an ni. Amaherawhchu, sawlaih an inkhuar a, Mizoram Police te hi ti turin, hei turin min beisei tlak, an ngam leh ngam loh vang, a ni nge ka hre lo, engatinge? Chutiang chuan an tih tur ni lo mahse, Mizoram Police hian Mizoram sorkar tih zahawm nan te, India ram humhin nan te, tha an thawh zawk a ni. Chu chu a kalphung a ni a, chuvangin mi ral rama ring an rawlh laia helaia chutin khatin lo tih hi member zahawm takte tan chin tam loh kha a dik zawkin rinna ka nei a ni. (PU LAIRINLIANA SAILO : Pu Dy. Speakekr, lem channa laite kha a tha lo e, kan tibna mai ani. An thawhrimna te a tha e. Amaherawhchu, an va in umchhuah dan lemchana kha mipuih kan chhuah leh si kha, khami lai tak kha alawm th alo kan tih chu.) Khatah khan engmah a lem a awm lo a, a tak kha man chhuah a ni.

Pu Dy. Speaker, thil dan gkan sawi leh duh chu Bangladesh atanga infiltration kan tih tunahma kan buaipui em em thin. Chakma unau te lo lut ru thin, illegal entry hautak lutuka ven ngai te pawh kha hei tun kum 4/5 chhung hi chuan a reh ta khawp mai a. Hei hi kan Police te border a an thawh hahna rah kan sengna zel nuin kan hria a. Chutiang chuanin ram venhinna lamah hianin kan Police te an chhuanawm em em a ni tih kha Pu Dy. Speaker, kan sawi duh a ni.

Tin, hmannia BNLF unau lo haw te, camp-a rawn haw silai tungte kha, tunah hianin khaw hrang hrangah, kan settle kin tawh a. Tun hnaiah khan 30 zet silai engemaw zat nen an rawn lut leh a, chipchiara sawi tawh lo mai ila. Anni pawh hi kan enzui mek zel a ni a. Hetianga Silai kenge min beih chhung hian chuan Refugee te lakhuina leh seng luhna tur ang hawi zawng pawhin sorkarin hma a lak a rem lo a ni tih kha kan Chief Minister ngei pawhin a sawi tawh a. Amaherawhchu, rawn hawnga hetiang silai nena lo lut duhte erawhchu kan lo dawngsawng lo thei lova. Hmanniah chuan silai SLR - 1 leh a mu 10, 303 Rifle

pakhat leh amu 10, Revolver pakhat, Revolve 22 pakhat, country made sawm granade panga chung chu mi 33-in an rawn luhpui a, an Vice President te, an General Secretary te, Dy. Army Chief te, Senior Adviser te, an major te leh an hotu hrang hrangte nen Tuipuibari-ah dah an ni, tih kha kan sawi duh bawk a ni e. I e kha kha Home lamah chuan kan sawi chun ni mai selangin a tha ang e.

Awle, PHE ah han kal leh ta ila, Demand No. 25 na Water Supply and Sanitation tih a ni a. Chu chu Water Supply chauh ni lovin Public Health Engineering and Sanitation tih a ni a. Thianghlomma hriselna lampang hi ahna pakhat a tel ve a. Chutiang chu a ni a. Hei nikumah khan keimahnai plan pumpui chu Rs. 9372/- lakhs ani a. Kuminah chuanin hei nikun aiin tlein am han tih dawn chuan R.E. ah lo la kal leh tur a ni a. Kha kha chu nikun kan dinhmun kan sawina ni mai selangin. Water Supply kan han tih bian Pu Dy. Speaker, chi hnhin kan then a, pakhat chu Urban water supply kan ti a. Chu chu khawpui ho hi a ni a. A dang leh chu Rural Water Supply kan ti a. Thingtlang khua te an ni a. Tunah hianin kumin kum kal lai mek 2006-ah hian Normal Plan Fund atang te, WSS atang te, Swajaldhara atangte hian khaw 104 ah tui an kham khawp pek tur angin hma kan la a. Tunah hian pawisa kal phungte hi duh hun hunah sanction te alo rem loh takah chuan, tun financial year tawp dawn a, sanction lokal chauh te, a ni nain heng khaw 104-ah hi chuan kan hna bawhzui kum 2005-a kan programme hi chu khaw 104 ah hi chuan fully cover kan tih mipakhatina 40 litre tu adawn theihna tur ang hi chuan tih hlawhtlin theih ngei turin hma kan chhawp a ni.

Tin, Pu Dy. Speaker, a dawt lehah chuan hei Water Supply to Rural School an ti a, Govt. of India in School zawng zawngah hian Drinking Water Supply pek tur ani tih Programme a nei ta a. Chu chu tunah hianin School 2526 Primary School te, Middle School te, High School te, Higher Secondary School thlengin identified ani a. Chung chu drinking water supply neilote an ni a. Tahchuan a hmun a zirin kan pek dan a pawh kha a inang lo a, a then chu Tuizem te a ni a, Aizawl khawpuih chuan Water Connection te a ni a. Tiang khamin a kal chhova, tun kum kalai mekah hian School 60 ah Rs. 133 lakhs zel hmangin tihpuitlin ani a. A bak zawng chu tun kum lo kal tur 2006-2007 ah hian nuai 325 in School zawng zawngah hianin tui intur pek kan tum a, chu chu kan tihpuitlin theih ngei pawh ka ting a ni.

Tin, Pu Dy. Speaker, rural Water Supply chungchangah thil pakhat dang ka sawi leh duh chu nichina Opposition Leaderin a sawi ang khanin India Sorkarin Scheme thar pakhat Bharat Niman a tih hi Water Supply-ah R.D. Ministry hruaiiah khuan Scheme a siam chhuak a. Chu chu Rural Water Supply zawng zawng hi Bharat Niman huuai atang hian kan thawk tawh dawn a. Tunhma chuan PMGY ti ten a kal thin a, khami thlakna tur khan Bharat Niman tih a ni. Chu chu Rural Water Supply Scheme tur ani a. Chu scheme ah chuan 2009 ah chuan khawtinah mitinin tui intur litre 40 an dawng tur ani tih India ram pumpui tan siam a ni a. Chumi hruaiiah chuan hei tunah hian keini pawh 2006-2007 programme hi kan han siam a ni a. Chutiang chu tuna kan dinhmun hi a ni a. Kumina Programme ah hian avai erawh chuan vawikhatah kan cover thei bik lo ang a, tunah hian chu chu kan bawhzui mek a ni.

Tin, Swajal dhara hi scheme thar dewh mai India sorkarin aken tan mek zel ani a. Chu chu kan Scheme pakhatah hian a awm hawh a ni. Chu chu Drinking Water Supply thingtlanga mite tan tihna a ni a.

Tin, chu lo lehah chuan kan sawi leh duh chu, Sanitation chungchangah khanin Total Sanitation campaign an ti a. Chu chu Rural Sanitation Programme hnuaiah hian hma lak chhoh a ni a. District wise-in tunah hian a vaiin District 8 hi cover tawh ani a. Chu chu Central leh State intum sem tur a ni a. Tin, beneficiaries a dawngtu tur, a chhawr bawh tute pawhin contribution an neih ve tur aawm bawh a. chutiang ang programme a chu a ni a. Tunah hian Saiha, Mamit, Lunglei, Serchhip, Lawngtlai District 5-ah te chuan chung chu hna kan tan tawh a, tin, Champhai, Kolasib, Aizawl-ah te hian kumin chho atang hian kan tan dawn ani a. A tawi zawngin sawi ta ila, BPL harsa zualte Ek In pek a ni a. Tin, School ah te ek In pek an ni a. Anganwadi ah te inthiarna tur pek an ni.

Tin, a dang lehah chuan Pu Dy. Speaker, PHE ah hian kan Scheme pakhat chu leihnuai a ni tui pump chhuah a ni a. Chuan aawmzia chu khawlin kan verh chhuak a chu khawh chu drilling rig tih a ni a. tuna kan hman laite hi a that tawh loh avangin tunah hian (drilling rig) pahnih lei turin hna R.E. ah hian ACA atangin pawisa kan nei a. Tichuan nuai 227 in hian tuiverkhawh khawh hi kan lei dawn ani. Kha kha thingtlang lam pangah chuan ni ta sela.

Kuminah engemaw chen Urban ah hian inia kan la a, Mizoram ah hian Town kan tih hi 22 identified ani a. Chuan ang chuan tui thinglim in tur pe turin Department in hma ala a. Tichuan Town 16 ah chuan tui pek tawh ani a. tunah hian Town pali Aizawl Phase - II te Champhai, Kawnpui 'N' leh Mamit, hemite hi thawh mek a ni a. Tin, North Vanlaiphai, Biate, Khawhai, heng hian tui lak chu nei tawh mah se. thawh belh ngai leh bawhzui tur hmabak zing a mi te an ni a. Tichuan, tunah hianin a bik takin Greater Aizawl Water Supply Scheme Phase - II kha kan sawi a, hmannah pawh kan sawi tawh a. Kan hrechiang tawkin ka ring a. Tunah hian crore 113 kha A.A. kan nei a. Chutiang ang chuanin akal chho mek a. Tin, Khawzawl bialtu Pu Andrew khan pawisa hi 2003 atanga hmuh loh kha engatinge a ti a. Hmanniah kan sawi tawh a, kumin February thla khan vaibelchhe 13 an rawn released leh a. chu chu tunah hian hna thawh nan kan hman g mek e, tih a kha ka'n sawi duh a ni a. Chutiang ang chuanin (PU ANDREW LALHERLIANA : Kha vaibelchhe 13 kha chu vaibelchhe 71 leh nuai 40 huamehchung ami a ni a. Vaibelchhe 113 A.A. kan nei tawh tih kha a rawn approved tawh a mi?) Mizoram sorkar atangin A.A. kan nei a. DONER-in a pek loh pawhin Mizoram sorkarin A.A. min pek chuan pawisa chu a ngaituah zui tura ngaih a ni. (ANDREW LALHERLIANA - Pu Speaker, tunah hian pakhatmah indah si lova, khatiang kha chu pass pui tlak a ni lo, a awmzia takah chuan)

DONER in crore 13 min pe a. February thla khan, chu chuan hna an thawk mawlh mawlh a, tunah chuan A.A. 113 crore kan nei a. Chu chu Mizoram sorkar mawh a ni a. Kha kha chu aawm tawh lovang an tih pawhin India sorkar chuan 13 crore chu a rawn sik chhuak leh mai a, kha kha chu a rawn in chawp chho ve turah i ngai ang Pu Dy. Speaker.

Tin, a dawt lehah chuan Champhai Revised Estimate hi Mizoram sorkarin A.A. Vaivelchhe 22 leh nuai 70 hi min pe tawh bawh a. DONER in hmannah nuai khat leh tlem arawn released a, helaha awmsa nen tunah hian an thawk mawlh mawlh a ni. Tichuan Phase - II hi tuna kan hna kal mek hi kan beisei dan chuan kumin Financial year chhung 2006-2007 hian chuan Tuikhuahlangah hian tui pump thlen kan tum a ni. Tin, chutiang bawkin

Champhai pawh hi kumin Financial year chhung ngei hian Darthlang tlangah khian tui pump thlen kan tun a, a thawktote phoi chuan a thla pawh an sawi a, mahse, kha kha chu a sual palh takin ka sawi lovang a. Chutiang chu kan dinhmun a ni a. Tin, Mamit chu kan sawi tawh a, a bial tupa pawhin April atan hma chhawp a ni a tih kha.

Tin, Kawnpui pawh kha bialtun a sawi tawh a, April a Commission turin hma chhawp a ni e tih kha ka han sawi duh a.

Tin, hemi rual hian ka'n sawi duh chu Kawritah pawh khu tunah khuan pumping-in kan ti a, kan peih tep a. Tin, Rengdil leh Zamuang intawm pumping scheme commission theih a ni tawh hawk a. Tin, Kawrtethawveng leh Tuidam intawm turin tuidam thlen dawn a tui khu kan pump dawn a, ima an thawk mawlh mawlh hawk a. Tin, hetah Kawnpui bialah Lungdai leh Sentlang intawm turin Lungdai khaw hnuai ami khu pumping scheme in kuminah hian commission theih turin kan chhawp chho hawk a. Khatiang ang khan a hlawhtling tuirn hma kan chawp chho viau a ni tih kha. Pu Dy. Speaker, kan sawilang duh hawk a ni e.

Tin, tunah hian kan Water Supply Scheme hi chi hrang hrang a awm chung hianin kan sawi tawh thin angin thal va-ekchar, tui vanlai chuanin kan tuihna te a lo kangchat nasa lutuk thin a. chuvang chuan tui nei a kan ngaih khua pawhin tui kan nei tlem leh thin a. Chumi avang chuan Emergency Water Supply Scheme kan ti a, chu chu Motor atu phurh kha ani a. Tunah hian khaw 26-ah kan obur mek a ni. Tiang hianin mahni bialah pawh kan member ten pawimawh leh tui kna tih chuan inhrattir ni zel sela. Khatiang khan thal chhung tui harsat zual chhuang pawhin theih ang anga Motor a han phurh chhoh kha kan han tum dan chu a ni e.

PU ANDREW LALHERLIANA : Pu Speaker, khawngaih takin, Aizawl Greater Water Supply Scheme Phase - II Contractor hian scope of work reduced tawh hnu ah khan vaibelchhe 80 a contract atan khan ademand ani a. A Department-in vaibelchhe 50 leh tih leka zawh theih an tui si a khan, engatinge in negotiate, a, CPWD Rules-ah khan negotiate ngai miah lovin department-in a scope of work a reduce ang a, a contractor an hrilh mai an gih kha awm si a. Khami kha engtizia nge in negotiate pui a, vawiinni hian hotianga in la tih kha I la chhang miah lo a ni.

Tin, zawhna pakhat lehah chuan a reduced scope of work ah khan Aizawl khawpui tui tla tur litre maktaduai 36 atangin maktaduai 12 lek a a tlak tak avangin zo mah ula, a khawpui chanve pawh a chawm dawn lo a ni. Chumi belhchhahna tur chu hmalakna a awm em ?

PU TAWNLUIA MINISTER : Pu Dy. Speaker, contractor hianin vaibelchhe 74 something, 80 a kailo, Pu Dy. Speaker. Department-in an chhut chin ah

chuan vaibelchhe 52.5 ang vel a ni a. Chu chu dan ang bawkin a rawn kal chho ta a, tunah hian Department chuan khatiang khan contractor nen sawi tlangin rem a ruat theih ang em? tiin sorkar a theihluh turin an indawr a, an sawiho lai mek ani, engmal final a la awm lo. Pu Dy. Speaker.

PU R. LAIZIRLIANA : Pu Dy. Speaker, crore 113 A.A. Mizoram Sorkarin min pe a tih kha DONNER-ah hian kan dil neam tawh lova, helai hna kan thawh that loh avangin helai a Mizoram atai man te leh kan chhiah atang te hian pek ve kan tum tihna em ni?

PU TAWNLUJA MINISTER : Pu Dy. Speaker, dik tak chuan heng hi Central Ministry in an ken lai chuan anmahni thua revised kan ni a. DONER in an ken takah khan enchain an duh a khalai thil in thial lai kha ani a, tunah hian chuan crore 13 hi DONER ngei hian hman niah min pe a. Pu Dy. Speaker, thil a kalfluang ang tih kan beisei e.

Awle, tichuan Pu Dy. Speaker, ka Demand No. 13-na Personnel & Administrative Reforms - Rs. 85,15,000/-, No. 16-Home (excluding Jail) - Rs. 124,60,30,000/- No. 25 - Water Supply & Sanitation - Rs. 72,10,70,000/- avain Rs. 197,56,15,000/- hi he House hian min pass ka han ngen e.

PU LALDUHOMA : Pu Dy. Speaker, i vei lama mi te hi Mizorama mipui tam zawk aiawhlu kan ni a. kan Minister hian vawi engemaw zat min hmsitzia tun Session-ah hian a chhakehhuak a, (DY. SPEAKER : A hun rib lo i duh tawh ang) Kan hmsit avanzia te kan hria a, kan zak khawp mai, (DY. SPEAKER : I duhtawh ang khawngathin). Amaherawhchu. he a Demand leh aenkawl mek Arzawl Water Supply Scheme Phase - II te hi a tir atanga vawin ni thleng a a enkawl naah te hian kan mihleli em avangin leh a enkawl na Inuaiah hian case chhui chhuah thiango te awm avangin kan pass pui thei dawn lova, pawl kan ti khawp mai a. Tin

* a la tawp lo.

DEPUTY SPEAKER : pass pui thei dawn lo anih chuan tikhan duhtawh tawh mai la, ka kal mai dawn ! Kan Minister zahawm tak Pu Tawnluja'n a Demand te rawn sawifiahin pass a rawn dil ta a. Demand No. 13, 16 leh 25 na te a vawin Rs. 197,56,15,000/- te hi pass remti apiangin 'remti' ti rawh u le. Chutiang zelin remti lo chuan remti o ti rawh u le.

Awle, Pu Tawnluia Demand No. 13 DP & AR - Rs. 85,15,000/- Demand No. 16 Home - Rs. 124,60,30,000/- Demand No. 25 Water Supply & Sanitation - Rs. 72,10,70,000/- Avaitin Rs. 197,56,15,000/- chu House-in a passed ta a ni.

Awle, tikhan kan Minister zahawm tak Dr. R.Lalthangliana, Pu Aichhinga Demand te a theih ang anga rawn wined up a pass rawn dil nghal turin i lo sawm ve leh ang.

**Dr. R. LALTHANGLIANA
MINISTER**

Pu Dy. Speaker, hei kan hriat theuh angin kan Minister zahawm tak Pu Aichhinga dam lohna avangin phai lamah akal a. chu mi chungchangah chuan vawinniah

aDemand pawimawh tak tak Department 3, Rural Development, Trade & Commerce te leh Soil te wite up a sawi tura tih ka ni a. Amaherawhchu, hei kan thiante ho ngaithla se ka duih khawp mai a, an chhuak vek mai a, pawl khawp mai a, thil pawimawh tak tak an sawite kha a theih ang anga han hrihthiah te kha a changta ni chiah lo mah ila. Pu Dy. Speaker, athat teh reng nen, amaherawhchu, hrih turin vawinniah House a an awm lo hi chu a pawl ka ti khawp mai a. Hei sawite kan nei rual a, R.D. hi mi 17 in vawinniah an sawi a. Soil hi mi 4 in an sawi a. Trade & Commerce hi mi 7 in an sawi a. Amaherawhchu, kan thil sawi kha a in ang deuh vekin ka hria a.

Kan member zahawm tak tak ten an han sawi thankhat kan Block Development Committee koh chungchanga Assembly Session lai te a ni a, tih te leh kohna kan hmu thin lo, tih lai kha action sorkarin a la zel ang a. Tin, vawinni maiah pawh hei an phut ang khanin tihhlawhtin nghal ani a. Meeting of Block Committee zawng zawng kha tun Session chhunga an lo koh thin ang kha an postpone a ni tih te tiang hian lehkhia an siamchhuak nghal a.

Tin, Pu Dy. Speaker, ate lam atangin han sawi tan ila, a that ka ring a, ate han ti ila, sawitu pawh intlem deuhhleka Soil hi mi pali in an sawi a. Helaiiah hian an han sawiah khan soil hi a pawimawh si a. Kan ngai pawimawh tawh lo deuh a ni tih sawite pawh kha awm a. Amaherawhchu, kan sorkar hian a ngai pawimawh a, mahsela thil a tih zung zung theih bik lo rin ka ring a. Hei Mat Valley Project kan Opposition Leader-in a rawn sawite pawh kha, kan sorkar hian tan alo la viau thin a. External aided project tura hmalak kha a ni thin a.

Amaherawhchu, harsatna hi India rama kan tawh nasa, India in Atomic Bomb programme ah a tel avang khaan ramdang tanpuna kha a beisei thei ta lova. Khang avanga harsatna tawh te kha kan ni a. Amaherawhchu, tunah hian kawng dang dangah te hmalak tum leh a ni a. Tin, Mat Valley kha All India Planning Survey-in December ralta mai ah khanin Survey a rawn nei zo a. Report pawh pekluh theih thuai beisei a ni a. Chumi hnuah chuann river valley project (RVP) hnuah Water shed development ah hnathawh chhinzawm thei tura beisei a ni tih kha, chhanna ni ta ang sela.

Tin, kan Soil erosion chungchanga Kolasib bialtu zahawm tak Pu Rintea khan a sawi a. Khami chungchanga khanin hei Teirei leh Tlawng infinna Bairabi leh a chhehvelah fur tuilianin a lak hek nasat lutuk chungchanga khan Soil Department hianin river valley project a (RVP) lunaiiah Tlawng ah hianin treatment te, tuilian danna te leh Soil Conservation hna hrang hrang a thawk tan a ni tih kha kan sawi duh a. Project siambelh zel tum a ni a. Helai Bairabi hmun pawh hi thawh theih thuai tura beisei ani tih kha kan hriat a tha awm e.

Tin, Vairengte check gate kha sawi a luawh viau a. amaherawhchu, hei hi munal takin sorkarin a chhanna pawh tun Session chhung hianin pek a lo ni tawh a. MAMCO hianin Govt. notification Oct. 20, 2004 a chhuah ang khanin Ginger te, Chilli te, Sousage te, Cotton te, Termatic item bik atan hianin garlie chi hi khawn tura thuneihna a lo pek kha a ni a. Chumi avanga khawn chu an ni.

Tin, garlic chi a bithliah ang hianin MAMCO hianin a la ani tih hi hrebawk ta ila. A tha awm e. Tin, Trade & Commerce ah hianin thil han sawibelh hlek tur awm ve pakhat chu. Kan Chief Minister zahawm tak hi tunhnaia kan hriat theuh angin Delhi ah a zuk zin a. Helaiiah hianin hna chak taka kalpui dan kawngte pawh Bangladesh Prime Minister nen zuk inhmui in hma an la mek a ni tih kha chanchinbuah te leh chanchinthar ah te kan hre awm e. Tunah hian lunachhawp tur lian tak tak kan nei a. Hei abik takin Mizorama kan Mautara tarah hianin khulaiiah Kaptai Paper Mill in Mau an mamawh em em a ni tih kan hria a. Chumi chungchanga chuan Mizorama Mau tam tak Bangladesh a thawh thlaka an ni pawhin an hman tangkai theih dan tur te kan Chief Minister hianin Bangladesh Prime Minister nena sawihoin tiang chuan hma alak dan tur kawngte, an sawi a. In tunah hianin Bangladesh sorkar pawh an inhawng hle tih kan hria a. Tuangtea kan tih theih chuanin kumin chbung hian hma kan lak hman pawh a beisei awm dawnin ka hria a.

Tin, Bangladesh Prime Minister hianin kan Chief Minister pawh a lo dawngsawng tha a. Delhi mai duhtawk lovin, a miah ngei Bangladesh sorkar te nena indawr a. kai turte pawhin kan Chief Minister te pawh a sawm niin ka hria a. Chuvangin thiltha kawng belama kan insumdawntawn theihna tur atan hian kawng a inhawng zau hlein ka hria a.

Tin, chubakah chuan hei, khulaiiah kan thil tih tur atana pawimawh em em mai, akawng khawpui chhuahna tur kawnglailina Km. 10 bawr velah kha sum a tang rei deuh hlek a. NEC in sum ruahmanna min pek lain planning Commission te, leh DONER lamin harsatna min siam rei deuh a. Amaherawhchu, tunhnaia lawka vaibelchhe 14 lai sanction kan hmu a. Hna hi thal chhunga thawh zawh theih kan inbeisei dawn a. Chutianga kan thawh hunah chuanin, khulaiiah a In kan sakna tur thil tam tak pawh kalpui theih kan inbeisei a ni tih kha kan tarlang duh a ni.

Tin, Sawhthing chungchanga khanin, thil han sawi duh ka'n nei duh chu. Sawhthing price support-na atan hianin nikum budget atan cheng nuai 137 pek an ni a. He price support hi ruil zawh a lo nih tak avang khan kum 2006-2007 tuna kan budget estimate ah hian a tlem ta zawk a ni tih kha.

hriattir ta ila a sawi chhuak tu Pu Sailothanga kha, kha kha a chhanna a ni. Tin, Sawhthing price support tel lo hi chuanin 2006-2007 budget hi 2005-2006 budget ai khanin vaibelchhe 4 lai khan a pung a ni tih kha, ka'n sawi duh bawk a ni.

Pu Speaker, Rural Development chung-changah hianin tawitein thil hian sawi tum leh ta ila, hei IWDP ah hianin kan hlawhtling nasa hle a. Project pawh hi kan lo hmu tam hle mai. India ramah hianin mihring flem dan te leh kan ram len dan hisap ngaihtuah chuanin a hmu tam ber kan ni mai awm mang e aw! Tih tur a ni a. Tunah hianin revised kan neih mek 2001 guide line hnuaiah kan neih khanin project 17 kan nei a. Tin, guideline hnuaiah kan nei hi 27 a ni a. Chuan a total project cost khang zawng zawng atan khan Pu Dy. Speaker, a tam khawp mai a. Nuai 222188 lai alo fling ta a. Tin, implementing Department ah hianin Department hrang hrang ruat a ni a. Agriculture te, Rural Development te, Soil te, Horticulture te leh All Mizoram Farmer Union, (AMFU) kan tih te hi hman an ni. Hei hi tunah hianin progress chak takin a kalchho mek a ni tih kha, kan hriat atan kan sawi duh a.

Tin, hei DAPT hi tihdanglam chhoh blek hlek ani ta a. Tunhnaiah hianin 1994-95 atang khan DAPT hi tan ani a. 1994 atanga 1997 thleng hianin Govt. of India chuan he scheme hi Plan Sector hnuaiah dahin sum pawh hi hemi hnuaiah hianin hmuh thin a ni a. Chuan DAPT scheme a kan hmuh te hi 1994 atanga 2005 thleng hian Planning Commission atang khanin a sum hi hmuh thin a ni a. Mahse, Pu Dy. Speaker, nikum 2005 atang khanin Ministry of Home Affairs Govt. of India atang khanin kan hmu ta a. Hei kan hmuh dan pawh hi a tha hle a. 1994 - 1995 inkar chhung khaMNF sorkar hma a ni a. Khatih hun lai khan cheng nuai 1845 kan hmu hman a. Tahchuan hei MNF an sorkar ta a, 1998 atanga vawiinni thlenga kan han hmuh hi a lo tam khawp mai a. Vaibelchhe 100 a fling flat a ni. Hei hi a ropui hle mai a. Hei hi international border area kan block bikin a hman a ni a. Chutih lai chuan kan MLA zahawm tak tak ten, BADP sum hmang ve thei lo te hi min duhsak thei lawm ni? Tih te pawh hi ngaihtuahna sorkarin nei zel tura ngai ila. Hei tunhnaia kan Chief Minister kaihurainain Urban Development Department te pawh hawn a ni dawn ta a. Heng atangte pawh hian scheme chi hrang hrang BADP area-in a cover lova, kan neih theih turah ngai ila, a tha awm e.

Chuan Pu Dy. Speaker, tam ka sawi lo mai ang a. Hei a han hrilhfiah ngai tura te kha an haw deuh vek si a. Chuvangin helam pang hi chuan kan chiangsa viau mai a. Hrilhfiah leh tur chuang tehchiam awmin ka hre lem lova. Chuvang chuanin, Pu Dy. Speaker, he kan Demand rawn submit demand pahum pawimawh tak tak Demand No. 33-na Soil & Water Conservation - Rs. 7,78,55,000/- te Demand No. 38 Rural Development - Rs. 34,27,30,000/- te, Demand No. 44-na Trade & Commerce - Rs. 3,02,76,000/- avaiin - Rs. 45,08,61,000/- te hi he House in min pawmpui atan ka rawn ngen a ni. Ka lawm e.

DEPUTY SPEAKER

: Awle, Pu Aichhinga demand te Dr. Lal-
Thanghiana'n a rawn sawifiahin passed a
Rawn dil a. Demand No. 33, 38 leh 44
te avaiin cheng vaibelchhe 45,08,61,000/-
te hi passed remti apiangin remti tiru le Chutiang zelin remti lo chuan remti lo tiru le.

Awle, Pu Aichhinga Demand No. 33
Soil & Water Conservation, Rs. 7,78,55,000/-, Demand No. 38 - Rural
Development Department Rs. 34,27,30,000/- Demand No. 44 Trade & Commerce -
Rs. 3,02,76,000/- . Avaiin Rs. 45,08,61,000/- te chu House-in a passed ta a ni.

Awle, vawiinni atana kan business chu
kan zo ta a. Naktuk ni 28.3.2006 Thawhlehu zing dar 10:30 ah irkhawm kan
chhonzawm leh dawnnia.

Sitting is adjourned at 6.05 P.M.